

## TUSARNIAANEQ PILLUGU ALLAKKIAQ

**Kommunini suliassaqarfiit aaqqissuuteqqinneqarnerata allanngortinneqarnissaanik Inatsisartut inatsisissaattut nr. xx, xx,xxx 2016-imeersumut siunnersuut.**

Naalackersuisut piffissami 27. august - 7. september 2016-imi siunnersuut tusarniaatigisimavaat.

Tusarniaaneq ingerlareermat Naalackersuisut Siulittaasuata Naalackersuisoqarfia inatsisissatut siunnersuummi taakkunungalugu nassuiaatini iluarsissuuteqarnissamut tunngavissaqalersimavoq. Iluarsissutit suliarineqarput inatsit taamaallaat ersarissarniarlugu aalajangersakkallu pisariaqarsorineqanngitsut peerneqarsimallutik. Taamaalilluni inatsisissatut siunnersuut tusarniaataasimasumit allanngortinneqangaatsiarsimavoq.

Inatsisartut inatsisissaattut siunnersuut ukununga tusarniaassutigineqarpoq: Kommunit sisamaasut, KANUKOKA, KANUNUPE, Kommunit kukkunerisuiusuat BDO, Deloitte, GE, SIK, AK, PIP, DJØF, IMAK, ASG, Aningaasaqarnermut Naalackersuisoqarfik, Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfik, Aningaasaqarnermut Sulisoqarnermullu Aqutsisoqarfik kiisalu Kalaallit Nunaanni Biskoppi. Siunnersuut Naalackersuisut tusarniaasarfiannut aamma ilineqarsimavoq.

Makkunanga tusarniaanermut akissutit 13-k tiguneqarput:

BDO, Aningaasaqarnermut Aatsitassanullu Naalackersuisoqarfik, Akileraartarnermut Aqutsisoqarfik, ASG, IMAK, AK, SIK, Kalaallit Nunaanni Sulisitsisut (GE), Kommuneqarfik Sermersooq, KANUKOKA, Qeqqata Kommunia, Kommune Kujalleq aamma Qaasuitsup Kommunia.

KANUKOKA-p aamma IMAK-ip tusarniaanermut akissuteqaataat oqaaseqaateqarnissamut tunngavissiisimangillat.

Ataani takuneqarsinnaapput tusarniaanermi akissutit tassunga oqaaseqaatit.

Tusarniaavigineqartut	Tusarniaanermut oqaaseqaatit	Oqaaseqaatit
BDO Grønland	Siunnersuummi allasimasutut naatsorsuutit taakkulu kukkunerisiorneqartarneri kommunit aqunneqarnerat pillugu inatsimmi maleruagassat naapertorlugit ingerlanneqartassasut BDO allappoq. BDO-p tassunga oqaatigaa Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisissaattut	Tamanna aaqqinneqarpoq.

UKA 2016/117

Suliani nr.: NSN 2016-12495

	<p>siunnersuut nr. xx, xx. xxx 2016-imeersoq (UPA2016/20) inatsisartunit UKA2016-imi</p> <p>aappaaneerqarlunilu pingajussaaneerqartussaammat. Inatsisissatut siunnersuut kommunit naatsorsuutaanut taakkulu kukkunerisiorneqartarnerinut aalajangersakkanik ilaqarpoq siunnersuummilu § 47 aqutigalugu siunnersuutigineqarluni kommunit aqunneqarnerinut tunngatillugu aalajangersakkat atuuttut atorunnaarsinneqassasut.</p> <p>BDO Kalaallit Nunaata oqaatigaa siunnersuummi § 21-imi allassimasoq kommunini nutaani marluusuni aningaasaqarnermut ataatsimiititaliat Qaasuitsup Kommuniata 2017-imut naatsorsuutai saqqummiutissagaat aammalu kommunini nutaani marluusuni kommunalbestyrelsit naatsorsuutit kukkunerisuiisunut saqqummiutissagaat. Kukkunerisuneq Qaasuitsup Kommuniata siornatigut atortagaanit kukkunerisuiisunit suliarineqarpoq.</p>	
<p>Aningaasaqarnermut Aatsitassarsiornermullu Naalakkersuisoqarfik</p>	<p>Aningaasaqarnermut Aatsitassanullu Naalakkersuisoqarfiup naammagisimaarlugu maluginiarpaa inatsisissatut siunnersuummi aningaasartuutit avinnissaat tamarmik inissinneqarmata maanna Qaasuitsup Kommuniusumut kingornalu kommuninut nutaanut marlunnut, taamaalilluni kommunimik avitsineq inuiaqatigiit sinnerinut artukkiissanani.</p> <p>Kommunip atuuttup avinneqarnera – kommunalbestyrelsit nutaat marluk</p>	<p>Naalakkersuisut Siulittaasuata Naalakkersuisoqarfia tassunga oqaaseqaatissaqanngilaq.</p> <p>Naalakkersuisut Siulittaasuata Naalakkersuisoqarfiata tamanna isumaqatigaa.</p>

	<p>pilersinneqarnissaannut siunnersuutigineqartumi peqatigitillugulu kommunalbestyrelsimik pioreersumik ingerlannera 2017-imilu ikaarsaariarnermi ataatsimiititaliat ilanngullugu allaffeqarfinnik marlunnik pilersitsineq – pissutsit allat assigalugit allaffissornermut aningaasartuutit tamarmiusut amerlanerulissapput. Taamaalilluni kommunini nutaani innuttaasunut maannakkut sullissinerup qaffasissusiata atatiinnarnissaa, (ilaatigut kukkuneruinerumut suliffeqarfiup BDO-p allagaanit 3. juni 2016-imeersumit uppersarneqarpoq) kommuninut nutaanut marluusunut akileraarutit malunnaatilimmik qaffanngippata ajornakusuussasoq.</p> <p>Allaffissornermut aningaasartuutit qaffasinnerulersut aamma annerusumik akileraartitsiniarneq Attassisinnaanissamut Siuarsaanissamullu pilersaarummi anguniakkamut tunngaviumillu atatitsisuusunut, ingammik Kommunini Namminersorlutillu Oqartussani 2018-imi aningaasaqarnerup oqimaaqatigiinnissaanik kissaateqarnermut akerliupput.</p> <p>§ 6: aalajangersimanagerusumik pineqarpoq, <i>Qaasuitsup kommuniani</i> kommunalbestyrelsimut atuuttumut naleqqiullugu ikaarsaariarnermi ataatsimiititaliat piginnaaneqarnerillu paatsuugassaannngitsumik pineqarpata, kommuninut nutaanut marlunnut kommunalbestyrelsit pineqarpat? Imm. 2-mi paatsuugassaannngitsumik oqaatigineqarpoq, ikaarsaariarnermi ataatsimiititaliat ulloq 1. januar 2018 Kommunilbestyrelsinngussasut – aatsaallu kommunit taakku marluk §1 naapertorlugu ulloq 1. januar 2018 pilersinneqassallutik.</p>	<p>Tamanna aaqqinneqarpoq.</p> <p>Tamanna aaqqinneqarpoq.</p> <p>Tamanna aaqqinneqarpoq.</p>
--	--	--

	<p>§ 13 imm 2 aamma 3. Oqaasertap sinneranut naapertuunnerunngila Naalakkersuisut <i>malittarisassanik erseqqarinnerusunik</i> aalajangersaasinnaanerat. (Tassaavoq oqaaseq taaguutaasoq §21, imm 2.4-imi atorneqartoq.)</p> <p>Allaatigisanit immikkoortunit ”nuutsitat-ikkussukat” peerneqanngitsoorsimasut peertariaqassavasi. (Arlaleriarluni taaneqarsimavoq ”kommunit kattussuunneri”; kisianni tamatuma akerlia inatsisissatut siunnersuummi pineqarpoq).</p> <p>Qupperneq 11, § 13, imm. 3-mut nassuiaatit: Immikkoortoq kingulleq eqqaassanngikkaanni oqaaseqaatini imm. 3 pineqanngilaq. Oqaaseqatigiit kingullit: Imm. 3-imi isumaqatigiinnginnermut aaqqiissutissamik allassimasoqanngilaq.</p> <p>Ataatsimut isigalugu siunnersuut inatsisiliornermi periutsinut tunngatillugu annertunerusumik misissorneqarnissaa pisariaqarpoq. Soorlu assersuutigalugu § 24, imm. 3-mi aalajangersagaq ersarlulluinnarpoq, aamma immikkoortumut nassuiaatit nalinginnaasut amigaataapput.</p>	<p>Tamanna aaqqinneqarpoq.</p> <p>Tusarniaanermi allakkani eqqaaneqartutut siunnersuut piffissakalliorneq peqquutaalluni inatsisileriffimmut tusarniaasoqannginnerani nassiunneqarsinnaasimanngitsut ut oqaatigineqarpoq, taamaattoq inatsisileriffimmut siunnersuut nassiunneqarsimavoq tusarniaanermut atatillugu. Taassuma kingorna inatsimmi nassuiaatinilu, matumanilu aalajangersakkat ilaat peerneqarlutik, aaqqiinissamut tunngavissiiisunik nassaartoqarpoq avinnermut tunngassuteqanngitsunik.</p>
Akileraartarnermut Aqutsisoqarfik	<p>Akileraartarnermut Aqutsisoqarfiup ilisimatitsissutigaa maanna Qaasuitsup Kommunerisaa avinneqassagaluarpat kommunimik allamik sullissilernissaq siunertaralugu Akileraartarnermut Aqutsisoqarfik akileraartarnermut sullissinissamik pilersitsinissaminut arlalinnik aningaasartuuteqarnissaanik kinguneqassasoq.</p> <p>Tamatuma akiligassalinnut nalunaarsuiffiup kommuninut nutaanut</p>	Naalakkersuisut Siulittaasuata Naalakkersuisoqarfia tassunga oqaaseqaatissaqanngilaq.

	<p>atorneqarsinnaanngorlugu avinneqarnissaanut aningaasartuuteqarnissaq naatsorsuutigineqassaaq.</p> <p>Taamatut avitsinissamut aningaasartuutissat Akileraartarnermut Aqutsisoqarfimmit erseqqissumik oqaatigineqarsinnaanngillat, massakkuugallartorli nalilerlugu aningaasartuutissat 300.000 kr. aamma 500.000 kr. akornanni annertussuseqassasut.</p>	
ASG	<p>ASG ima tusarniaanermi akissuteqarsimavoq.</p> <p><b>Tjenestemandit atorfillit</b> Inatsisissatut siunnersuummi §20, imm. 1-imi allaqqavoq Tjenestemandit Qaasuitsup Kommuniatorfeqartut maannamut atugassaritineqartut assigalugit kommunit nutaat marluusut arlaasa ataanni atorfeqalissasut. Atorfinitsinissamik piginnaatinneqartoq tamassuma kingorna tassaassaaq kommunalbestyrelsi nutaaq atorfeqarfiusorlu tassaassalluni kommuni nutaaq.</p> <p>§20, imm. 1-imut ilaatigut allaqqavoq</p> <p><i>"Kommunimi nutaami atorfeqalernerq nammineq nuutsitsinerunngilaq. Tjenestemandit pineqartut taamaalillutik kommunimi nutaami atorfeqalernerup kinguneranik atorfeqarunnaarnissap tungaanut akissarsiaqarlutik/utaqqinermi akissarsiaqarlutik soraarsinneqarnissaminnik piumasaqarsinnaanngillat.</i></p> <p><i>Tjenestemandit pineqartut atorfinitsinneqarfimmi nutaami sulinerup allanngorfiginngisaani allamik naleqquttumik</i></p>	<p>Naalakkersuisut Siulittaasuata Naalakkersuisoqarfiup isumaa tassaavoq inatsisissatut siunnersuummi sulisut pillugit aalajangersakkani tjenestemandit isumaqatigiissutillu malillugit atorfillit piginnaatitaaffii ataqineqartut. Aalajangersakkat assingusut Kommunini suliaassarfiit aqqissuuteqqinneqarnerat pillugu Inatsisartut inatsisaanni nr. 14, 19. november 2007-imeersumi ilaatinneqarput.</p>

	<p><i>atorfeqalersinnaanermut pisussaaffilerneqarsinnaanerannik aalajangersagaq kinguneqarpoq. Atorfiup allap taamaattup naleqquttut isigineqarsinnaanerannik nalilersuinerup saniatigut, atorfiup suunerannik maannamullu atorfigisamut atatinneqarsinnaanerannik nalilersuinerup saniatigut, tjenestemandip ilinniagaqarnera, ukioqassusia, peqqissusia, nunami sumi najugaqarnera, inissisimaffeqarnermik nalinginnaasumik isummertarneq il.il. tunnngavigalugit nalileereernikkut atorfimmut naleqquttumut innersuunneqartutut oqaatigineqarsinnaanersoq nalilersorneqassaaq. Nalilersuinermi aamma ilaatigut ilaassaaq, atorfeqarfigisamik allanngineq kommunip avinneqarneranut atatillugu pinersoq. Tamanna isumaqarpoq tjenestemandit pineqartut maannamut atorfeqarfigisap sinaakkutaasa iluanni atorfigilernissaanik pisussaaffiliissutaasinnaannigitsumi atorfiup nutaap naleqquttup atorfigilernissaanut pisussaaffilerneqarsinnaasooq."</i></p> <p>Kalaallit Nunaanni Namminersornerullutik Oqartussani kommuninilu tjenestemandit pillugu Inatsisartut inatsisissaat nr. 21, 18. december 2003-imeersumi tassungalu nassuiaatini allaqqavoq Tjenestemandinut atorfeqarfik inatsit manna tunnngavigalugu atorfinititsiviusooq sumiinneq eqqarsaatigalugu Kalaallit Nunaanni tjenestemandit atorfiinut aalajangersarneqartutut.</p> <p>Aalajangersakkanut nassuiaatini aamma ima allaqqavoq:</p>	
--	--	--

	<p><i>”Aalajangersimasumut tunngatillugu naliliinikkut atorfeqarfiup sumi inissisimanerani allannortitsinerit, naak tjenestemandinut nunami sumi atorfeqarfigisap iluaniikkaluarunilluunniit, nuutsitsinertut pissuseqarsinnaapput. Atorfinmik allannortitsisoqarneri tamaasa pisumut tunngatillugu naliliisoqartassaaq atorfinmik allannortitsineq tamatumani pineqarnerisq tjenestemandip naammagiinnarsinnaasaanik imaluunniit atorfinmik allannortitsineq nuutsitsinertut pissuseqarnerisq. Pisumut tunngatillugu naliliinermi pissutsit assigiinngitsut inminnut naleqqiuttarlugit oqimaalutarneqartussat aallaavigineqassapput. Pissutsit oqimaalutarneqartussat ilaatigut tassaapput allannortitsinerup siornatigut kingornatigullu atorfiit akornanni sanilliussineq, atorfiup allaaserineqarnera aamma allannortitsinerit tjenestemandimut sioqqutsilluni ilimagineqareersinnaanersut. Taamatuttaaq sumiiffimmik allannortitsineq aammattaaq naliliinermut ilanngunneqassaaq.”</i></p> <p>ASG-p oqaatigissavaa nunami sumi sulinerup nuunneqartarnera Kalaallit Nunaanni immikkut pingaaruteqartoq, tassani nuna isorartoorujussuuvoq allannguinerullu kingunerigajuttarpaa suliamik paarsisinnaajunnaarneq nuunnissamut piomassuseqanngikkaanni periarfissaqanngikkaanni luunniit. Tassunga atatillugu aamma isiginiarneqartariaqarpoq tjenestemandit kommunit 2007-imi aaqquissuuteqqinneranni inatsisartut inatsisaanni pineqartut atorfeqarfii malunnaatilimmik annertusineqarmata</p>	
--	---	--

	<p>kiisalu inatsimmut nassuiaatini allaqqammat nunap immikkoortuinut inissiineq atorfimmut tulluartaunersoq pillugu nalilersuinermi ilanngunneqartassasoq.</p> <p>ASG-p tamanna tunuliaqutaralugu naatsorsuutigaa tjenestemandi atorfimmut neqeroorfigineqartoq taassuma nuunnissaanut kinguneqartussamik ilaqarpat akissarsiaqartinneqarnissat imaluunniit soraarumasinnaassasut pensioneqarlutik tjenestemandip taamatut allanngineq akuersaangippagu. Tamanna inatsisissatut siunnersuummi allassimasariaqaralarpoq.</p> <p>ASG-p aamma naatsorsuutigaa atorfeqarfinnut nutaanut ikaarsaariareernerup kingorna atorfeqarfiup assigusup allap iluani annertusisamik tiguisusaaatitaanermik ilaqassanngitsoq Kalaallit Nunaanni Namminersornerullutik Oqartussani kommuninilu tjenestemandit pillugu Inatsisartut inatsisissaat nr. 21, 18. december 2003-meersup atuuttut avataatigut. Tamanna inatsisissatut siunnersuummi allassimasariaqaralarpoq.</p> <p><b>Isumaqatigiissutit malillugit atorfillit</b> Inatsisissatut siunnersuummi § 20, imm. 2-mi allaqqavoq sulisut isumaqatigiissutit naapertorlugit imalunniit inuit ataasiakkaarlugit immikkut atugassaritneqartuni atorfeqartut maannamut kommunerisimasami atugassaritneqartut assingi atorlugit suliassatik suliariinnarlugit nuunnissamik neqeroorfigineqassasut.</p> <p>§ 20, imm. 2-mut nassuiaatini ilaatigut ima allaqqavoq:</p>	
--	--	--



	<p><i>"Aalajangersakkap kinguneraa atorfeqartoq kommunip avinneqarnerata kingorna atorfeqartitsisumi nutaami atorfeqarnermi sulineq pillugu isumaqatigiissutit malinnissaannut aallaaviusumik pisussaaffeqartoq.</i></p> <p><i>Aalajangersakkap taamaalilluni kinguneraa, atorfeqartup kommunip avinneqarnerata ilaatut atorfeqartitsisumut nutaamut nuunnermut atatillugu sulisitsisup allanngornera atorfeqartup tungaanit sulineq pillugu isumaqatigiissutit atorunnaarsinneqarnissaannik tunngaviliisinnaasumik atorfeqarneq nammineq annertuumik allannguuteqanngitsaq, allannguinerullunili atorfeqartup naammagiinnartariaqagaa. Kisiannili atorfeqarnermi annertuumik allanik allannguisoqanngippat nunami sumi najugaqarneq isiginiarneqassaaq. Atorfeqartorli atorfeqartitsisumut nutaamut nuunneqarnissamik kissaateqanngippat siumut nalunaaruteqartarnerit nalinginnaasut malillugit atorfimminit soraarniuteqarsinnaavoq."</i></p> <p>Nunami sumi sulinerup nuunneqartarnera Kalaallit Nunaanni immikkut pingaaruteqarpoq, tassani nuna isorartoorujussuuvuq allannguinerullu kingunerigajuttarmagu suliamik paarsisinnaajunnaarneq nuunnissamut piomassuseqanngikkaanni periarfissaqanngikkaanniluunniit.</p> <p>ASG-p tamanna tunngavigalugu isumaa tassaavoq isumaqatigiissutit naapertorlugit atorfilik atorfimmik nuuttariaqarnermut kinguneqartussamik neqeroorfigineqartoq atorfeqartitaanermut tunngasunik ima</p>	<p>Naalakkersuisut Siulittaasuata Naalakkersuisoqarfia tassunga oqaaseqaatissaqanngilaq.</p>
--	--	--

	<p>allannguitigisoq, allaat atorfilik sulisitsisumi soraarsitsinissamik aarlerisaaruteqareerneranik soraarsinneqartutut isigisariaqarluni. Tamanna inatsisissatut siunnersuummi allassimasariaqaralarpoq.</p> <p><b>Suleriaatsinut sulisunullu tunngasunik politikkinik isiginninniarneq</b> § 20 imm. 2-mut nassuiaatini allaqqavoq:</p> <p><i>”Kommunini nutaani siunissami ingerlatsivissat inissaannik ikaarsaariarnermi ataatsimiititaliat isummereerpata atorfeqartut kikkut sumi inissinneqassanersut pillugit sapinngisamik piaarnerpaamik pilersaarusiortariaqarput. Atorfeqartut pilersaarutit pillugit ingerlaavartumik ilisimatinneqartassapput,.... ”.</i></p> <p>ASG-p aamma kaammattuutigissavaa sulisut agguataarnissaannut suleriaatsimik pilersitsisoqassasoq tassani qularnaarneqassalluni sulisut ataasiakkaat atorfinnut soqutigisaminnut suliarisinnaasaminnullu qinnuteqarsinnaatitaassasut, ataasiakkaat kissaataat pingaartinneqassasut kiisalu atorfiit inuttalerneqarnerat ammasumik oqimaaqatigiisumillu periaaseqarluni pisassasoq. Aamma tunngavigineqarpoq pisortat ingerlatsineranni suliassanik suliarinnittarnermi malittarisassat malinneqassasut, matumani ilaallutik illuatungerisamik tusarniaasussaatitaanermi, paasissutissani takunnissinnaatitaanermik kiisalu tunngavilersuisussaatitaanermi malittarisassat.</p>	
--	--	--

	<p>2007-imi aaqqissuusseqqinnermisut nuttarnermut aningaasaateqarfiliortoqarnissaa isumaliutigineqartariaqarpoq kiisalu sulisunut tamanut nuunniarlutik aalajangertunut nuunnermut ajunngitsorsiaqartinnissaat qularnaarniartariaqarluni. Aamma allaqqasariaqarpoq tapeqartitsisoqarpat atuuffinnut siunissami suliariunnaagassanik tapit inuttut tapitut allanngortinneqassasut taamaalilluni atorfillip akissarsiaasa ikileriarnissaat pinngitsoortinneqarluni.</p> <p>Ataatsimut isigalugu kaammattuutigineqarpoq Namminersorlutik Oqartussat kommuninilu nutaani ikaarsaariarnermi ataatsimiititaliat suleqataasut pisortaasullu sulinermi sapinngisamik annerpaamik peqataatinneqassasut aalajangiiniarnermi pimoorullugit peqataatillugit atorfeqarneranni, inatsisitigut inissisimaneranni kiisalu sulinermi ammasunik pissuseqarfigalugit pisariaqartitaannik toqqissisimatillugit.</p>	
Atorfilliit Kattuffiat (AK)	<p>AK-mit oqaatigineqarpoq atorfilinnut atorfeqartitaanerup allanngortinneqarnerani inatsisitigut iluarsinermut tunngatillugu, soorlu aamma inatsisissatut siunnersuummut oqaaseqaatini allaaserineqarsimasumi pineqarmat aalajangersimasumik naliliineq, kommunit agguartaarneqarnerisa allanngortinneqarnerata kingunerissaneraa Inatsisip tunngaviusup isumaa naapertorlugu nuutsitsineq. AK.milli isumaqatigineqarpoq sulisitsisut taaguutaata namminermi allanngortinneqarnera tassaangimmat nuutsitsineq. Inatsisartulli inatsisaatigut iluarsineqarsinnaangilaq, atorfilik aalajangersimasumik</p>	Naalakkersuisut Siulittaasuata Naalakkersuisoqarfia tassunga oqaaseqaatissaqanngilaq.

	<p>naliiisoqarneratigut nuutsitsinissamut isummaminik atuuttussanngortitsisinnaanera.</p> <p>Taamatuttaa AK-mit oqaatigineqarpoq , kommunit agguataarneqarsimaneranut atasumik atorfeqartitaanikkut pissutsini annertuunik allanngortoqartillugu, tassunga ilanngullugu atorfirmik atorunnaarsitsisoqartillugu, aammalu atorfilimmut naleqquttumik atorfirmut allamut innersuussisoqarsinnaatinnagu pineqartup tigussallugu pisussaaffigisaani, atorfilik piginnaatitaaffeqartoq atorfilinnut inatsimmi malittarisassat naapertorlugit nammineq atorsinnaasaminik aningaasarsiaqarnissamut.</p> <p>Sulisunut isumaqatigiissutit naapertorlugit atorfeqartunut aamma inunnut ataasiakkaanut atugassaqartitaalluni sulisunut tunngatillugu, AK-mit maluginiarneqarpoq, sulisunut isumaqatigiissutip aamma atorfinitsitaanermi allakkap/-isumaqatigiissutip paasineqarsinnaaneranut pissutaammata, allanngornerit sorliit atorfeqartumit akuersaarneqarsinnaanersut. Allanngortitsisoqassappalli, sulisoq pisussaaffeqanngilaq soraarnissaminut qinnuteqaammik akuersinissamut, sulisitsisulli sulisumit allaanerusumik isumaqatigiissuteqartoqarsinnaanngippat, atorfilinnut inatsit naapertorlugu qinnutigineqanngitsumik suliunnaarsitsinermik suliani sulisuusup piginnaatitaaffiisa qulakkeerneqarnissaat.</p> <p>Inatsisiliorneq aqqutigalugu atorfeqartitaanikkut pissutsini sulisuusup piginnaatitaaffiitut akuleruttoqassappat, tamanna AK-mit</p>	<p>Ikaarsaariarnermi ataatsimiititaliat sulisut isumaqatigiissutit malillugit imaluunniit immikkut isumaqatigiissuteqarnikkut sulinermut atatillugu nuunnissaannut neqeroorteqarsinnaatitaapput, siunnersuummi §12 malillugu.</p>
--	--	---

	<p>arsaarinninnertut paasineqassaaq. AK-p naatsorsuutigaa, inatsimmi siunertarineqanngitsoq piginnaatitaaffitsigut isumaqatigiissutaareersutigut akuleruffiginninneq inatsisitigut akuersissutigineqarsinnaassasoq, pissutigalugu inatsisissatut siunnersuut saqqummiunneqanngimmat arsaarinninnermut inatsisissamut siunnersuutitut.</p> <p>Naggasiullugu AK-mit uparuarneqassaaq, nalorninarmat, kommuni sorleq § 20 imm. 2 naapertorlugu piginnaatitaaffeqarneris.</p>	
SIK	<p>Siunnersuummi § 20-imi aalajangersarneqarpoq Qaasuitsup Kommuniani maanna sulisuusut kommunip avinnerani piginnaatitaaffii pisussaataaffiilu tassani pineqarlutik tjenestemandit isumaqatigiissutillu naapertorlugit atorfillit kiisalu immikkut isumaqatigiissuteqarnikkut atorfillit atugassarititaat.</p> <p>Siunnersuummi § 20, imm. 1-imi taamaalilluni allaqqavoq tjenestemandit Qaasuitsup Kommuniani atorfeqartut maannamut atugassaritineqartut assingi atorlugit kommunit nutaat marluusut arlaasa ataanni ataatsimi ulloq 1. januar 2018 atorfeqalissasut. Atorfinitsitsinissamik piginnaatinneqartoq tamassuma kingorna tassaassaaq kommunalbestyrelsi nutaaq atorfeqarfiusorlu tassaassalluni kommuni nutaaq.</p> <p>Inatsisissatut siunnersuummut nassuiaatini allaqqavoq inatsisissatut siunnersuut tjenestemandinut maanna Qaasuitsup Kommuniani atorfilinnut qanoq kinguneqassanersoq. Tassani ilaatigut allaqqavoq" Kommunimi</p>	<p>Naalakkersuisut Siulittaasuata Naalakkersuisoqarfiup isumaa tassaavoq inatsisissatut siunnersuummi sulisut pillugit aalajangersakkani tjenestemandit isumaqatigiissutillu malillugit atorfillit piginnaatitaaffii ataqqineqartut.</p> <p>Aalajangersakkat assingusut Kommunini suliasaqarfiit aqqissuuteqqinneqarnerat pillugu Inatsisartut inatsisaanni nr. 14, 19. november 2007-imeersumi ilaatinneqarput.</p>

	<p>nutaami atorfeqalerneq nammineq nuutsitsinerunngilaq. Tjenestemandit pineqartut taamaalillutik kommunimi nutaami atorfeqalernerup kinguneranik atorfeqarunnaarnissap tungaanut akissarsiaqarlutik/utaqqinermi akissarsiaqarlutik soraarsinneqarnissaminnik piumasqaarsinnaanngillat."</p> <p>Nassuiaatini aamma ingerlaqqilluni allaqqavoq "Nalilersuinermi aamma ilaatigut ilaassaaq, atorfeqarfigisamik allanngineq kommunip avinneqarneranut atatillugu pinersaq. Tamanna isumaqarpoq tjenestemandit pineqartut maannamut atorfeqarfigisap sinaakkutaasa iluanni atorfigilernissaanik pisussaaffiliissutaasinnaanngitsumi atorfiup nutaap naleqquttup atorfigilernissaanut pisussaaffilerneqarsinnaasoq."</p> <p>SIK-p tassunga tunngatillugu oqaatigissavaa siunnersuummi § 20, imm. 1 kommunimut nutaamut atorfinmut ikaarsaariarneq nuutsitsinertut isikkoqassanngitsoq pillugu aalajangersagaq atorerlunneqassanngitsoq maanna tjenestemandi imaluunniit tjenestemandit naleqqutinngitsumut atorfinmut pisussaaffilerneqarlutik pisussaaffilerneqarnissaanut, kommunimik avitsineq pineqaraluarpalluunniit. SIK-p inatsisissatut siunnersuummi nassuiaatit uku isumaqatiginngilaat: "Nalilersuinermi aamma ilaatigut ilaassaaq, atorfeqarfigisamik allanngineq kommunip avinneqarneranut atatillugu pinersaq. Tamanna isumaqarpoq tjenestemandit pineqartut maannamut atorfeqarfigisap sinaakkutaasa iluanni atorfigilernissaanik pisussaaffiliissutaasinnaanngitsumi</p>	
--	---	--

	<p>atorfiup nutaap naleqquttup atorfigilernissaanut pisussaaffilerneqarsinnaasoq."</p> <p>SIK-p taamaalilluni aalajangiusimavaa Namminersorlutik Oqartussani kommuninilu tjenestemandit atorfinitsinneqartarnerat soraarsinneqartarnerallu pillugit aalajangersakkani atuuttuni periutsit tjenestemandimut atorfiata sinaakkusiussaata iluani naleqquttumik atorfik pillugu nalilersuinissamut tunngaviussasoq aamma kommunimik avitsineq pineqartillugu.</p> <p>Tjenestemandinut pineqartunut inatsisitigut taama inissisimaneq siunnersuummi § 20, imm. 1-imi oqaasertanut naapertuutissaaq, tassani allaqqalluni tjenestemandit Qaasuitsup Kommuniani atorfeqartut maannamut atugassaritinneqartut assingi atorlugit kommunit nutaat marluusut arlaasa ataanni ataatsimi atorfeqalissasut.</p> <p>Siunnersuummi § 20, imm. 2-mi allaqqavoq sulisut isumaqatigiissutit naapertorlugit imaluunniit inuit ataasiakkaarlugit immikkut atugassaritinneqartuni atorfeqartut maannamut kommunerisimasami atugassaritinneqartut assingi atorlugit suliassatik suliariinnarlugit nuunnissamik neqeroorfigineqassasut.</p> <p>SIK-p taamaalilluni maluginiarpa maanna atorfillit suliassatik suliariinnarlugit nuunnissamut "neqeroorfigineqassasut", taamaalilluni inatsimmut atuuttumut, isumaqatigiissutinut atorfeqarnermullu isumaqatigiissutinut naapertuuttumik neqeroorummut tassungalu piginnaatitaaffinnut atuuttunut naameersinnaatitaasoqarluni.</p> <p>§ 20, imm. 2-mi atorfeqartut suliassatik suliariinnarlugit nuunnissamik "neqeroorfigineqarnissaannut"</p>	
--	--	--

	<p>tunngasuni oqaasertai inatsisissatut siunnersuummut nassuiaatinut akerleriipput. Taakkunani allaqqavoq kommunip avinneqarnerata kingorna atorfinitsisissatut oqartussaasumi nutaami atorfininnermut tunngatillugu sulinissamut isumaqatigiissut naammassiniarlugu atorfillit aallaavittut nuunnissamut pisussaasut. Aamma ingerlaqqilluni allaqqavoq "Aalajangersakkap taamaalilluni kinguneraa, atorfeqartup kommunip avinneqarnerata ilaatut atorfeqartitsisumut nutaamut nuunnermut atatillugu sulisitsisup allanngornera atorfeqartup tungaanit sulineq pillugu isumaqatigiissutit atorunnaarsinneqarnissaannik tunngaviliisinnaasumik atorfeqarneq nammineq annertuumik allannguuteqanngitsoq, allannguinerullunili atorfeqartup naammagiinnartariaqagaa, kisiannili atorfeqarnermi annertuunik allanik allannguisoqanngippat nunami sumi najugaqarneq isiginiarneqassaaq."</p> <p>Qulaani taaneqartutut inatsimmi §20, imm. 2-mi aalajangersakkamullu tassunga nassuiaatit imminnut naapertuutinnngillat. Aamma qulaani inatsisinut nassuiaatit paasiuminaatsutut isigineqarput inatsimmilu aalajangersakkamik ersarissumik paasineqarnissaanut iluaqutaanani, uffa inatsisinut nassuiaatit pingaarnertut tamanna siunertarigaluaat.</p> <p>Siunnersuummi § 20, imm. 1 aamma 2 tassungalu nassuiaatit eqqarsaatigalugit SIK-p qinnutigissavaa aalajangersakkat nassuiaatillu taakku nutaamik nalilersorneqassasut, ilaatigut aalajangersakkat maanna inatsisinut atuuttunut isumaqatigiissutinullu atuuttunut naapertuuttuunissaat qulakkeerniarlugu, tassungalu SIK</p>	<p>Naalackersuisut Siulittaasuata Naalackersuisoqarfia tassunga oqaaseqaatissaqanngilaq.</p>
--	---	--



	<p>oqaloqataanissamut piareersimalluinnarpoq.</p> <p>SIK-p aamma maluginiarpa inatsisissatut siunnersuut aningaasaqarnikkut malunnaatilimmik kinguneqartussaasoq, tamannalu ilaatigut Qaasuitsup Kommuni akissarsialinnut sunniuteqartussaalluni. SIK-p ernummatigaa avinnermut tunngatillugu allaffissornermi allanilu aningaasartuutit qaffanneri kiisalu ingerlatsinermut aningaasartuutit naatsorsuutit qaffannerisa kingunerissagaat annikinnerusumik ajornerusumillu sullissinermik. Aningaasartuutit qaffanneri aningaasalersortariaqarmata SIK-p aarleqqutigaa tamakku ilaatigut paaqqinnittarfiit aamma eqqaavilerinerit akiisa qaffannerisigut kiisalu akileraarutip qaffanneratigut aningaasalersorneqassasut. Qanorluunniit tamanna aningaasalersorneqassagaluarpat SIK-p ernummatigaa sulisartut pisissutigisinnaasaannik isertitaat aningaasallu tigorianaasaat ikilinissaat, taamaattoqarpallu isertitakinnerusut annerusumik eqqungaassapput taakkulu ajornermut inississallugit.</p> <p>SIK-p taamaammat ernummatigalugu oqaatigissavaa kommunip avinneqarnera siunissaq isigalugu sulisartut akissarsiaannut atorfeqarnermullu atugassarititaannut tussasoq kiisalu kommunip avinnera aningaasartuuteqarnerulernermik kinguneqassasoq soorlu akiliutit akileraarutillu qaffannerisigut.</p>	
Sulisitsisut - Grønlands Erhverv	Kattuffiup pingaartutut isigaa kommuni avinneqarusuttoq avinnermut nammineq akiliissasoq taassumalu kingorna ingerlatsinermut aningaasartuutaajunnartussat aamma	Naalakkersuisut Siulittaasuata Naalakkersuisoqarfia tassunga oqaaseqaatissaqanngilaq.

	isumagissagai.	
Kommuneqarfik Sermersooq	<p>Qaasuitsup Kommunia avinneqassagaluarpat Kommuneqarfik Sermersuumut aningaasatigut kinguneqassanngilaq. Kommuninik marlunnik nutaanik pilersitsineq ikinnerpaamik 15,8 mio. kr.-it missaannik ataasiarluni aningaasartuuteqarnissaa naatsorsuutaavoq kingornalu ukiut tamaasa siunissami kommunit ingerlannissaannut minnerpaamik 9,4 mi. kr-inik aningaasartuutaasarnissaa naatsorsuutaalluni, taamaalilluni tamatuma Kommuneqarfik Sermersuumut aningaasaqarnikkut tapiissutitigut kiisalu nalimmassaanermik aqqissuussinikkut sunniuteqarfigissanngilai.</p> <p>Kommuneqarfik Sermersuup aamma kissaatigaa aqqissuusseqqinneq malinneqassasoq, matumani Namminersorlutik Oqartussanit kommuninut suliaassanik tunniussinerit.</p>	Naalakkersuisut Siulittaasuata Naalakkersuisoqarfia tassunga oqaaseqaatissaqanngilaq.
Qeqqata Kommunia	Qeqqata Kommuniata naatsorsuutigaa kommunimut ataatsimut tapiissutit allanngortinneqassanngitsut.	Naalakkersuisut Siulittaasuata Naalakkersuisoqarfia tassunga oqaaseqaatissaqanngilaq.
Kommune Kujalleq	Inatsisissatut siunnersuut kommunit sinnerinut aningaasaqarnikkut, allaffissornikkut allatigulluunniit kinguneqannginnissaanik siunertap siunissami akileraarutitigut naligiissaanissamut kiisalu ataatsimoortumik tapiissutit agguaanneqartarnissaannut aamma kinguneqannginnissaannik anguniakkat attanneqassasut.	Naalakkersuisut Siulittaasuata Naalakkersuisoqarfia tassunga oqaaseqaatissaqanngilaq.
Qaasuitsup Kommunia	Ullormi 7. september 2016-imi kommunalbestyrelsip Aningaasaqarnermut Ataatsimiititaliap tusarniaanermi akissutissatut innersuussutaa akuersissutigaa ima oqaasertalerlugu:	Naalakkersuisut Siulittaasuata Naalakkersuisoqarfiata imm. 3-mut tunngatillugu oqaatigissavaa kommunalbestyrelsi inatsit maanna atuuttoq naapertorlugu

	<ol style="list-style-type: none"> <li>1. Siunnersuummut § 10-mut tunngatillugu kommunimik avitsinermi aningaasartuutaasussanut Namminersorlutik Oqartussat aningaasaleeqataasariaqartut. Kommunalbestyrelsip tunngavilersuutaa tassaasoq Qaasuitsup Kommunia kommuninik kattussinermi nammineq tamanna tamakkerlugu aningaasaliiffiginikuusimamma gu.</li> <li>2. Aningaasaqarnermut ataatsimiititaliap kommunalbestyrelsimi ilaasortat kommuni avannarlarmi 17-iunissaannik kiisalu kommunimi kujallermi 15-iunissaannik innersuussutaa kommunalbestyrelsip isumaqatigaa.</li> <li>3. Najukkami oqartussaaqataa nerup siunnersuisoqatigiit siulersuisullu aalajangiisinnaanerisa annertusinerannik qularnaarniarneqassasoq kommunalbestyrelsi isumaqarpoq.</li> <li>4. Ilaasortaatitat amerlinissaat isumaliutigineqartariaqarpoq taamaaliornikkut isorliunerisut kommunalbestyrelsimi sinniisuutitaqarnissaat qularnaarniarlugu.</li> <li>5. Kommunalbestyrelsit inassuteqaatigaa Ilimanamut, Pituffimmuut kiisalu Nassuttuumut kuilleqarfiliussat kommunimik avitsinermi isumaliutigineqarqittariaqartut. 1976-mut innersuussisoqarpoq.</li> </ol> <p>Aningaasarnermut ataatsimiititaliap inassuteqaataani aamma allaqqavoq</p>	<p>najukkani ataatsimiititaliornissamut periarfissaqareermat, nunaqarfinni aqutsisunut annerusumik aalajangernissamut pisinnaatitaaffinnik tunniussisinnaallutik, kommunit sulliviinut atasunik atuisunut siulersuisunik pilersitsisinnaallutik kiisalu siunnersuisunik assigiinngitsunit susassaartunit sinniisulimmik inuttalimmik pilersitsisinnaallutik.</p> <p>Ikaarsaariarnermi ataatsimiititaliat sulisut nutaat sumi qaqugulu atorfinitsinneqassanersut aalajangissavaat, § 12, imm. 1-2 malillugu. Taakku aalajangiinerit sapinngisamik siusittumik aalajangiiffigineqarnissaat anguniarneqartariaqarpoq. Sumut inissinneqassanersut kiisalu allaffissornermi aqutsisuni sulisussat atorfinitsinnissaat pillugit</p>
--	---	---

	<p>Tamat Oqartussaaqataanerannut ataatsimiititaliap inassuteqaataani kiisalu allaffiup suliamik saqqummiussassaani inassutigineqartoq inatsit ersarissarneqartariaqartoq kiisalu ikaarsaariarnermi ataatsimiititaliat siullertut suliassarissagaat kommunaldirektørinik nutaanik atorfinitsitsinissaq, allattoqarfiliornissaq kiisalu allaffiit nutaat, tassa ikaarsaariarnermi aningaasaqarnermik ataatsimiititaliat inissitsiternerata kinguninngua. Taamatut pisoqassanngippat Qaasuitsup Kommuniani qitiusumik sullissiviit sivitsorneqartariaqassapput, taamaalilluni ikaarsaariarneq 2018-ip naanissaanut immaqalu 2019-imit tungaanut atuuttariaqalerluni.</p> <p>Aamma oqaatigineqarpoq kommunini marlunni nutaani taakkunani sulisut agguataarnissaat pillugit itisiliinerusumik aalajangersagaliortoqartariaqartoq.</p> <p>Kiisalu avitsinermut atungassat ataasiarluni aningaasartuutissat minnerpaamik 15,8 mio. kr.-iusussat amerlanerujussuunissaat naatsorsuutigineqarpoq.</p>	<p>kingusinnerpaamik aalajangiisoqarsimassaaq 31. december 2017, tak. §12, imm. 3.</p> <p>Naalackersuisut Siulittaasuata Naalackersuisoqarfia tassunga oqaaseqaatissaqanngilaq.</p>
--	---	---



Siulittaasup Naalakkersuisoqarfia  
email: [govsec@nanog.gl](mailto:govsec@nanog.gl)

7. September 2016  
J.Nr. 00.01  
Postboks 1023  
3952 Ilulissat  
Oqara. +299 94 78 00  
Fax. +299 70 11 77

**Pineqartoq. Kommuneqarfinnik aqqissuussaannikkut aqqissusseqqinnerup allannngortinneqarnera pillugu Inatsisartut inatsisaatut siunnersuummut missingiusisag pillugu tusarniaaneq.**

Siuliini taaneqartoq inatsisissatut siunnersuut pillugu tusarniaassut 24. August-imi email-ikkut Qaasuitsup Kommuniata tigusimavaa.

Missingusiaq Kikkut tamat Oqartussaaqataanerannut, Kommunimut aamma Attaveqaqatigiinnermut Ataatsimiititaliami (matuma kingorna: Tamat oqartussaaqataanerannut ataatsimiititaliaq), Aningaasaqarnermut ataatsimiititaliami aamma Kommunalbestyrelsimit naalakkersuinikkoortumik oqaluuserineqarnikuuvoq.

Ataatsimiititalianit marluusunit aamma Kommunalbestyrelsimit inassuteqaatit aallaavigalugit, inatsisissatut siunnersuummut Qaasuitsup Kommunia imaattunik oqaaseqaateqassaaq:

Siunnersuut piffissami sivikitsuinnarmi tusarniutigineqarpoq, tusarniaanermi akissutit piffissami sivikitsuinnarmi suliarineqartussat, naalakkersuisoqarfimmut ulloq 7.september nassiuuneqartussaapput. Allaffissornermik suliallit inatsisissatut siunnersuummik suliarinninneri taamaattumik piumasarineqartunit naannerujussuannngortitsillutik suliaqartariaqassapput. Siunnersuutip allaffissornermik suliarinninneri aamma naalakkersuinermik suliallit suliarinninneri piffissami sivilisunerusumi pinissaat pingaaruteqarluinnartuupput, kisianni Inatsisartut 2016-imi ukiakkut ataatsimiinnerini siunnersuut suliarineqassappat sinaakkutaatinneqartut piffissamillu killigitinneqartup iluini taakkua periarfissinneqarsimangillat.

Taamaattoq inatsisissatut siunnersuummi immikkoortut pingaarnerit qulequttatut isikkulerlugit Qaasuitsup Kommuniata matumani saqqummiukkumavai, taakku saqqummiunneqarnissaannut immikkut ittumik pissutissaqalersitsisoqarmat aamma matumani nalilersuinerit, siunnersuutit aamma naatsorsuinerit ilanngullugit, oqaaseqaatit saqqummiunneqarnissaannut pissutissaqartoqarmat. Aningaasaqarnermi naatsorsuutit aamma missingersuutit uani saqqummiunneqarniartussat tassaapput, naatsorsuutit taakku Qaasuitsup Kommuniata akissarsianut aningaasartuutai kiisalu akigititat akiliutigittakkallu allannguiffigineqanngitsut aallaavigalugit suliarineqarsimammata. Siunissami nalimmasaasarnissamik aqqissuussinissaq qanoq ittoq atorneqalissanersoq eqqarsaatigineqarsimangilaq. Naatsorsuinerimut tunngaviusoq tassa imaappoq, Qaasuitsup Kommuniata kisitsisit ilisimaneqartut piusullu.

Matumani immikkut saqqummiunneqassaaq, BDO-mit naatsorsuinerit, kommunip pingasunngorlugu avinneqarnissaa tunngavissaatillugu suliarineqarsimasorinarmata. Avinnermut ataatsimut aningaasartuutit pingaarnerpaat, allaffissornermut nutaamut aamma naalakkersuinikkut sulialinnut amerlanerusunut aningaasartuutissaalerumaarnissaat



nalilersorneqarsimagunarmat, marlunggorlugu avitsinissaq pingasunut sanilliullugu pinngitsoornani akikinnerussasoq naatsorsorneqarsinnaassaaq.

Taamaakkaluartuq ilaatigut BDO-mit ilimagineqartumiit katillugit aningaasartuutaasussat qaffasinnerusinnaasut Qaasuitsup Kommuniata pingaarnertut nalilerpaa, taakkulu tulliuuttuni saqqummiunneqassapput.

**Kommunip avinneqarnerani killeqarfiit, Ilimanamut, Pituffimmuut aamma Nassuttuumut tunngasut eqqarsaatigeqqinneqarnissaat Kommunalbestyrelsip innersuukkumavaa. Kommuninik aqqissuusseqqinneq 1976-imi pisoq sioqqullugu kommunit killeqarfii innersuunneqassapput.**

Aningaasaqarnermut ataatsimiititaliap aamma Tamat Oqartussaaqatanerannut ataatsimiititaliap marluullutik uparuarpaat, inatsisissatut siunnersuut avitsinermi tunngavissaatitaasunik ilaqartariaqartoq: Innattaasut amerlassusiat, akunnerit akuerineqartut amerlassusiat, nunaqarfiit amerlassusii il.il. suliassaqarfinnut tunngassuteqartuusut, taakkulu uunga atatillugu kisitsisitat pingaarnertut ilaasariaqartut.

Taanna tunngavigalugu kommunit nutaat marluk naatsorsuutit pigeratarsinnaasaat, ukioq mannamut ukiunullu tulliuuttunut atuuttut, illoqarfiit nunaqarfiisalu naatsorsuutaat atuuttut aallaavigalugit takussutissiatut saqqummiunneqassapput. ataatsimoorussamik aqutsisoqatigiinnullu aningaasartuutissat, innuttaasumut ataatsimut %-inngorlugu agguaqatigiisillugit naatsorsorneqarneri ilanngunneqarput. Taamatutaaq pigisat tuniniarneqarsinnaanngitsut akiitsullu takussutissarineqartunut ilaapput..

Ilulissat, Uummannaq, Upernavik, Qaanaaq		Nunap immikkoortui nutaanik aqutsisullit		
		Naatsorsuutit 2013	Naatsorsuutit 2014	Naatsorsuutit 2015
Konto	Kontop taaguutaa	2013	2014	2015
1	ALLAFFISSORNEQ katillugit	114.075	111.675	108.928
2	TEKNIKKEQARFIK katillugit	28.596	34.871	35.824
3	SULIFFISSARSIUUSSISARFIK INUUSSUTISSARSITUILLU katillugit	29.325	26.787	25.808
4	ISUMAGINNITTOQARFIK katillugit	246.181	276.500	282.201
5	ATUARFEQARFIK KULTURILU katillugit	243.352	247.226	245.925
6	PILERSUIFFIIT katillugit	1.849	2.508	6.593
1	INGERLATSINERMUT ANINGAASARTUUTIT katillugit	663.378	699.567	705.279
7	<b>SANAARTORNERMUT ANINGASARTUUTIT katillugit</b>	<b>28.192</b>	<b>26.103</b>	<b>10.985</b>
1	INGERLATSINERMUT SANAARTORNERMULLU ANINGAASARTUUTIT katillugit	691.571	725.670	716.264
8	ISERTITAT katillugit	-699.678	-751.477	-753.794
1	<b>INGERLATSINEQ katillugit</b>	<b>-8.107</b>	<b>-25.807</b>	<b>-37.529</b>
90	PIGISAT NIUERUTIGINEQARSINNAANNGITSUT katillugit	-18.159	-6.430	40.372
95	AKIITSUT katillugit	18.300	18.493	-39.950
9	KILLIFFIK katillugit	141	12.063	423
0	<b>OQIMAAQATIGIISITSINEQ katillugit</b>	<b>-7.966</b>	<b>-13.744</b>	<b>-37.106</b>
<b>Kangaatsiaq, Aasiaat, Qasigiannuit, Qeqertarsuaq</b>		<b>Nunap immikkoortui nutaanik aqutsisullit</b>		



Konto	Kontop taaguutaa	Naatsorsuutit		
		2013	2014	2015
1	ALLAFFISSORNEQ katillugit	71.583	75.173	70.476
2	TEKNIKKEQARFIK katillugit	20.678	23.426	24.193
3	SULIFFISSARSIIUSSISARFIK INUUSSUTISSARSIIUTILLU katillugit	23.486	20.820	20.161
4	ISUMAGINNITTOQARFIK katillugit	160.029	175.953	176.632
5	ATUARFEQARFIK KULTURILU katillugit	139.993	147.411	147.280
6	PILERSUIFFIIT katillugit	3.248	3.374	4.719
1	INGERLATSINERMUT ANINGAASARTUUTIT katillugit	421.029	448.172	445.476
<b>7</b>	<b>SANAARTORNERMUT ANINGASARTUUTIT katillugit</b>	<b>21.199</b>	<b>22.468</b>	<b>22.574</b>
7	INGERLATSINERMUT SANAARTORNERMULLU ANINGAASARTUUTIT katillugit	440.215	468.626	466.035
8	ISERTITAT katillugit	-434.445	-466.665	-465.866
<b>1</b>	<b>INGERLATSINEQ katillugit</b>	<b>5.770</b>	<b>1.961</b>	<b>169</b>
90	PIGISAT NIUERUTIGINEQARSINNAANNIGITSUT katillugit	-6.614	-2.889	25.623
95	AKIITSUT katillugit	6.472	-9.174	-26.046
9	KILLIFFIK katillugit	-141	-12.063	-423
<b>0</b>	<b>OQIMAAQATIGIHSITSINEQ katillugit</b>	<b>5.628</b>	<b>-10.102</b>	<b>-254</b>

- Inatsisissatut siunnersuummut oqaasertat qupperneranni 6-imi ataasialuni aningaasartuutit aningaasartuutaanerusussat 15,8 mio. koruuniussasut eqqoriaasoqarpoq aamma ingerlatsinermut ikinerpaamik ukiumut 9,4 mio. koruuninik amerlassuseqassangatinneqarput.

Allaffissornermik suliallit immikkut ittumik naliliinerat naapertorlugu aningaasartuutit tamarmiusut BDO-p ilaatigut eqqoriagaanit amerlanerusussaassapput.

Paarlattuanik ataasialuni aningaasartuutaanerusussat 15,8 mio. koruunit ikinaarujussuarneqarsimasutut nalilernerqarput. Taakkua amerlanerungaatsiarnissaat ilimaginerqarput. Aningaasalli amerlassusaat taakkua tamarmik ikaarsaariarnermut ataatsimiititaliangortussat nutaat aamma kommunit nutaat qanoq ilusilersorneqartussaani apeqqutaasussaassapput: allaffissornermik suliallit naalackersuineramik suliallit qanoq aqqissuunneqarnissaat immikkoortuni tulliuuttuni oqaaseqaatinilu atuakkit.

Taassuma saniatigut aqutsisoqatigiit il.il. nutaat *qaqugu* atorfinitseqassanersut aamma apeqqutaasussaassaaq. Qaasuitsup Kommunia allaffissornermik 2017-imi ikiuuttussaataasooq ataani aamma allassimavoq aamma aqutsisooqatigiit nutaat 31. december 2017-imi aatsaat atorfinitsinneqarsinnaassasut aamma allaqqalluni. Tamanna soorunami aningaasartuutitut sunniuteqartussaavoq.

Qarasaasiaqarnermi atortut; serverit il.il. akissarsialerinermi atortut atorneqartartut il.il. nutaaviit minnerpaamik aamma pisiarinerqartariaqassapput. Taakkununga aningaasartuutit ilanngunneqarsimangillat. Siunnersuutigineqarporli



qaraasiaqarnermut tunngasut ataatsimoorussatut suliniuteqarfittut  
ingerlanneqarsinnaassasut.

Siunnersuutip § 10-ianut tunngatillugu Tamat Oqartussaaqataanerannut  
ataatsimiititaliaq oqaaseqarpoq, avitsinermi aningaasartuutaasussanut  
Namminersorlutik Oqartussat aningaasaleeqataasariaqartut.

**Tamat Oqartussaaqataanerannut ataatsimiititaliaq Kommunalbestyrelsimit  
isumaqatigineqarpoq uggunaatigut, inatsisissatut siunnersuummi § 10-imut  
tunngatillugu Namminersorlutik Oqartussat kommunip avinneqarnerani  
aningaasaleeqataasariaqartut. Tamanna Kommunalbestyrelsimit ima  
tunngavilersorneqarpoq, kommunit kattussuutsinneqarmata Qaasuitsup  
Kommuniata nammineerluni kommuninik kattutsitsineq tamakkerlugu  
aningaasaliiffiginikuusariaqarnikummagu.**

- Kommunini nutaani kommunalbestyrelsimi ilaasortat amerlassusaat: kommunini  
nutaani marlunni ilaasortat 17-it aamma 15-it eqqarsaatigineqartariaqarpoq, taakkuami  
ikinnerunissaat pissusissamisoornerussaaq. Kommunini marlunni taakkunani  
innuttaasut amerlassusaat aallaavigalugit amerlassusililiilluni eqqoriaasoqarpoq.  
najukkami ataatsimiittartoqartigiinnik pilersitsiortornissat nunallu immikkoortuini  
qinikkat aalajangersimasunik amerlassuseqarnissaannik pisariaqartitsinerit  
ataatsimoorullugit eqqarsaatigalugit tunngavilersuutigineqartut amerlassutsillu  
eqqarsaatigineqartariaqarput.

Siunnersuisoqatigiit aamma siulersuisut annertunerumik pisinnaatitaaffilernerisigut  
qanimut oqartussaaqataanerup nukittorsarneqarnissaata pingaaruteqassusia  
aningaasaqarnermut ataatsimiititaliamit tikkuarneqarpoq. Siunnersuisoqatigiit aamma  
siulersuisut naleqqussarneqarnissaat inatsisissatut siunnersuummi ilaasariaqartoq  
Tamat Oqartussaaqataanerannut ataatsimiititaliamit tikkuarneqarpoq.

**Siunnersuisoqatigiit aamma siulersuisut annertunerumik  
pinnaatitaaffilernerisigut qanimut oqartussaaqataanerup nukittorsarnissaa  
qulakkeerneqarsinnaasoq Kommunalbestyrelsi isumaqarpoq.  
Avinngarusimasut Kommunalbestyrelsimi sinniisuutitaqarnerisa  
qulakkeernissaannut nunap immikkoortuani qinerneqarsinnaasut  
marloriaatinngortinneqarsinnaanerit eqqarsaatersuutigineqartariaqarpoq.**

Takorluukkanut marluusunut atatillugu aningaasartuutaasinnaasut pillugit Qaasuitsup  
Kommuniata aningaasaqarnikkut eqqoriaanera, kommunalbestyrelsimi ilaasortat  
amerlassuserisassaannik assigiinngitsunik ilaqartoq, ima isikkoqarpoq:

A) Ilaasortat 17-it aamma 15-it:

Kommunalbestyrelsi	Ilaasortat 17-it	202 t-it qaammammut	2.424-it ukiumut
Kommunalbestyrelsi	Ilaasortat 15-it	178 t-it qaammammut	2.136-it ukiumut





<b>Katillugit</b>			<b>4.560-it ukiumut</b>
-------------------	--	--	-------------------------

B) Ilaasortat 11-it aamma 9-t:

Kommunalbestyrelsi	Ilaasortat 11-t	131 t-it qaammammut	1.572-it ukiumut
Kommunalbestyrelsi	Ilaasortat 9-t	107 t-it qaammammut	1.284-it ukiumut
<b>Katillugit</b>			<b>2.856-it ukiumut</b>

Tamat Oqartussaaqataanerannut ataatsimiititaliap inassuteqaatigaa, Kommunalbestyrelsimi ilaasortassat kommunimi avannarlermi 13-iussasut aamma kommunimi kujallermi 11-iullutik, Aningaasaqarnermulli ataatsimiititaliap inassuteqaatigaa avannarlermi 17-iussasut kujallermilu 15-iussasut.

**Kommunalbestyrelsimi ilaasortat kommunimi avannarlermi 17-iunissaannik aamma kommunimi kujallermi 15-iunissaannik Aningaasaqarnermut ataatsimiititaliap inassuteqaataa Kommunalbestyrelsip isumaqatigaa.**

- Kommunimut avannarlermut nutaamut, "kommuni 1"-mut, Pituffik ilaatinneqartariaqarpoq. Taassuma tassunga ilaatinnerata kingunerisaanik pinngortitap nukingi atorlugit nukissiuuteqarsinnaanermik periarfissat amerlinerutissavai aamma Qaanaap illoqarfiata Pituffiullu suliffissat ineriartornermilu periarfissaat suleqatigiissutigineqarsinnaassapput.
- Kommuninut marlunnut minnerusunut avinneq, qitiusoqarfimmi atorfilittat aamma atorfiit immikkuullarissut ingammik eqqarsaatigalugit akisussaaffikinnerunermik kinguneqartussaassapput. Innuttaasut amerlassussaata aallaavigalugit akissarsianik isumaqatiginninniarnermi tunngaveqakkajuttarmata akissarsiat qaffakkiartorunnaarnissaat ilimagineqassaaq, ajornerpaamillu pisoqassappat akissaatikinnerulersitsoqarsinnaassalluni. Taamatut kinguneqartitsinerup malitsigisaanik naalakkersuinermik suliallit ajunngitsorsiassaata aamma ikilisinneqartariaqassapput.
- Qaasuitsup Kommuniani massakut ilaasortaasut 31/12-2017-ip tungaanut ilaasortaannissaat sivitsorneqassaaq. Qaasuitsup Kommuniani kommunalbestyrelsi ingerlatsinermut tunngassuteqartunik 1.maj 2017-p tungaanut taamaallaat aalajangersaasinnaapput, parlaattuanik ikaarsariarnermut ataatsimiititaliat 1.januar 2018-p kingorna atuuttussanut aalajangersaanissaminnut piginnaatitaaffilerneqassapput. § 13-imi atuarneqarsinnaapput ikaarsariarnermi ataatsimiititaliat Qaasuitsup Kommuniani aningaasaliissutissatut akuerineqarsimasunik kommunip 2017-imut missingersuutaannut nalilersuisinnaatitaassasut.

2017-p naanissaata tungaanut sivitsuinerup aningaasatigut kingunissai:

<b>Ataatsimiititaliat ataavartut 6-it</b>	<b>Ilaasortat 21-t</b>	<b>355 t-it qaammammut</b>	<b>2.840 mio.-it qaammatini arfineq-</b>
---	------------------------	----------------------------	--



			pingasuni <b>2.840 mio.-it qaammatini arfineq-pingasuni</b>
--	--	--	--

(Kommunalbestyrelsimi ilaasortat 21-it ajunngitsorsiasai, ataatsimiititaliami siulittaasut ajunngitsorsiai ilanngullugit)

Aningaasaqarnermut ataatsimiititaliap aningaasaqarnikkut pisinnaatitaaffiinik 2017-ip naaneranut sivitsuinerinnarmi:

<b>Aningaasaqarnermut ataatsimiititaliaq</b>	<b>Ilaasortat 7-t</b>	<b>83 t-it qaammammut</b>	<b>664 t-it qaammatini arfineq- pingasuni</b>
--	-----------------------	-------------------------------	---

Borgmesterip akissarsiai uani ilanngunneqartussaassapput.

Maannakkut Kommunalbestyrelsiusup atuuffiata 2017-i tamakkerlugu sivitsorneqarnissaa Tamat Oqartussaaqataanerannut ataatsimiititaliap inassuteqaatigaa.

- Ikaarsaariarnermut ataatsimiititaliat marluk nutaat missingersuusitini aalajangersaasinnaanerinut piffissalersuisoqartariaqarpoq.

Piaarnerpaamik ikaarsaariarnissap pilersaarusiorneqarneranik aallartitsinissaq aamma 2017-imut missingersuummi kommunip avinneqarnissaanut aningaasanik immikkoortitsinissaq Aningaasaqarnermut ataatsimiititaliamit pingaartutut isigineqarput.

- Qaasuitsup Kommuniata avinneqarnerani pitsaanngorsaanissaq aamma kommunit nutaat marluk pilersinneqarnerisa aaqqissuunneqarneri ingerlanneqarnerilu ikaarsaariarnermut ataatsimiititaliap pingaarnertut suliassarissagai siunnersuutaavoq, taamaalilluni kommunit nutaat marluk taakkua kommunitut oqartussaaaffissaminnik toqqissisimanartumik 1.januar 2018-imi tiguisinnaalissapput. Siullertut iliuuserineqartussat ilaat erseqqissaatigineqartariaqartoq unaavoq: suliassanik taakkunanga suliakkerneqartussanik pisortaanik, allattoqarfimmik allaffinnillu taakkununga nutaanik suliaqartussanik atorfinittisisoqartariaqarpoq. § 19, imk. 3-imi atuarneqarsinnaavoq taakkua 31.december 2017 nallertinnagu piareersimasussaassasut.

Oqaatsip "Ikaarsaariarnermut ataatsimiititaliaq"-p atorneqarneranut taarsillugu "piareersaasuutitat" atorneqarsinnaanersoq eqqarsaatigineqartariaqarpoq. Danmarkimi kommunit avinneqarnerani oqaaseq taanna atorneqarnikuuvoq.

Tamatuma siusinnerusukkut pisinnaanera allaffissornermik suliallit nalilerpaat, tassa imaappoq: ikaarsaariarnermik ataatsimiititaliat aningaasaqarnermut ataatsimiititaliaanik pilersitsiinnarluni suliaq aallartinneqarsinnaavoq imaluunniit Qaasuitsup Kommuniata qitiusoqarfiata piginnaatitaaffiinik amerlinerulersisoqarsinnaavoq, taamaalilluni piffissaq ikaarsaarfik 2018-p naaneranut atuuttoq immaqalu 2019-p ilaanut atuutsinneqartoq



Qaasuitsup Kommuniata qitiusoqarfianit kommunit taakkua marluk allaffissornikkut sulinneqarsinnaassapput. Siunnersuutip § 20-ani sulisunut tunngasut takorluukkiorfigineqarnerini tamanna eqqarsaatersuutaasinnaavoq. Pissutsit taakkua pillugit Qaasuitsup Kommuniata allaffissornikkut sutigut ikiuussinnaanerinik ataani allatukkat atuarneqarsinnaaneri innersuussutigineqarput.

Kommunini nutaani taakkunani marlunni immikkut pisortaanermik, aningaasaqarnermut pisortamik aamma allattoqarfimmi pisortamik taakkualu atorfillitaanik 1.juli imaluunniit 1.august 2017-imi atorfinittisinissaq aallaavigalugu aningaasartuutit ima isikkoqarnissaat eqqoriarneqarput:

Qaasuitsup Kommunia, Avannarleg	Innuttaasut amerlassusiisa %-inut agguataarlugit missingersuutit	11.945 mio.-it qaammatini tallimani
Qaasuitsup Kommunia, Kujalleg	Innuttaasut amerlassusiisa %-inut agguataarlugit missingersuutit	7.385 mio.-it qaammatini tallimani
<b>Katillugit</b>		<b>19.330 mio.-it qaammatini tallimani</b>

Qaasuitsup Kommunia, Avannarleg	Missingersuutit 50 %-imik aveqqissaarlugit	9.665 mio.-it qaammatini tallimani.
Qaasuitsup Kommunia, Kujalleg	Missingersuutit 50 %-imik aveqqissaarlugit	9.665 mio.-it qaammatini tallimani
<b>Katillugit</b>		<b>19.330 mio.-it qaammatini tallimani</b>

Qitiusoqarfiup suliarisartagai arlallit, ataatsimoorussamik kiffartuussiviit ingerlatsiviillu, kommunini nutaani taakkunani marlunni avinneqarlutik suliarineqaannassasut eqqarsaatigineqarsinnaapput. ataatsimoorussamik aningaasaqarnermik suliaqarffiiit aamma it-imik ingerlatsiviit ataannassanersut aamma eqqarsaasersuutigissallugu pingaaruteqarpoq. Tamatumali aningaasartuuteqarnermik aallaaveqarluni taamaallaat nalilersorneqarsinnaasutut matumani erseqqissarneqassaaq; inatsisit eqqarsaatigalugit taakkua ajornartorsiortinngorartarsinnaapput, ingammik aalajaassutsimik inullu ataasiakkaat pillugit inatsisit aallaavigalugit isumaqatigiinngissuteqarnerit pilersinnaasarmata (kingulleq suli Kalaallit Nunaanni atuutilinngilaq) taamaattorli uani taakkua eqqarsaatigineqarsimangillat.

Taakkua aningaasatigut kingunissai ima isikkoqassasut eqqoriaasoqarpoq:

Aningaasaqarnermik suliallit	Atorfillit 36-t	13.360 mio.-it ukiumut
Qarasaasialerinerimik suliallit	Atorfillit 6-it	2.500 mio.-it ukiumut
Ataatsimoorussamik aningaasaqarnikkut qarasaasiaqarnikkullu ingerlatsineq		9.8 mio.-it ukiumut
<b>I alt</b>		<b>25.660 mio.-it ukiumut</b>



Som allerede nævnt, vil i hvert fald den ene nye kommune skulle anskaffe et helt nyt sæt af servere til drift af it-systemer m.m. Omkostningerne til dette er usikre og ikke medregnet Soorlu oqaatigineqareersutut kommunip nutaap aappaani nutaamik qarasaasiaqarnikkut atortulersuutunik ingerlatsinermut atortulersuutunik nutaaqqinnaanik pisiniartoqartariaqassaaq. Aningaasatuutigiumaagassat nalorninartorsiorfiupput aamma ilanngullugit naatsorsorneqarsimangillat.

- Allaffissorneq qanoq aqqissuunneqassanersoq aamma qanoq aqutseriaaseqassanersoq kommunit nutaat namminneq aalajangertussaavaat.

Kommunit ingerlaavartumik ingerlatsinermut siunissami aningaasartuutissaannik nalilersuinerit taamaattumik eqqoriaruminaatsorujussuupput.

Aqutseriaatsip ataatsip ima atorfillitallip aningasartuutitai eqqoriarneqarput ima: pisortaaneq ataaseq ingerlatsivinni marlunni pisortat marluk kiisalu ingerlatsivinnut allanut pisortat 4-6-it:

Qaasuitsup Kommunia, Avannarleq	Aqutsisut – Atorfillit 9-t	7.001 mio.-it ukiumut
Qaasuitsup Kommunia, Kujalleq	Aqutsisut – Atorfillit 9-t	7.001 mio.-it ukiumut
<b>Katillugit</b>		<b>14.002 mio.-it ukiumut</b>

Aqqissuusseriaaseq ataaseq imaattoq toqqarneqarpat: pisortaaneq ataaseq, ingerlatsivinni pisortat sisamat kiisalu ingerlatsivinni pisortat 6-8-it, aningaasartuutissat ima isikkoqassangatinneqarput:

Qaasuitsup Kommunia, Avannarleq	Aqutsisut – Atorfillit 13-it	10.201 mio.-it ukiumut
Qaasuitsup Kommunia, Kujalleq	Aqutsisut – Atorfillit 13-it	10.201 mio.-it ukiumut
<b>Katillugit</b>		<b>20.402 mio.-it ukiumut</b>

- Ikaarsaariarnermut ataatsimiititaliani ataasiakkaani ingerlatsinermut aningaasartuutit Qaasuitsup Kommunianit akilerneqartassasut siunnersuutaavoq. Ingerlatsinermut aningaasartuutit ukunannga imaqarsinnaapput; ataatsimiigiarnit, angalanermut aningaasartuutit, kommuninik nutaanik pilersitsiniarnermi suliffeqarfiup avataanit sullinneqarnerit il.il..

Ikaarsaariarnermut ataatsimiititaliat marluk nutaat ingerlatsinermut aningaasartuutissaat imaassasut eqqoriaasoqarpoq:

Qaasuitsup Kommunia, Avannarleq		900 t-it qaammatini arfineq-pingasuni
Qaasuitsup Kommunia, Kujalleq		750 t-it qaammatini arfineq-pingasuni



<b>Katillugit</b>	<b>1.650 mio.-it qaammattini arfineq-pingasuni</b>
-------------------	--

- Ikaarsaariarnermut ataatsimiititaliat allaffissornikkut akeqanngitsumik Qaasuitsup Kommuniata ikiortartussaassavai: Kommunip qitiusoqarfiata aningaasaataanut tamanna akisussaaq; ingammik aningaasaqarnermut ingerlatsiviup aamma pisortaqarfiup allattoqarfiup aningaasaqarneranut oqimaattussaassaaq. Piffissami tassanerpiaq suliat pingaarutillit aamma aningaasartuutaasussaapput, soorlu assersuutigalugu kommunini inuit ataasiakkaat paasissutissartaanik inatsit nutaaq suliarinneriaatsimut akuulersinneqartussaavoq aamma suliarinneriaatsip SBSys-ip atuutilersinneqarnera aallartittussaavoq. Immikkoortortat marluusut annertuumik nukissaqassutsikkut unammilligassaqaqarnissaat naatsorsuutigineqartariaqarpoq taamaattumillu nukissaqassutsikkut amerlanerusunik ilasiffigineqartariaqassallutik, ilaatigut avataaniit siunnersortinik ikiorsiinermik iluseqartunik.

- Inatsisissatut siunnersuutip § 20-ani sulisoqarnermut tunngassutillit naatsumik allaaserineqarput, tunngaviumik suliat malersorlugit atorfeqartitsisoqassasoq allaqqavoq. Allaffissornerup qitiusoqarfiani suliasat nalinginnaasumik ataatsimoorussaasarput (qitiutinneqartarput), taamaakkaluartorli suliaq ataaseq kommunip nutaap iluani "nuunneqassanersoq" oqaatigineqarsinnaanngilaq. Inatsit immikkut ittoq tassunga tunngassutillik suliarineqarsinnaassasoq ilimasuttoqarsinnaassaaq. Kommunini nutaani atorfilittat *qanoq* agguataarneqassanersut erseqqittumik allaaserineqanngillat. Oqaaseqaatit erseqqissumik allaaserineqanngillat, taamaattoq atorfinissinnaanermut qulakkerinninnertut immaqa paasineqarsinnaasumik allassimagunarput aamma kommunini nutnaani atorfilittat qanoq agguataarneqarnerinik killilersuisoqassanersoq taakkua aalajangersaanermi atortneqarsinnaassagunarput.

Tjenestemandi kommunit nutaat iluini nuunneqassanersoq *kimit* aalajangerneqartassanersoq erseqqissumik allassimasoqanngilaq. Kommunit nutaat taakkua marluusut isumaqatigiinngissuteqannginniassammata immikkut immikkut tjenestemandimik ataatsimik nuuffigineqarnissaat "piumasaqaataasinnaagunarpoq". Inuit ilaasa, tjenestemandit aamma isumaqatigiissutit malillugit atorfillit eqqarsaatigalugit, nuunnissaminnut aalajangiisinnaanerinik akuersisinnaatitaanermik neqeroorteqarsinnaanermillu tunniussineq aalajangiinissamut piumasaqaatit ilagisariaqarpaat.

Atorfillit taakkua taamatut aalajangersimaqqissaartumik toqqaasussaataanngikkunik nutaamik atorfimmik neqeroorfigitisinnaaneri periarfissaatut ammatinneqartariaqarpoq.

Agguataarinninnermi itinerusunik tunngavilersuilluni, ilinniakkat aallaavigalugit kattuffiit oqaloqatigalugit, aalajangersaasoqartariaqarpoq.

- Qupperneq 4-mi oqaaseqaatit ima nipeqarput: kommunini nutaani ingerlatsiviit ataasiakkaat illoqarfimmi ataatsimiinnissaat pisariaqanngilaq. Quppernermi 6-mi



immikkoortoq 6-ip ataani "innuttaassunut kingunissat" allaaserineqarnerini paarlaattuanik allassimasoqarpoq: allaffissoriumi suliasat amerlanersaat nukinnik/ aningaasanik atuiffiunissaat pequtaalluni illoqarfimmi ataatsimiittariaqarnissaanik ilimasuttoqartariaqarpoq. Taakkua imminnut akerleriilluinnartuupput.

Kujallermi qinersinerup siulliup kinguninnguani misilittakkat paasissutissartaanik pissarsiniartoqartariaqarpoq, tassani Ingerlatsiviit siammarlugit inissisimatinnikummatigik.

Kommunip avinneqarnissaanut tunngatillugu paasissutissat piviusut tulluuttut Qaasuitsup Kommuniata allaffeqarfiata ilanngullugit saqummiussinnaavai, makkuusut:

Inatsisissatut siunnersuut akuersissutigineqassappat, suliasat pingaarutilit pillugit **piffissamut pilersaarut:**

- 1) 2017-imi januar-ip aallartinnera – K1-ip aamma K2-p 2018-imut missingersuusornerat allartissaaq, allaffissornikkut sulianik suliarinninneq
- 2) 2017-imi april-ip aallartinnera – qinersineq, matumani atorfinitsitsinermi ataatsimiititaliaq/aningaasaqarnermut ataatsimiititaliaq ilanngullugu
- 3) 1/8-2017-imi kommunip pisortaaneriniq marlunnik atorfinitsitsineq
- 4) 1/9-2017-imi aqutsisoqatigiinnik/atorfilittanik marluusunik atorfinitsitsineq
- 5) 1/1-2018-imi K1 aamma K2

**Kisitsisit pingaarnert / Atorfiit tagginneqarnerannik takussutissiaq** Qaasuitsup Kommuniiani aqutsisut /atorfilittat pillugit, agguataarneqarlutik K1-imut 61 %-it aamma K2-mut 39 %-it, innuttaasut amerlassusiat malillugu agguataarneqarsimasut.

	Katillugit	K1	K2
Pisorta qarfiup allatto qarfia	41	30	11
Aningaasaqarnermut allatto qarfiksekretariat	32	20	12
Sulisoqarnermut immikkoortortaq	8	5	3
Sanaartorneq aamma Avatangiisit	23	14	9
Inuussutissarsiorneq	9	5	4
Inunnik isumaginninnermut ingerlatsivik	16	10	6
Atuartitaaneq aamma Kulturi	11	7	4
Katillugit	140,0	90,4	49,6



### Aqutsisut / atorfilittat




### Kisitsisit pingaarnerit / Atorfiit tagginneqarnerannik takussutissiaq Qaasuitsup Kommunianni illoqarfinni nutaqarfinnilu atorfillit allat:

	Katillugit	K1	K2
Ilulissat	598	598	-
Uummannaq	364	364	-
Upernavik	449	449	-
Qaanaaq	157	157	-
Kangaatsiaq	217	-	217
Aasiaat	374	-	374
Qasigiannuguit	183	-	183
Qeqertarsuaq	155	-	155
<b>Total</b>	<b>2.497</b>	<b>1.568</b>	<b>929</b>



### illoqarfiit / nunaqarfiit



### Inussiarnersumik inuulluaqquusilluta

Jess Svane  
Borgmesterip tullia siulleq

Hans Eriksen  
Kommunimi pisortaaneq

E.b.

Thomas Wiemann  
Siunnersortaaneq



Namminersorlutik Oqartussat  
Postbox 1015  
3900 Nuuk

Nuuk, 9. septembari 2016

**Uunga allakkat: Marianne Petersen**

**Mailimit uannga nassiussat: [gocsec@nanoq.gl](mailto:gocsec@nanoq.gl)**

**"Kommunini aqutsisoqarfiit aaqqissuussaanerannik iluarsaaqqinneq pillugu Inatsisartut inatsisaannik nr. xx xx.xxx.2016-imeersumik allannguinnissamut siunnersuut" pillugu tusarniaanermut akissuteqaat.**

Kommuneqarfik Sermersooq "Kommunini aqutsisoqarfiit aaqqissuussaanerannik iluarsaaqqinneq pillugu Inatsisartut inatsisaannik nr. xx xx.xxx.2016-imeersumik allannguinnissamut siunnersuut" pillugu tusarniaassummik tigusaqarpoq.

Kommuneqarfik Sermersooq inatsisissatut siunnersuutaasoq pillugu oqaaseqarfiginissaanut periarfissinneqarnini pillugu qujavoq, tamatumani oqaaseqaatit ataani allassimasut nassiullugit:

## **1. Tusarniaanermut piffissaliussaq**

Aallaqqaasiullugu ilisimatitsissutigerusuppara tusarniaanermut piffissaliussaq Kommuneqarfik Sermersuumit naammagittaalliutigineqarmat. Tamatumani pissutaavoq tusarniaanermut piffissaliussaq Naalackersuisut kommunillu "Inatsisartut inatsisissaattut siunnersuutininik suliarinninnermut atatillugu kommunit, Kanukoka Naalackersuisullu suleqatigiinnissaat pillugu isumaqatigiissut" 20. maaji 2010-meersoq naapertorlugu tusarniaanermut piffissaliussaq sapaatip-akunneri tallimanik sivilissuseqartussaaneranut naapertuutinnginnera.

Inatsisissatut siunnersuutip pingaarutillip kommunini aqutsisoqarfiit aaqqissuussaanerisa allanngortinneqarnerannik aamma inuiaqatigiit aningaasartuuteqarnerunerannik taamatuttaaq suliasat

  
**KOMMUNEQARFIK SERMERSOOQ**

pisortaqarfinnit naleqqutinngitsumik suliarineqaratartalersinnaanerannik kinguneqarsinnaasumik tusarniaanissamut piffissaliussap ullunik 14-iinnarnik sivissusilerneqarsimanera Kommuneqarfik Sermersuumit isornartoqartinneqarpoq. Qaasuitsup Kommunian avinneqarpat allaffissornikkut aningaasaqarniarnikkullu ingerlatsinerup tungaatigut malitsigisassai siunnersortit nalunaarusaanni – siunnersuummi aamma eqqaaneqartuni - erseqqissarneqarput.

Qaasuitsup Kommuniata avinneqarnissaa Qaasuitsup Kommuniani inuit marsi 2014-imi taasisinneqarmatali politikikkut annertuumik oqallisigineqarpoq, taamaattumillu inatsississatut siunnersuut Naalackersuisut kommunillu isumaqatigiissutaat atuuttoq naapertorlugu tusarniaatitut nassiuttariaannangorlugu inatsississatut siunnersuut ajornartorsiuteqarfiunngitsumik Naalackersuisunit piffissaq eqqorlugu peqqissaartumillu suliarineqarsimasinnaagalarpoq.

Sivikitsumik piffissaliisoqarnera kommunit siunnersuut pillugu politikikkut isummernissaannut periarfissiisoqanngilaq. Naalackersuisut aqutsinermut inatsit kommuninut atuuttoq (§8) naapertorlugu ilisimasussaavaat kommunalbestyrelsit qaqugukkut ataatsimiittartussaannersut, aamma inatsississatut siunnersuutip suliarineqarnerani kommunit eqqortumik eqeersimaartumillu peqataatinneqarnissaannik qulakkeerinninnissaminnut piffissaqarluarnikuupput.

Taamatuttaaq Naalackersuinikkut Ataqatigiissaarisut kommuninut tunngatillugu inatsimmik siunissami suliarinninnerminni Namminersorlutik Oqartussat kommunillu iliuseqatigiinnissaat pillugu aalajangiinnerminni kommuninik peqataatitsisimagaluarunik naapertuussimassagalarpoq. Suleqatigiinnissaagaluq pineqartoq ”Namminersorlutik Oqartussat kommunillu suleqatigiinnissamut isumaqatigiissutaat pillugu nassuiaat”-mi – Naalackersuinikkut Ataqatigiissaarisunit 9. decembari 2013-imi aamma suliarineqartumi - immikkoortoq 8 A-mi aamma 8 B-mi annerusumik nassuiarneqarpoq. Suleqatigiinnissimasuuppata inatsississatut siunnersuutip suli piffissaatillugu suliarineqarnissaa qulakkeerneqarsimasinnaagalarpoq, kommunillu siunnersuutip suliarineqarnerani aamma peqataatinneqarsimasinnaagalarput.

Inatsississatut siunnersuummik suliarinninnermi Naalackersuisut suleqatigiinnissimasuuppata Kommuneqarfik Sermersooq ikiuukkusussinnaasimagaluaqaaq.

Tamanna tunngavigalugu Kommuneqarfik Sermersuumit inussiarnersumik noqqaassutigineqarpoq, Naalackersuisut kommunit peqatigalugit isumaqatigiissutinik atuuttunik siunissami eqquutsisissasat, aamma Namminersorlutik Oqartussat kommunillu inatsisit kommuninut pingaarutillit pillugit piaarnerpaamik suleqatigiittarnissaat qulakkeerumallugu Namminersorlutik Oqartussat kommunillu erseqqissumik suleqatigiittasat.

Sivikitsumik piffissaliisoqarnera pissutigalugu tusarniaanissamut siunnersuutip tusarniaanermut piffissaliussap ingerlanerani politikikkut suliarineqarnissaanut periarfissaqartoqarsimangilaq. Tusarniaanermut akissuteqaat Kommuneqarfik Sermersuup aningaasaqarnermut ataatsimiititaliaa 22. septembari 2016-imi ataatsimiinnerani aamma kommunalbestyrelsip 4. oktobari 2016-imi ataatsimiinnerani politikikkut suliarineqarumaarpoq.

## **2: Inatsisissatut siunnersuutigineqartoq pillugu naliliinerit**

Kommuneqarfik Sermersooq inatsisissatut siunnersuummut oqaaseqaatit nalinginnaasut pillugit ataatsimik oqaaseqaatissaqarpoq.

Qaasuitsup Kommuniani inuit 2014-imi taasisinneqarnerat aamma 26. marsimiit massakkumut Naalakkersuisut naalakkersuisoqatigiinnissamik isumaqatigiissutaat tunngavigalugit politikikkut ingerlatsineq inatsisissamik taamatut siunnersuuteqartoqarneranik kinguneqarpoq. Qaasuitsup Kummniata avinneqarnissaa pillugu inatsimmi aalajangersakkat allangortinneqarnissaannut siunnersuutigineqartut ersarissut Kommuneqarfik Sermersuumut tunnganngillat. Taakkua Qaasuitsup Kommunianut Naalakkersuisunullu tunngapput.

Kommunit avinneqarnissaat pillugit oqaaseqaatit tunngaviusut nassuiarneqarneranni allassimapput.

Kisianni ilassutigineqassaaq, politikikkut oqallittoqarnerani Kommuneqarfik Sermersuumi kommunalbestyrelsip aalajangersaanera tunngavigalugu nalunaarutigimmagu, Qaasuitsup Kommunია avinneqassappat Kommuneqarfik Sermersooq aningaasaqarniarnermigut eqqugaassanngitsoq.

Taamaattumik Kommuneqarfik Sermersuup naatsorsuutigaa inatsisissatut siunnersuutigineqartumut tunngatillugu immikkoortoq 3 oqaaseqaatinut nalinginnaasunut tunngasoq eqquutsinneqassasoq. Imatullu allassimasoqarpoq:

*"3. Økonomiske og administrative konsekvenser for det offentlige.*

*Det foreslås, at omkostningerne til deling af Qaasuitsup Kommunia i det hele afholdes af Qaasuitsup Kommunia selv. Det er således hensigten, at omkostningerne forbundet med en deling af kommunen ikke må påvirke landskassen eller de tre øvrige kommuner. Dette begrundes i, at delingen af Qaasuitsup Kommunia er et ønske fra kommunen selv."*

"Avitsisoqarnissaanut tunngatillugu kommunit nutaat marluusussat pilersinneqarnerannut atatillugu ataatsikkut aningaasartuutaasussatut naatsorsuutigineqartut 15,8 mio. kr.-t kisiisa pineqanngitsut, kisianni

kommunit nutaat marluusussat siunissami ingerlanneqarneranni aamma ukiumut aningaasartuutaanerusussat ikinnerpaamik 9,4 mio. kr.-ussangatinneqartut Kommuneqarfik Sermersuup aningaasaqarniarneranut sunniteqassanngitsut naatsorsuutigineqarpoq, aamma siunissami naalagaaffimmit tapiissutinut imaluunniit naligiissaarinnermut aqqissuussinernut tunngatillugu.

Taamaattumik Naalackersuisut inussiarnersumik piumaffigineqarput inatsisissatut siunnersuut kommunit allat aningaasaqarniarnerannut sutigut tamatigut sunniteqannginnissaa qulakkiissagaat.

Kommuneqarfik Sermersooq inatsisissatut siunnersuummut tunngatillugu aalajangersakkanut atatillugu aamma oqaaseqaateqanngilaq.

### **3: Tunngaviumik isumaliutit**

Inatsisartut inatsisissaattut siunnersuuteqarneq pillugu tusarniaanermut akissuteqartoqarnissaanut immikkut ittumik piumasaqaateqartoqanngilaq. Taamaattumik Kommuneqarfik Sermersooq inatsisissatut siunnersuut pillugu tunngaviumik isumaliutinik arlalinnik iluatsillugu saqqummiusserusuppoq.

Aqqissuusseqqinnissaq pillugu ataatsimiititaliap "Pisortaqarfiit aqqissuussaanerannik iluarsaaqqinneq pillugu isumalitissiissut" 2005-imi saqqummiuppaat . Tamatuma kingorna politikikkut oqallinnerpassuit isumaqatigiissuterpassuillu takutippaat, Aqqissuusseqqinnissaq pillugu ataatsimiititaliap inassutai kingusinnerpaamik Naalackersuinikkut ataqatigiissaarisut (PKG) 2015-imi 2016-imilu ataatsimiinneranni eqquutsinneqassasut.

Naalackersuinikkut ataqatigiissaarisut aalajangernerannut Aqqissuusseqqinnissaq pillugu ataatsimiititaliap pisortaqarfimmi allaffeqarfiup (innuttaasunik sullisivik) innuttaasunut sapinngisamik qaninnerpaatillugu nuunneqarnissaa (suliassanik Namminersorlutik Oqartussanit kommuninut nuussineq qanimullu oqartussaaqataanermik patajaallisaaneq), pisortaqarfinnut aningaasartuutit annikillineqarnissaat aamma immikkoortortanik/kommunenik angisuunik ingerlatsisussanillu (ikinnerpaamik 8000-nik inulinnik) pilersitsinikkut sullissisutut sulisoqarnissaanik tamatumani innuttaasunik sullissisoqarnissaanik qulakkeerinnittoqarnissaa patajaallisaasoqarnissaalu pillugit piumasaqarnerat tunngaviuvoq.

Inatsisissatut siunnersuutigineqartoq aalajangernernut naleqqussorinangilaq, taamaattumillu ineriartornermut tunngatillugu ajoraluartumik killup tungaanut ingerlatitsisutut nalilerneqarpoq. Qaasuitsup Kommunian marlungorlugu avinneqassasoq inatsisissatut siunnersuummi siunnersuutigineqarpoq, tamannalu Aqqissuusseqqinnissaq pillugu ataatsimiititaliap inuit amerlassusissaat pillugu inassutaanut naapertuutinngilaq. Siunnersuummi allassimavoq kommuninngortussap aappaa 8000-init ikinnerusunik innuttaasoqassangatinneqartoq.

Tamanna suliassat kommuninit isumagineqartalernissaat aamma suliassat piumasarineqartut malillugit Namminersorlutik Oqartussanit kommuninut nuunneqarnissaat eqqarsaatigalugit qanoq kinguneqassanersoq Kommuneqarfik Sermersuumit ernummatigineqartorujussuuvoq. Kommunimi 2009-mi iluarsartuussisoqarmat suliassat annertuut Namminersorlutik Oqartussanit kommuninut nuunneqassasut piumasaqarineqarpoq – suliassalli massakkumut nuunneqarsimasut ikittuararsuupput.

Aaqqissuusseqqinnissaq pillugu ataatsimiititaliaq kommunit sisamanngorlugit aamma tamarmik 8000-init amerlanerusunik innuttaasoqartillugit naligiimmik avinneqarnissaat minnerpaamik piumasaqartoqarnissaanut innersuussuteqarmat suliassat nuunneqartut kommuninit tamanit sularineqarsinnaanissaannut piumasaqaatigineqartoq tunngavigineqarpoq. Tamanna Naalackersuisunit Naalackersuinikkut ataqatigiissarisut (PKG) kommunillu isumaqatigiissutaat naapertorlugu ataqqineqartariaqarpoq.

Taamaattumik Kommuneqarfik Sermersuup inussiarnersumik piumasaraa Aaqqissuusseqqinnissaq pillugu ataatsimiititaliamit suliassat Namminersorlutik Oqartussanit kommuninut nuussinissamut innersuussutit Naalackersuisunit eqquutsinneqassasut, tamatumanilu Qaasuitsup Kommuniata avinneqarnissaata aalajangiunneqarneranut atatillugu suliassat kommuninut tamanut imaluunniit kommuninut suliassanik tiguserusuttunut nuussisoqarsinnaanerata suli periarfissaanissaa qulakkeerneqassasoq.

Inussiarnersumik Inuulluaqqusillunga /  
Med venlig hilsen



## Sulineramik Inuussutissarsiuqartut Kattuffiat

Postboks 9 • 3900 Nuuk • Tlf.: +299 32 21 33 • Fax: +299 32 49 39 • E-mail: sik@sik.gl

Naalakkersuisut Siulittaasuata  
naalakkersuisoqarfianut  
Imaneq 4  
3900 Nuuk

Nuuk, ulloq 08-09-2016  
Allakkap normua D-16-20470

### **Kommunit aaqqissuussaanerannik allanngortitsinissamik Inatsisartut inatsisissaat pillugu tusarniaanermut akissut**

Kommunit aaqqissuussaanerannik allanngortitsinissamik Inatsisartut inatsisissaannut siunnersuut pillugu tusarniaanermut nassiunneqartumut akissuteqarnissamut periarfissinneqarnini SIK-ip qujaruppaa.

Siunnersuummi § 20-mi aalajangersarneqarput Qaasuitsup Kommuniani kommunip avinneqarnissaanut atatillugu maanna sulisuusut pisinnaatitaaffii pisussaaffiilu, tassani tjenestemanditut atorfeqartut, isumaqatigiissutit naapertorlugit imaluunniit inuit ataasiakkaarlugit immikkut atugassaritineqartuni atorfeqartut eqqarsaatigalugit.

Taamaalilluni siunnersuummi § 20 imm. 1 naapertorlugu 1. januaari 2018-imit tjenestemandit Qaasuitsup Kommuniani atorfeqartut maanna atugassarititaasut atuinnaarlugit kommuniulersussani nutaani marlunni suliinnassapput. Tamatuma kingorna atorfinitsitsinissamut oqartussaag tassaalissaaq kommunalbestyrelse nutaaq atorfeqarfiusorlu tassalissalluni kommune nutaaq.

Inatsisissamut siunnersuummut nassuiaatini erseqqinnerusumik oqaatigineqarpoq tjenestemandinut maanna Qaasuitsup Kommuniani atorfeqartunut tamanna qanoq isumaqasangersoq. Tassani allassimavoq "kommunimi nutaami atorfeqalerneq immi nuutsitsinerunngitsoq. Tjenestemandit pineqartut taamaalillutik kommunimi nutaami atorfeqalerneq kinguneranik atorfeqarunnaarnissap tungaanut akissarsiaqarlutik/utaqqinermi akissarsiaqarlutik soraarsinneqarnissaminnik piumasaqarsinnaanngillat."

Nassuiaatini allassimavortaaq "nalilersuinermi aamma ilaatigut ilaassasoq atorfeqarfigisamik allanngineq kommunip avinneqarneranut atatillugu pinersoq. Tamanna isumaqarpoq tjenestemandit pineqartut maannamut atorfeqarfigisap sinaakkutaasa iluanni atorfigilernissamik pisussaaffiliissutaasinnaanngitsumi atorfiup nutaap naleqquttup atorfigilernissaanut pisussaaffilerneqarsinnaasoq."

Tassunga tunngatillugu SIK-mit taasariaqarparput siunnersuummi § 20 imm. 1-imi oqaatigineqartoq kommunimi nutaami atorfeqalerneq immi nuutsitsinerunngitsoq, atornerlunneqassanngitsoq maanna tjenestemandiusumik imaluunniit tjenestemandiusunik ator-

finnik taakkununga naleqquttutut isigineqarsinnaangitsunik tigusinissamut pisussaaffiliinikkut, kommunip avinneqarnissaa pineqanngikkaluarpalluunniit. Taamaalilluni SIK-ip isumaqatiginngilaa inatsisissamut siunnersuummut nassuiaatini allassimasoq taanna: "Nalilersuinermi aamma ilaatigut ilaassaaq, atorfeqarfigisamik allanngueq kommunip avinneqarneranut atatillugu pinersoq. Tamanna isumaqarpoq tjenestemandit pineqartut maannamut atorfeqarfigisap sinaakkutaasa iluanni atorfigilernissaanik pisussaaffiliissutaasinnaangitsumi atorfiup nutaap naleqquttup atorfigilernissaanut pisussaaffilerneqarsinnaasoq."

Taamaalilluni SIK-ip aalajangiusimaniarpaa Namminersorlutik Oqartussani kommuninilu tjenestemandinik atorfinitsitsisarnermut aalajangersakkani atuuttuni tunngaviusut tunngavigineqartassasut atorfiit suut tjenestemandimut naleqquttuunerannik naliliisarnermi, aamma kommunip avinneqarnissaa pineqartillugu. Tjenestemandit akuutinneqartut taamatut inatsisitigut pisinnaatitaaffeqarnissaat aamma naapertuutissaaq § 20 imm. 1-mi oqaasertaliinermut, tassa tjenestemandit Qaasuitsup Kommuniani atorfeqartut maanna atugassarititaasut atuinnarlugit kommuniulersussani nutaani marlunni suliinnassasut.

Siunnersuummi § 20 imm. 2-mi allassimavoq sulisut isumaqatigiissutit naapertorlugit imalunniit inuit ataasiakkarlugit immikkut atugassaritinneqartuni atorfeqartut maannamut kommunerisimasami atugassaritinneqartut assingi atorlugit suliassatik suliariinnarlugit nuunnissamik neqeroorfigineqassasut. Taanna SIK-ip maluginiarpaa, tassa maanna sulususut suliassatik suliariinnarlugit nuunnissaannik "neqeroorfigineqassasut". Tamannalu isumaqassaaq neqeroorut naaggaarneqarsinnaassasoq inatsisit, isumaqatigiissutit atorfinitsitsinermillu isumaqatigiissutit atuuttut naapertorlugit pisinnaatitaaffiusut ilanngulugit.

Taamaattorli inatsisissamut siunnersuummut nassuiaatini oqaatigineqartut § 20 imm. 2-mi taaneqartumut, suliassaareersut suliariinnarlugit nuunnissamik "neqeroorfigineqarnissamut", akerliupput. Nassuiaatinimi allassimavoq atorfeqartoq kommunip avinneqarnerata kingorna atorfeqartitsisumi nutaami atorfeqarnermi sulineq pillugu isumaqatigiissutit malinnissaannut aallaaviusumik pisussaaffeqartoq. Aamma allassimavoq "aalajangersakkap taamaalilluni kingunerigaa atorfeqartup kommunip avinneqarnerata ilaatut atorfeqartitsisumut nutaamut nuunnermut atatillugu sulisitsisup allanngornera atorfeqartup tungaanit sulineq pillugu isumaqatigiissutit atorunnaarsinneqarnissaannik tunngaviliisinaasumik atorfeqarneq nammineq annertuumik allannguuteqanngitsoq, allannguinerullunili atorfeqartup naammagiinnartariaqagaa, kisiannili atorfeqarnermi annertuunik allanik allannguisoqanngippat nunami sumi najugaqarneq isiginiarneqassaaq."

Soorlu qulaani takuneqarsinnaasoq inatsisissami § 20 imm. 2-p oqaasertai nassuiaatillu imminnut naapertuutinngillat. Taamaalillutik inatsisissamut nassuiaatit paasiuminaakujupput inatsisissami aalajangersakkamik erseqqissumik nassuiaanissamut ikiuutaanatik, erseqqissaanissarmi inatsisissat pillugit nassuiaatini siunertat pingaarnersarisaraluarmasuk.

Taamaattumik SIK-ip kissaatigaa siunnersuummi § 20 imm. 1 aamma 2 taakkunungalu nassuiaatit nalilersoqqinneqassasut, taamaalillutik aalajangersagassat taakku nassuiaataillu ilaatigut inatsisinut isumaqatigiissutinullu atuuttunut naapertuutilerniassammata. SIK tamatumunnga atatillugu oqaloqatigiinnissamut peqataarusuttorujussuuvoq.

Aammattaaq SIK-ip maluginiarpaa inatsisissatut siunnersuutip aningaasaqarnikkut malunaateqarnissaa naatsorsuutigineqartoq. Tamanna ilaatigut Qaasuitsup Kommuniani sulinermik inuussutissarsiuteqartunut sunniuteqarsinnaavoq. Kommunip avinneqarneratigut allaffissornikkut allatigullu aningaasartuuteqarnerulernissap ingerlatsinermilu aningaasartuuteqarnerulernissap kiffartuussinerup annikinnerulerlunilu pitsaannginnerulernissaanik kinguneqarsinnaanera SIK-ip ernumanartoqartippaa. Aningaasartuuteqarnerulernissaq matussuserniarneqartussaamat tamatuma soorlu ulluunerani paaqqinnittarfinnut akiliutit, eqqaavilerinermut akiliutit akileraarutillu qaffanneqarnerisigut pinissaa SIK-ip aarlerinartoqartippaa. Aningaasartuuteqarnerulernermut matussusiiniarnermi periaaseq sunaagaluarpalluunniit SIK-ip ernumanartoqartippaa tamanna sulinermik inuussutissarsiuteqartut akissarsiaasa pisissutaasinnaaneranun annikillisaataallunilu aningaasanut nammineq atorsinnaasanut ikilisaataassasoq.

Taamaattumik SIK-ip ernumanartoqartippaa kommunit avinneqassagaluarpata tamatuma siunissaq ungasinnerusoq eqqarsaatigalugu sulisut aningaasarsiaqarnikkut atorfinitsitaanikkullu atugarisaannut kingunerlunnissaa aammalu kiffartuussinernut akiliutaasartut akileraarutillu qaffannerisigut aningaasartuuteqarnerulissutaaginnarnissaa.

Inussiarnersumik inuulluaqqusilluta

Med venlig hilsen / Best regards

Hans-Peder B. Christensen

Direktør, SIK



Namminersorlutik Oqartussat ulloq 24. august 2016-imi Kommunini suliassaqrfiit aqqissuuteqqinneqarnerata allanngortinneqarnissaanik Inatsisartut inatsisissaattut siunnersuut tusarniaatigalugu nassiuppaat. Siunnersuummi kapitali 5-imi sulisut aqqissuussaanerup allanngortinneqarneranik ingerlaannaq kalluarneqartussat atorfeqarnermi atugaat siunnersuutip kapitalit tallimaanni malittarisassiuunneqarput.

Tassunga atatillugu tusarniaanermut akissutit tulluuttut imaattut nassiunneqarput:

### **Tjenestemanditut atorfillit**

Inatsisissatut siunnersuummi §20, imm. 1-imi allaqqavoq Tjenestemandit Qaasuitsup Kommuniani atorfeqartut maannamut atugassaritinneqartut assigalugit kommunit nutaat marluusut arlaasa ataanni atorfeqalissasut. Atorfinitsitsinissamik piginnaatinneqartoq tamassuma kingorna tassaassaaq kommunalbestyrelsi nutaaq atorfeqarfiusorlu tassaassalluni kommuni nutaaq.

§20, imm. 1-imumt ilaatigut allaqqavoq

*"Kommunimi nutaami atorfeqalernerq nammeneq nuutsitsinerunningilaq. Tjenestemandit pineqartut taamaalillutik kommunimi nutaami atorfeqalernerup kinguneranik atorfeqarunnaarnissap tungaanut akissarsiaqarlutik/utaqqinermi akissarsiaqarlutik soraarsinneqarnissaminnik piumasaaqarsinnaanngillat.*

*Tjenestemandit pineqartut atorfinitsinneqarfimmi nutaami sulinerup allanngorfiginngisaani allamik naleqquttumik atorfeqalersinnaanerumt pisussaaffilerneqarsinnaanerannik aalajangersagaq kinguneqarpoq. Atorfiup allap taamaattup naleqquttut isigineqarsinnaanerannik nalilersuinerup saniatigut, atorfiup suuneranik maannamullu atorfigisamut atatinneqarsinnaanerannik nalilersuinerup saniatigut, tjenestemandip ilinniagaqarnera, ukioqassusia, peqqissusia, nunami sumi najugaqarnera, inissisimaffeqarnermik nalinginnaasumik isummertarneq il.il. tunngavigalugit nalileereernikkut atorfimmumt naleqquttumut innersuunneqartutut oqaatigineqarsinnaanersoq nalilersorneqassaaq. Nalilersuinermi aamma ilaatigut ilaassaaq, atorfeqarfigisamik allannguineq kommunip avinneqarneranut atatillugu pinersoq. Tamanna isumaqarpoq tjenestemandit pineqartut maannamut atorfeqarfigisap sinaakkutaasa iluanni atorfigilernissaanik pisussaaffiliissutaasinnaanngitsumi atorfiup nutaap naleqquttup atorfigilernissaanut pisussaaffilerneqarsinnaasooq."*

Kalaallit Nunaanni Namminersornerullutik Oqartussani kommuninilu tjenestemandit pillugu Inatsisartut inatsisissaat nr. 21, 18. december 2003-imeersumi tassungalu nassuiaatini allaqqavoq Tjenestemandinut atorfeqarfik inatsit manna tunngavigalugu atorfinitsitsiviusoq sumiinneq eqqarsaatigalugu Kalaallit Nunaanni tjenestemandit atorfiinut aalajangersarneqartutut.

Aalajangersakkanut nassuiaatini aamma ima allaqqavoq:

*"Aalajangersimasumut tunngatillugu naliliinikkut atorfeqarfiup sumi inissisimanerani allanngortitsinerit, naak tjenestemandinut nunami sumi atorfeqarfigisap iluaniikkaluarunilluunniit, nuutsitsinertut pisuseqarsinnaapput. Atorfimmik allanngortitsisoqarneri tamaasa pisumut tunngatillugu naliliisoqartassaaq atorfimmik allanngortitsineq tamatumani pineqarnersoq tjenestemandip naammagiinnarsinnaasaanik imaluunniit atorfimmik allanngortitsineq nuutsitsinertut pissuseqarnersoq. Pisumut tunngatillugu nalilineri pissutsit assigiinngitsut imminnut naleqqiuttarlugit oqimaalutarneqartussat aallaavigineqassapput. Pissutsit oqimaalutarneqartussat ilaatigut tassaapput allanngortitsinerup siornatigut kingornatigullu atorfi-*

*it akornanni sanilliussineq, atorfiup allaaserineqarnera aamma allangortitsinerit tjenestemandimut sioq-qutsilluni ilimagineqareersinnaansut. Taamatuttaaq sumiiffimmik allangortitsineq aammattaaq nalili-inermut ilanngunneqassaaq."*

ASG-p oqaatigissavaa nunami sumi sulinerup nuunneqartarnera Kalaallit Nunaanni immikkut pingaaruteqartoq, tassani nuna isorartoorujussuuvoq allannguinerullu kingunerigajuttarparaa suliamik paarsisinnajunnaarneq nuunnissamut piomassuseqanngikkaanni periarfissaqanngikkaanniluunniit. Tassunga atatillugu aamma isiginiarneqartariaqarpoq tjenestemandit kommunit 2007-imi aaqqissuuteqqinneranni inatsisartut inatsisaanni pineqartut atorfeqarfii malunnaatilimmik annertusineqarmata kiisalu inatsimmut nassuiaatini allaqqammat nunap immikkoortuinut inissiineq atorfirmut tulluurtuunersoq pillugu nalilersuinermi ilanngunneqartassasoq.

ASG-p tamanna tunuliaqutaralugu naatsorsuutigaa tjenestemandi atorfirmut neqeroorfigineqartoq taasuma nuunnissaanut kinguneqartussamik ilaqarpat akissarsiaqartinneqarnissat imaluunniit soraarumasinnaassasut pensioneqarlutik tjenestemandip taamatut allanguineq akuersaangippagu. Tamanna inatsisissatut siunnersuummi allassimasariaqaraluarpoq.

ASG-p aamma naatsorsuutigaa atorfeqarfinnut nutaanut ikaarsaariareernerup kingorna atorfeqarfiup asigisup allap iluani annertusisamik tiguisussaataitanermik ilaqassanngitsoq Kalaallit Nunaanni Namminersornerullutik Oqartussani kommuninilu tjenestemandit pillugu Inatsisartut inatsisissaat nr. 21, 18. december 2003-meersup atuuttut avataatigut. Tamanna inatsisissatut siunnersuummi allassimasariaqaraluarpoq.

#### **Isumaqatigiissutit malillugit atorfillit:**

Inatsisissatut siunnersuummi § 20, imm. 2-mi allaqqavoq sulisut isumaqatigiissutit naapertorlugit imalunniit inuit ataasiakkarlugit immikkut atugassaritineqartuni atorfeqartut maannamut kommunerisimasami atugassaritineqartut assingi atorlugit suliassatik suliariinnarlugit nuunnissamik neqeroorfigineqassasut.

§ 20, imm. 2-mut nassuiaatini ilaatigut ima allaqqavoq:

*"Aalajangersakkap kinguneraa atorfeqartoq kommunip avinneqarnerata kingorna atorfeqartitsisumi nutaami atorfeqarnermi sulineq pillugu isumaqatigiissutit malinnissaannut aallaaviusumik pisussaaffeqartoq.*

*Aalajangersakkap taamaalilluni kinguneraa, atorfeqartup kommunip avinneqarnerata ilaatut atorfeqartitsisumut nutaamut nuunnermut atatillugu sulisitsisup allanngornera atorfeqartup tungaanit sulineq pillugu isumaqatigiissutit atorunnaarsinneqarnissaannik tunngaviliisinnaasumik atorfeqarneq nammineq annertuumik allannguuteqanngitsoq, allannguinerullunili atorfeqartup naammagiinnartariaqagaa. Kisiannili atorfeqarnermi annertuumik allanik allannguisoqanngippat nunami sumi najugaqarneq isiginiarneqassaaq. Atorfeqartorli atorfeqartitsisumut nutaamut nuunneqarnissamik kissaateqanngippat siumut nalunaaruteqartarnerit nalinginnaasut malillugit atorfirmunit soraarniuteqarsinnaavoq."*

Nunami sumi sulinerup nuunneqartarnera Kalaallit Nunaanni immikkut pingaaruteqarpoq, tassani nuna isorartoorujussuuvoq allannguinerullu kingunerigajuttarmagu suliamik paarsisinnajunnaarneq nuunnissamut piomassuseqanngikkaanni periarfissaqanngikkaanniluunniit.

ASG-p tamanna tunngavigalugu isumaa tassaavoq isumaqatigiissutit naapertorlugit atorfilik atorfirmik nuuttariaqarnermut kinguneqartussamik neqeroorfigineqartoq atorfeqartitaanermut tunngasunik ima allannguitigisoq, allaat atorfilik sulisitsisumi soraarsitsinissamik aarlerisaaruteqareerneranik soraarsineqartutut isigisariaqarluni. Tamanna inatsisissatut siunnersuummi allassimasariaqaraluarpoq.

### **Suleriaatsinut sulisunullu tunngasunik politikkinik isiginninniarneq**

§ 20 imm. 2-mut nassuiaatini allaqqavoq:

*"Kommunini nutaani siunissami ingerlatsivissat inissaannik ikaarsaariarnermi ataatsimiititaliat isummereerpata atorfeqartut kikkut sumi inissinneqassanersut pillugit sapinngisamik piaarnerpaamik pilersaarusiortariaqarput. Atorfeqartut pilersaarutit pillugit ingerlaavartumik ilisimatinneqartassapput,....".*

ASG-p aamma kaammattuutigissavaa sulisut agguataarnissaannut suleriaatsimik pilersitsisoqassasoq tassaani qularnaarneqassalluni sulisut ataasiakkaat atorfinnut soqutigisaminnut suliarisinnaasaminnullu qinuteqarsinnaatitaassasut, ataasiakkaat kissaataat pingaartinneqassasut kiisalu atorfiit inuttalerneqarnerat ammasumik oqimaaqatigiissumillu periaaseqarluni pisassasoq. Aamma tunngavigineqarpoq pisortat ingerlatsineranni suliasanik suliarinnittarnermi malittarisassat malinneqassasut, matumani ilaallutik illuatungerisamik tusarniaasussaataanerme, paasissutissani takunnissinnaatitaanermik kiisalu tunngavilersuisussaataanerme malittarisassat.

2007-imi aqqissuusseqqinnermisut nuttarnermut aningaasaateqarfiliortoqarnissaa isumaliutigineqartariaqarpoq kiisalu sulisunut tamanut nuunniarlutik aalajangertunut nuunnermut ajunngitsorsiaqartinnissaat qularnaarniartariaqarluni. Aamma allaqqasariaqarpoq tapeqartitsisoqarpat atuuffinnut siunissami suliarinnaagassanik tapit inuttut tapitut allanngortinneqassasut taamaalilluni atorfillip akissarsiaasa ikileriarnissaat pinngitsoortinneqarluni.

Ataatsimut isigalugu kaammattuutigineqarpoq Namminersorlutik Oqartussat kommuninilu nutaani ikaarsaariarnermi ataatsimiititaliat suleqataasut pisortaasullu sulinerme sapinngisamik annerpaamik peqataatinneqassasut aalajangiiniarnermi pimoorullugit peqataatillugit atorfeqarneranni, inatsisitigut inisissimaneranni kiisalu sulinerme ammasumik pissuseqarfigalugit pisariaqartitaannik toqqissisimatillugit.



Naalackersuisut Siulittaasuata Naalackersuisoqarfia  
Postboks 1015  
3900 Nuuk

Ulloq: 07.09.2016  
All nr.: 2016366  
J nr.: 14.53.00/hps

**Suliap normua. 2016 -12495 Kommunini suliassaqarfiit aqqissuussaanerisa aqqissuuteqqinnerata allangortinneqarnerat pillugu Inatsisartut inatsisissatut missingiummit tusarniaaneq.**

Aallarniutigalugu AK-mit ajuusaarutigineqassaaq tusarniaanermut piffissaliussap sivi-kitsuunera, taamaattumillu sulisoqarnikkut pissutsit pillugit inatsisissatut siunnersuummi § 20-imut pingaarnerusutigut oqaaseqaatinik arlalinnik saqqummiussaqaarnissamut killilertariaqarlugu.

AK-mit maluginiarneqarpoq atorfilinnut atorfeqartitaanerup allangortinneqarnerani inatsisitigut iluarsinermut tunngatillugu, soorlu aamma inatsisissatut siunnersuummut oqaaseqaatini allaaserineqarsimasumi pineqarmat aalajangersimasumik naliliineq, kommunit agguartaarneqarnerisa allangortinneqarnerata kingunerissaneraa Inatsisip tunngaviusup isumaa naapertorlugu nuutsitsineq. AK-milli isumaqatigiissutigineqarpoq, sulisitsisut taaguutaata namminermi allangortinneqarnera tassaangimmat nuutsitsineq. Inatsisartulli inatsisaatigut iluarsineqarsinnaangilaq, atorfilik aalajanger-simasumik naliliisoqarneratigut nuutsitsinissamut isummaminik atuuttussangortitsis-innaanera.

Taamatuttaaq AK-mit maluginiarneqarpoq, kommunit agguataarneqarsimanerinit atasumik atorfeqartitaanikkut pissutsini annertuunik allangortoqartillugu, tassunga ilangullugu atorfimmik atorunnaarsitsisoqartillugu, aammalu atorfilimmut naleqquttumik atorfimmut allamut innersuussisoqarsinnaatinnagu pineqartup tigus-sallugu pisussaaffigisaani, atorfilik piginnaatitaaffeqartoq atorfilinnut inatsimmi malit-tarisassat naapertorlugit nammineq atorsinnaasaminik aningaasarsiaqaarnissamut.

Sulisunut isumaqatigiissutit naapertorlugit atorfeqartunut aamma inunnut ataasiakkaa-nut atugassaqaartitaalluni sulisunut tunngatillugu, AK-mit maluginiarneqarpoq, sulisunut isumaqatigiissutip aamma atorfinitsitaanermi allakkap/-isumaqatigiissutip paasi-neqarsinnaaneranut pissutaammata, allangornerit sorliit atorfeqartumit akuer-saarneqarsinnaanersut. Allangortitsisoqassappalli, sulisoq pisussaaffeqanngilaq so-raarnissaminut qinnuteqaammik akuersinissamut, sulisitsisulli sulisumit allaanerusumik isumaqatigiissuteqartoqarsinnaangippat, atorfilinnut inatsit naapertorlugu qinnutigi-neqanngitsumik suliunnaarsitsinermik suliani sulisuusup piginnaatitaaffiisa qulakkeerneqarnissaat.

Inatsisiliorneq aqcutigalugu atorfeqartitaanikkut pissutsini sulisuusup piginnaatitaaffi-  
inut akuleruttoqassappat, tamanna AK-mit arsaarinninnertut paasineqassaaq. AK-p  
naatsorsuutigaa, inatsimmi siunertarineqanngitsoq piginnaatitaaffitsigut isumaqatigiis-  
sutaareersutigut akuleruffiginninneq inatsisitigut akuersissutigineqarsinnaassasoq, pis-  
sutigalugu inatsisissatut siunnersuut saqqummiunneqanngimmat arsaarinninnermut  
inatsisissamat siunnersuutitut.

Naggasiullugu AK-mit uparuarneqassaaq, nalorninarmat, kommuni sorleq § 20 imm. 2  
naapertorlugu piginnaatitaaffeqarnersoq.

Inussiarnersumik inuulluaqqusillunga

Dina Olsen  
Siulittaasoq  
Atorfillit Kattuffiat

## **Kommunini suliassaqarfiit aqqissuuteqqinnerisa allangortinnera pillugu Inatsisartut inatsisissaatut siunnersuutip nr. xx, xx,xxx 2016-imeersup tusarniutiginneranut akis-sut.**

Kommunini suliassaqarfiit aqqissuuteqqinnerisa allangortinnera pillugu Inatsisartut inatsisissaatut siunnersuutip nr. xx, xx,xxx 2016-imeersup tusarniutiginnerat BDO Kalaallit Nunaannit 24. juni 2016 tiguneqarpoq.

BDO Kalaallit Nunaat inatsisissatut siunnersuummut oqaaseqateqarsinnaanissaminut periarfissinneqarami qujavoq, oqaaseqaatinilu matumuuna nassiullugit:

Kommunini nutaani ikaarsaariarnermi ataatsimiititalianik qinersisarnissamut ataatsimiititaliallu inissitsitertarnissaanut siunnersuut aqqutigalugu pisariaqartinneqartunik sinaakkusiisoqarsimavoq. Siunnersuut ikaarsaariarnermi ataatsimiititaliat sulineranni immikkualuttunik iluarsinerit saniatigut aamma kommunip avinneqarnera pillugu aalajangiinernik imaqassaaq.

Siunnersuummi allassimasutut naatsorsuutit taakkulu kukkunerisiorneqartarneri kommunit aqunneqarnerat pillugu inatsimmi maleruagassat naapertorlugit ingerlanneqartassapput. BDO Kalaallit Nunaata inussiarnersumik oqaatigissavaa Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisissaatut siunnersuut nr. xx, xx, xxx 2016-imeersoq (UPA2016/20) inatsisartunit UKA2016-imi aappassaaneernejarlunilu pingajussaaneernejartussaammat. Inatsisissatut siunnersuut kommunit naatsorsuutaanut taakkulu kukkunerisiorneqartarnerinut aalajangersakkanik ilaqarpoq siunnersuummilu § 47 aqqutigalugu siunnersuutigineqarluni kommunit aqunneqarnerinut tunngatillugu aalajangersakkat atuuttut atorunnaarsinneqassasut.

BDO Kalaallit Nunaata maluginiarpaa siunnersuummi § 21-imi allassimasoq kommunini nutaani marluusuni aningaasaqarnermut ataatsimiititaliat Qaasuitsup Kommuniata naatsorsuutai saqqummiutissagaat aammalu kommunini nutaani marluusuni kommunalbestyrelsit naatsorsuutit kukkunerisuisunut saqqummiutissagaat. Kukkunerisuisarnej kukkunerisuisunit Qaasuitsup Kommunianit toqqarneqarsimasumit ingerlanneqartassaaq.

BDO Kalaallit Nunaat Qaasuitsup Kommuniata naatsorsuutaanik kukkunerisuisartutut suliamut tunngatillugu saqqummeeqqinnissaq pisariaqartinneqassappat saqqummiinissaminut piareersimavoq.



# KOMMUNE KUJALLEQ

POSTBOKS 514 · 3920 Qaqortoq

Naalakkersuisut Siulittaasuata Naalakkersuisoqarfia

Postboks 1015

3900 Nuuk

[govsec@nanoq.gl](mailto:govsec@nanoq.gl) [maj@nanoq.gl](mailto:maj@nanoq.gl)

ULLOQ  
DATO

05-09-2016

J. NR.  
J. NR.

00.01-A00-1-16

IMMIKKOORTORTAQARFIK  
FORVALTNING

Kommunip pisortaanera

ALL. NR.  
BREV NR.

1600818

**Kommuneqarfinnik aaqqissuussaaniikkut aaqqissuusseqqinnerup  
allangortinneqarnera pillugu Inatsisartut inatsisaanut tusarniaanermi missingiut.**

Qaasuitsup Kommuniata kommuninut marlunnut avinneqarnissaanik inatsisissatut siunnersuut Kommune Kujallermit misissuataarneqarpoq.

Oqaatigineqarpoq inatsisissatut siunnersuut aningaasatigut, allaffissormikut allatigulluunniit Kommune Kujallermut imaluunniit kommuninut allanut kinguneqarnaviangitsoq.

Kommune Kujallermit naatsorsuutigineqarpoq tunngavik taanna aamma siunissami akileraarutiniq naligiissaarisarnermi kiisalu ataatsimoortumik aningaasaliissutit agguataarneqarneranni aamma aalajangiusimaneqarumaartoq.

Taaneqareersut taamaannissaat naatsorsuutigalugu Kommune Kujallermit inatsisissatut siunnersuut annerusumik oqaaseqarfiginagu taparserneqarpoq.

Inussiarnersumik inuulluaqqusillunga

Simon Simonsen  
1. Borgmesterip tullia siulleq.

Frank Hedegaard Jørgensen  
Kommunip pisortaanera

/Sinn.

Michael Mikkelsen  
Chefkonsulent



Formandens Departement,  
[ff@jqnarsa.gl](mailto:ff@jqnarsa.gl)

Ulloq / Dato	2/09/2016
All. nr. / Brev nr.	1600143
J. nr.	00.06.00
Sull. / Sagsbeh.	hhol lok. 7314

## Kommunini suliassaqarfiit aaqqissuuteqqinnerisa allanngortinnera pillugu Inatsisartut inatsisaannut allannguummut Qeqqata Kommuniata akissutaa

Qeqqata Kommuniata naatsorsuutigaa Qeqqata Kommunianut ataatsimoortumik  
aningaasaliissutit allanngortinneqassanngitsut.

Qeqqata Kommunia annertunerusumik oqaaseqaatissaqanngilaq.

---oOo---

### Qeqqata Kommunias hørings svar vedr. Forslag til ændring af strukturreform af den kommunale sektor

Qeqqata Kommunia forventer at bloktilskuddet til Qeqqata Kommunia ikke ændres.

Qeqqata Kommunia har ingen yderligere kommentarer.

Inussiarnersumik inuulluaqqusilluta / Med venlig hilsen

  
Hermann Berthelsen  
Borgmesteri / Borgmester

  
Paneeraq Olsen  
Kommunip Pisortaanera/  
Kommunaldirektør

Qeqqata Kommuniartut saaffiginittuqarfassaaq, inunnut ataasiakkaanut pinortu.  
Henvendelse bedes adresseret til Qeqqata Kommunia og ikke til enkeltpersoner.

Kommunip allaffia · Kommunekontoret  
Sisimiut Makkorsip aqaseema 2 · Boks 1014 · DK-3911 Sisimiut  
Maniitsaq Kuuttartoq B-1077 · Boks 100 · DK-3912 Maniitsaq  
Telefon (+299) 70 21 00  
Telefax (+299) 70 21 77

Ammasarfiit: Ataas., marlu., sisam. aamma talli, (pingasunnornemi matoqasarpooq)	10-14 <sup>00</sup>
Maniitsumi/Sisimiuni Innuttaasunik Sullissivik	10-17 <sup>00</sup>
Åbningstider: Man., tir., tor. og fre. (onsdag lukket)	10-14 <sup>00</sup>
Boraerservice i Maniitsaq/Sisimiut tors.	10-17 <sup>00</sup>



Sulisitsisut

Kalaallit Nunaanni Sulisitsisut

Greenland Business Association

Jens Kreutzmannip aqq. 3

Postboks 73

3900 Nuuk

[www.ga.gl](http://www.ga.gl)

Tlf. +299 32 1500

Fax nr. +299324340

[ga@ga.gl](mailto:ga@ga.gl)

GER: 25027248

Siulitaasup Naalakkersuisoqarfia

Nuuk, ulloq 29. august, 2016

Imanaq 4

Brev nr. 016-12853

3900 Nuuk

Sagsnr. S16-528

Email: [govsec@nanoq.gl](mailto:govsec@nanoq.gl)

Email: [maj@nanoq.gl](mailto:maj@nanoq.gl)

**Kommunini suliaasaqarfiit aaqqissuuteqqinneqarnerata allanngortinneqarneranik inatsisissatut siunnersuummut oqaaseqaatit.**

Kommunini suliaasaqarfiit aaqqissuuteqqinneqarnerata allanngortinneqarneranik inatsisissatut siunnersuummut nassiunneqartumut Kalaallit Nunaanni Sulisitsisut oqaaseqaatissaqanngillat, oqaatigissalluguli kommunip aaqqissuuseqqinnissamik kissaateqartup allanngortiterinermut atatillugu aningaasartuutini tamatumalu kingorna ingerlatsinermut aningaasartuutaanerulersussanik nammineerluni isumaginnittuunissaa sulisitsisunit pingaarluinnartutut isigineqarmat .

Inatsisissatut siunnersuutip nassuiaatitaani allassimasutut imaattariaqanngimmat kommuni aaqqissuuseqqinnissamik kissaateqarsinnaassasoq akiligassartai kommuninut allanut nunatta karsianulluunniit ingerlateqqitassanngorlugit.

Inatsisissatut siunnersuummut nassiunneqartumut Kalaallit Nunaanni Sulisitsisut allanik oqaaseqaatissaqanngillat.

Inussiarnersumik inuulluaqqusillunga

Karsten Lyberth- Klausen

Allattoqarfimmi pisortaq

Aningaasaqarnermut Naalackersuisoqarfimmit tusarniaanermut akissut – "Uunga siunnersuut: Kommunini suliaasaqarfiit aaqqissuuteqqinnerisa allanngortinnera pillugu Inatsisartut inatsisaat nr. xx, xx,xxx 2016-imeersoq"

Aningaasaqarnermut Naalackersuisoqarfiup inatsisissatut siunnersuut tassungalu Nalinginnaasumik nassuiaatit assut soqutiginnilluni naallugit atuarpai, imaattunillu oqaaseqaateqassalluni:

1. Aningaasaqarnermut Naalackersuisoqarfik inatsisissatut siunnersuummut pingaarnernik pingasunik oqaaseqaateqarpoq:

a. Naammagisimaarlugu immikkut maluginiarneqarpoq inatsisissatut siunnersuummi maannakkut Qaasuitsup Kommuniata atuuttup kingornatigullu kommuninut nutaanut marluusunut avitsinermut aningaasartuutit tamarmiusut inissinneqarmata, taamaalilluni kommunip avinneqarnera inuiaqatigiit sinnerinut nammakkersuutaassanngilaq.

b. Kommunip atuuttup avinneqarnera – kommunalbestyrelsit nutaat marluk pilersinneqarnissaannut siunnersuutigineqartumi peqatigitillugulu kommunalbestyrelsimik pioreersumik ingerlannera 2017-imilu ikaarsaariarnermi ataatsimiititaliat ilanngullugu allaffeqarfinnik marlunnik pilersitsineq – pissutsit allat assigalugit allaffissornermut aningaasartuutit tamarmiusut amerlanerulissapput. Taamaalilluni kommunini nutaani innuttaasunut maannakkut sullissinerup qaffasissusiata atatiinnarnissaa, (ilaatigut kukkunersiunerup suliffeqarfiup BDO-p allagaanit 3. juni 2016-imeersumit uppernarsarneqarpoq) kommuninut nutaanut marluusunut akileraarutit malunnaatilimmik qaffanngippata ajornakusussasoq.

c. Allaffissornermut aningaasartuutit qaffasinnerulersut aamma annerusumik akileraartitsiniarneq Attassisinnaanissamut Siuarsaanissamullu pilersaarummi anguniakkamut tunngaviumillu atatitsisuusunut, ingammik Kommunini Namminersorlutillu Oqartussani 2018-imi aningaasaqarnerup oqimaqatigiinnissaanik kissaateqarnermut akerliupput.

Tamatuma saniatigut inatsisissatut siunnersuummi nalinginnaasumillu nassuiaatini oqaasertat ataasiakkaat misissornerini paasineqarput:

2. § 6: aalajangersimanerusumik pineqarpoq, Qaasuitsup kommuniani kommunalbestyrelsimut atuuttumut naleqqiullugu ikaarsaariarnermi ataatsimiititaliat piginnaaneqarnerillu paatsuugassaannngitsumik pineqarpata, kommuninut nutaanut marlunnut kommunalbestyrelsit pineqarpat? Imm. 2-mi paatsuugassaannngitsumik oqaatigineqarpoq, ikaarsaariarnermi ataatsimiititaliat ulloq 1. januar 2018 Kommunilbestyrelsinngussasut – aatsaallu kommunit taakku marluk §1 naapertorlugu ulloq 1. januar 2018 pilersinneqassallutik.

3. § 13 imm 2 aamma 3. Oqaasertap sinneranut naapertuunnerunngila Naalackersuisut malittarisassanik erseqqarinnerusunik aalajangersaasinnaanerit. (tassaavoq fagimi taaguusersuut, §21, imm 2.4-imi atornerqartoq. Nalinginnaasumik oqaaseqaatinut Aningaasarnermut Naalackersuisoqarfimmit nassuiaatinut nalinginnaasumik isiginninneq: Allaatigisanit immikkoortunit "nuutsitat-ikkussukkat" peerneqanngitsoorsimasut peertariaqassavasi (arlaleriarluni taaneqarsimavoq "kommunit kattussuunneri"; kisianni tamatuma akerlia inatsisissatut siunnersuummi pineqarpoq). Sianerit nalunaaqutsikkagullu pissarsiaralugit.

5. Qupperneq 11, § 13, imm. 3-mut nassuiaatit: Immikkoortoq kingulleq eqqaassanngikkaanni oqaaseqaatini imm. 3 pineqanngilaq. Oqaaseqatigiit kingullit: Imm. 3-imi isumaqatigiinnginnermut aaqqiissutissamik allassimasoqanngilaq.
6. Ataatsimut isigalugu siunnersuut inatsisiliornermi periutsinut tunngatillugu annertunerusumik misissorneqarnissaa pisariaqarpoq. Soorlu assersuutigalugu § 24, imm. 3-mi aalajangersagaq ersarlulluinnarpoq, aamma immikkoortumut nassuiaatit nalinginnaasut amigaataapput.

Til: Eigil Carner Nielsen (ecni@nanoq.gl)  
Cc: Kim Neumann Nielsen (KNN@nanoq.gl), Henrik Rud Jensen (heje@nanoq.gl)  
Fra: Peter Aarup Andersen (PEAN@nanoq.gl)  
Qulequtaq: Akileraartarnermut Aqutsisoqarfimmut tusarniutigineqartoq  
Nassiunneqarpoq: 05-09-2016 10:04:42:

Hej Eigil.

Qujanaq nassiussannut.

Inatsisissatut siunnersuummut nassuiaatitaanullu Akilerartarnermut Aqutsisoqarfik oqaaseqaatissaqanngilaq, taamaattorli ilisimatitsissutigissallugu massakkut Qaasuitsup Kommunerisaata avinneqarneratigut Akileraartarnermut Aqutsisoqarfimmut aningaasartuuteqarnerulersitsisussaassammat akileraartarnermi atortorissaarutip ineriartortinneranut kommunit ataatsimik ilaneqarnerisigut aningasartuuteqarnerulersussaassammat.

Tamatuma akiligassalinnut nalunaarsuiffiup kommuninut nutaanut atorneqarsinnaanngorlugu avinneqarnissaanut aningaasartuuteqarnissaq naatsorsuutigineqarpoq.

Taamatut avitsinissamut aningaasartuutissat Akileraartarnermut Aqutsisoqarfimmit erseqqissumik oqaatigineqarsinnaanngillat, massakkuugallartorli nalilerlugu aningaasartuutissat 300.000 kr. aamma 500.000 kr. akornanni annertussuseqassasut.

Inussiarnersumik inuulluaqqusillunga

Peter

**Til:** nuuk@bdo.dk (nuuk@bdo.dk), Deloitte Nuuk (nuuk@deloitte.dk), Qeqqata Kommunia (qeqqata@qeqqata.gl), DJOEF@DJOEF.dk (DJOEF@DJOEF.dk), SPS (allaffik@pi.sps.gl), SIK (sik@sik.gl), biskop@ilagiit.gl (biskop@ilagiit.gl), kanunupe@greenet.gl (kanunupe@greenet.gl), ak@ak.gl (ak@ak.gl), KANUKOKA (kanukoka@kanukoka.gl), Qaasuitsup Kommunia (qaasuitsup@qaasuitsup.gl), Kommune Kujalleq (kommune@kujalleq.gl), Departementet for Uddannelse, Kultur, Forskning og Kirke (ikiin@nanoq.gl), Kommuneqarfik Sermersooq (kommuneqarfik@sermersooq.gl), Økonomi- og Personalestyrelsen (asa@nanoq.gl), Finansdepartementet (oed@nanoq.gl), imak@imak.gl (imak@imak.gl), Grønlands Erhverv (ga@ga.gl), asg@greenet.gl (asg@greenet.gl)

**Cc:** Government of Greenland (info@nanoq.gl), Ole Christiansen (olch@nanoq.gl), Leif Scharling (LESC@nanoq.gl), Martha Abelsen (maab@nanoq.gl)

**Fra:** Marianne Petersen (MAJ@nanoq.gl)

**Titel:** Tusarniaaneq/ Høring

**Sendt:** 24-08-2016 09:55:35

**Bilag:** Bemærkninger til lovforslaget\_24082016\_Høring\_DK.docx; Bemærkninger til lovforslaget\_24082016\_Høring\_KAL.docx; Forslag til inatsisartutlov nr. xx af xx om ændring af strukturreform af den kommunale sektor\_24082016\_Høring\_DK.docx; Forslag til inatsisartutlov nr. xx af xx om ændring af strukturreform af den kommunale sektor\_24082016\_Høring\_KAL.docx; Høringsbrev DK.docx; Høringsbrev KAL.docx; Tusarniaaffigineqartut\_Høringsparter.docx;

Tusarniaaffigineqartussanut tamanut,

Matumuuna siunnersuut: Kommunini suliassaqarfiit aqqissuuteqqinnerisa allanngortinnera pillugu Inatsisartut inatsisaat nr. xx, xx,xxx 2016-imeersoq tusarniaassutigineqarnera nassiunneqarpoq. Malugeqquneqarpoq tusarniaanermut piffissaq pisarnermit sivikinnerummat. Tusarniaanermut killiffik tassaavoq ulloq 7. september 2016. Tusarniaanermi allakkiaq kakkiunneqartoq takuuk.

Til samtlige høringsparter,

Hermed fremsendes forslag til inatsisartutlov nr. xx af xx om ændring af strukturreform af den kommunale sektor i høring. Der skal gøres opmærksom på at høringsperioden er kortere end normalt. Høringsfristen er den 7. september 2016. Se vedlagte høringsbrev.

Ikinngutinnersumik inuulluaqqusillunga – Med venlig hilsen – Kind Regards

Marianne Petersen



NAALAKKERSUISUT  
GOVERNMENT OF GREENLAND

Naalakkersuisut Siulittaasuata Naalakkersuisoqarfia  
Formandens Departement  
The Premier's Office

Postboks 1015  
Imaneq 1A-901  
3900 Nuuk  
Toqq, direkte: +299 34 51 37  
Email: [maj@nanoq.gl](mailto:maj@nanoq.gl)  
<http://www.nanoq.gl>



Tusarniaavigineqartartut tamanut (takuuk tusarniaavigineqartartut allattorsimaffiat)

Mail atorlugu

**Kommuneqarfinnik aaqqissuussaannikkut aaqqissuusseqqinnerup  
allangortinneqarnera pillugu Inatsisartut inatsisaanut tusarniaanermi  
missingiut.**

24-08-2016  
Suliap nr. 2016 -  
12495

Allakkat  
nr.

Ulloq 25. marts 2014-imi maannakkut Qaasuitsup Kommuniani inunnik taasisitsinermi qinersisartunit amerlanerulluartut nalunaarutigaa, kissaatigineqartoq Qaasuitsup Kommunian kommuninut nutaanut arlalinnut avinneqassasoq. Qaasuitsullu Kommuniani kommunalbestyrelsi tamatuma kingornatigut isumaqatigiillutik Naalakkersuisunut inassutigisimavaat maannakkut kommuniusoq kommuninut marlunnut namminersortunut avinneqassasoq. Ulloq 1. juli 2016 Naalakkersuisunit kommunimit kommunalbestyrelsip aalajangernera pillugu saaffiginnissut pissarsiaaraat.

Postboks 1015  
3900 Nuuk  
Oqarasuaat (+299) 34  
50 00  
Fax (+299) 32 50 02  
E-mail:  
govsec@nanoq.gl  
www.naalakkersuisut

Naalakkersuisut Inatsisartut inatsisissaatut siunnersuummik saqqummiussissapput, tassuuna kommunini nutaani ikaarsaariarnermik ataatsimiititalianit qinersinissamut inissitsiternermi pisariaqartinneqartunik sinaakkuttanik pilersitsisoqassalluni. Siunnersuut ikaarsaariarnermi ataatsimiititaliat sulineranni immikkuualuttunik iluarsinerit saniatigut aamma kommunip avinneqarnera pillugu aalajangiinernik imaqassaaq.

#### **Siunnersuutip immikkoortui pingaarnerit**

Siunnersuutigineqassaaq, ikaarsaariarnermi ataatsimiititalianut ulloq 4. april 2017 qinersisoqassasoq, peqatigitillugulu kommunalbestyrelsinut avinneqarsimangitsunut pingasuusunut qinersisoqassalluni aamma ilatigiit sinniisuinut kiisalu nunaqarfinni siulersuisunut qinersisoqassaaq. Siunnersuutip kapitaliata aappaani aalajangersarneqassapput taamatut qinersinerit ingerlanneqarnissaannut sukumiinerusumik aalajangersakkat.

Ikaarsaariarnermik ataatsimiititalianut qinersineq Qaasuitsup Kommuniani ingerlanneqassaaq, tassani qinigassanngortittunik sassartitsinerit, qinersisinnaasut allattorsimaffiinik aamma qinersinermi siulersuisunik akuersissutiginninnerit aamma qinersinerup naatsorsorneqarnera qinersineq pillugu inatsisip atuuttup aalajangersagartaanik malittarisqaartinneqassallutik, tassungalu innersuussisoqarpoq. Taamaasilluni siunertarineqarpoq, kommunalbestyrelsinut, nunaqarfinni siulersuisunut aamma ilagiit sinniisuinut qinersisarneq pillugu Inatsisartut inatsisaat ikaarsaariarnermik ataatsimiititalianut marluusunut qinersinermi atuutsinneqassasoq. Taamatuttaarlu qinigassanngortitanik sassartitsineri akuersissutiginninnermilu, qinersinermik ingerlatsineri aamma qinersinerit naatsorsorneqarnerini aammalu qinerneqarsinnaanerup nalilerneqarnerani periutsit atuutissapput ikaarsaariarnermik ataatsimiititalianut qinersinermi.

Maannakkut kommunalbestyrelsip attuuttup attuuffia qaammatinik arfineq-pingasunik sivitsorneqassaaq ulloq 31. december 2017-ip tungaanut. Ikaarsaariarnermi ataatsimiititalianut atuuffik tassaavoq 1. maj 2017-imiit 31. december 2017-ip tungaanut. Tamatuma kingorna ikaarsaariarnermi ataatsimiititaliat kommunini nutaani kommunalbestyrelsitut inississapput. Kommunini nutaani ileqquusumik kommunalbestyrelsinut qinersineq siulleq tullissaani ingerlanneqassaaq april 2021-imi.

Inatsit inatsimmut nassuiaatitalik tusarniaassutigineqassaaq. Inatsisip 1. december 2016-imi atuutilernissaa naatsorsuutigineqarpoq.

Inatsisiliornikkut sulinissamut piffissaliussap sivikitsuunera pissutigalugu kommuninut sisamaasunut isumaqatigiissutigineqarsimavoq tusarniaanermi piffissaq nalinginnaasumit sivikinnerussasoq. **Tusarniaanermi akissutitut piffissaliussaq tassaavoq pingasunngorneq 7. september 2016.**

Inatsisisinut tunngasunik kukkunersiorneqarnera maanna ingerlanneqartup qaangiussimalerpat allannguuteqartoqarsinnaavoq.

Tusarniaanermi akissutit Namminersorlutik Oqartussanut e-mailadressi govsec@nanoq.gl atorlugu nassiunneqassapput uunga nuutinnertalerlugu maj@nanoq.gl.

Apeqqutaasinnaasut Marianne Petersen-imut maj@nanoq.gl-imut imaluunniit oqarasuaat: 34 51 37-mut saaffiginnissutigineqarsinnaapput.

Inussiarnersumik inuulluaqqusillunga  
Med venlig hilsen

Marianne Petersen  
Toqq/direkte 345137

**Kommunini suliaasaqarfiit aaqqissuuteqqinneqarnerat allanngortinneqarnera pillugu Inatsisartut inatsisissaatut missingiummut tusarniutigineqarnerani tusarniaaffigineqartut/ Høringsparter ved høring af udkast til Inatsisartutlov om ændring af strukturreform af den kommunale sektor**

Kommunit tamaasa – Samtlige kommuner

KANUKOKA

Nunaqarfiit peqatigiiffiat KANUNUPE/Bygdeforeningen KANUNUPE

Aningaasaqarnermut Naalakkersuisoqarfik/ Finansdepartementet

Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik/

Departementet for Uddannelse, Kultur, Forskning og Kirke

Kalaallit Nunaanni Biskoppi/ Biskoppen i Grønland

Aningaasaqarnermut- Sulisoqarnermullu Aqutsisoqarfik/ Økonomi- og Personalestyrelsen

Kommunernes revision BDO

Deloitte

Kalaallit Nunaanni Sulisitsisut Kattuffiat GE/ Grønlands Arbejdsgiverforening GE

SIK

AK

PIP

DJØF

IMAK

ASG

Namminersorlutik Oqartussani tusarniaanermut isaaffik/Høringsportalen i Grønlands Selvstyre



**Uunga siunnersuut: Kommunini suliassaqarfiit aaqqissuuteqqinnerisa allanngortinnera pillugu Inatsisartut inatsisaat nr. xx, xx,xxx 2016-imeersoq**

**Kapitali 1**

*Kommuninut aggornilersuineq*

§ 1. Kalaallit Nunaat 1. januar 2018-imiit kommuninut tallimanut aggornilersorneqassaaq.

*Imm. 2.* Kommuni 1-imi siusinnerusukkut kommuniusimasut imatut inissinneqassapput:

- 1) Qaanaap Kommunia,
- 2) Kommuneqarfik Upernavik,
- 3) Ummannap Kommunia, aamma
- 4) Ilulissat Kommunia

*Imm. 3.* Kommuni 2-mi siusinnerusukkut kommuniusimasut siunissami imatut inissinneqassapput:

- 1) Qeqertarsuup Kommunia,
- 2) Qasiqianguit Kommunia,
- 3) Aasiaat Kommunia, aamma
- 4) Kangaatsiap Kommunia

*Imm. 4.* Kommuni 3 allanngortinneqarani tassaavoq maannakkut Qeqqata Kommunia

*Imm. 5.* Kommuni 4 allanngortinneqarani tassaavoq maannakkut Kommuneqarfik Sermersooq

*Imm. 6.* Kommuni 5 allanngortinneqarani tassaavoq maannakkut Kommune Kujalleq

**Kapitali 2**

*Kommunalbestyrelsinut qinersineq*

§ 2. Ulloq 4. april 2017 kommunalbestyrelsinut qinersisoqassaaq. Kisiannili Qaasuitsup Kommuniani kommunalbestyrelsinut qinersisoqassanngilaq, tak. § 6.

*Imm. 2.* Maannakkut Qaasuitsup Kommuniusumi ikaarsaariarnermut ataatsimiititaliamut ulloq 4. april qinersisoqassaaq, tak. § 6. qinersinerit kommunalbestyrelsinut, nunaqarfinni aqutsisunut ilagiillu sinniisaannut qinersisarneq pillugu Inatsisartut inatsisaanni tamanna pillugu aalajangersakkat atuuttut naapertorlugit qinersisoqassaaq.

*Kommunalbestyrelsinut ilaasortat amerlassusaat*

§ 3. Kommunalbestyrelsinu ataasiakkaani ilaasortat imatut amerlassuseqarput:

- 1) Kommuni 1 17-inik ilaasortaqqarpoq,
- 2) kommuni 2 15-inik ilaasortaqqarpoq,
- 3) kommuni 3 15-inik ilaasortaqqarpoq,
- 4) kommune 4 19-inik ilaasortaqqarpoq, aamma
- 5) kommuni 5 15-inik ilaasortaqqarpoq.

*Imm. 2.* 2017-ip kingorna kommunalbestyrelsinut ileqquusumik qinersinermi ilaasortat amerlassusaat imm. 1-imi taaneqartunit allaanerussanersumik ilaasortat amerlassuseqassanersut

qinersinissap kingusinnerpaamik ukiup siuliata naannginnerani kommunalbestyrelsit aalajangiisinnaapput.

#### *Ilagiit sinniisaannut qinersinerit*

§ 4. Kommunini nutaani ulloq 4. april 2017 ikaarsaariarnermut ataatsimiititalianut qinersineq peqatigalugu ilagiit sinniisaannut nutaamik qinersisoqassaaq.

*Imm. 2.* Kommunalbestyrelsinut, nunaqarfiit aqutsisunut ilagiillu sinniisaannut qinersisarneq pillugu Inatsisartut inatsisaanni tamanna pillugu aalajangersakkat atuuttut malillugit ilagiit sinniisaannut qinersisoqassaaq.

#### *Nunaqarfinni aqutsisut*

§ 5. Kommunini nutaani ulloq 4. april 2017 ikaarsaariarnermut ataatsimiititalianut qinersineq peqatigalugu nunaqarfinni aqutsisunut nutaamik qinersisoqassaaq.

*Imm. 2.* Kommunalbestyrelsinut, nunaqarfinni aqutsisunut ilagiillu sinniisaannut qinersisarneq pillugu Inatsisartut inatsisaanni tamanna pillugu aalajangersakkat atuuttut malillugit nunaqarfinni aqutsisunut qinersisoqassaaq.

*Imm. 3.* Ataatsimoorussamik nunaqarfinni aqutsisunik qinersisoqarsinnaavoq. Kommunip ataatsip iluani ataatsimoorussamik nunaqarfinni aqutsisut minnerpaamik nunaqarfiit marluussapput. Nunaqarfiit sorliit ataatsimoorussamik nunaqarfinni aqutsisoqassanersut ilaasortallu qassiussanersut kommunalbestyrelsimit aalajangiiffigineqassapput. Tamanna pillugu aalajangiineq ataatsimoorussamik nunaqarfinni aqutsisunik qinersinissap ukiup siuliata naannginnerani pissaaq.

*Imm. 4.* Pingaartumik nunaqarfiit avinngarusimasut nunaqarfiilluunniit amerlasuunik innuttaqartut pineqartillugit imm. 3-imi, imm. aappaanni piumasqaatip malinneqannginnissaanik Naalakkersuisut immikkut akuersisinnaapput. Ataatsimoorussamik nunaqarfinni aqutsisunik nunaqarfinnit marlunnit amerlanerusunit kommunalbestyrelsi pineqartoq katiterisimanersoq Naalakkersuisut aalajangiinerminni pingaartissavaat.

### **Kapitali 3**

#### *Ikaarsaariarnermi ataatsimiititaliat*

§ 6. Kommunini marlunni nutaani taakkunani kommunalbestyrelsit piffissami 1. maj 2017-imiit 31. december 2017 tungaanut tassaassapput kommunini nutaani taakkunani ikaarsaariarnermi ataatsimiititaliat.

*Imm. 2.* Ulloq 1. januar 2018-imi kommunini nutaani ikaarsaariarnermi ataatsimiititaliat kommunalbestyrelsitut atuutilissapput aammalu aprilimi 2021-imi kommunalbestyrelsinut qinersinissap tungaanut atuutissallutik.

*Imm. 3.* Qaasuitsup Kommuniani kommunalbestyrelsip piffissaq atuuffia ulloq 31. december 2017-p tungaanut sivitsorneqassaaq.

*Imm. 4.* Kommunit aqunneqarnerat pillugu Inatsisartut inatsisaat atuuttoq ikaarsaariarnermi ataatsimiititaliat ingerlatsineranni taamatutaaq atuutissaaq.

**§ 7.** Ikaarsaariarnermi ataatsimiititaliami ilaasortaq utoqqaanersaq inissititerluni ataatsimiinnissamut aggersaassaaq.

*Imm. 2.* Kommunalbestyrelsit nunaqarfinnilu aqutsisut pillugit Inatsisartut inatsisaanni kommunalbestyrelsit inissititertarnera pillugu aalajangersakkat atuuttut malillugit ikaarsaariarnermi ataatsimiititaliat inissititissapput. Kisiannili kingusinnerpaamik 1. juni 2017 inissititerluni ataatsimiittoqareersimassaaq.

*Imm. 3.* Ikaarsaariarnermi ataatsimiititaliat isumaqatigiinniarni ikaarsaariarnermi ataatsimiititaliani siulittaasut qinerneqarnissaasa tungaanut ilaasortamit ataatsimiinnissamut aggersaasumit aqunneqassapput.

**§ 8.** Kommunini nutaani taakkunani ikaarsaariarnermi ataatsimiititaliani siulittaasut borgmesteritut, siulittaasut tullii borgmesterip tulliatut siulittaasullu aappaat borgmesterip tulliaa aappaattut ingerlaqqissapput.

**§ 9.** Ikaarsaariarnermi ataatsimiititaliani ilaasortat kommunit aqunneqarnerat pillugu Inatsisartut inatsisaanni kommunalbestyrelsimi ilaasortat akissarsiaat pillugit aalajangersakkat atuuttut malillugit akissarsiaqartinneqassapput.

*Imm. 2.* Ikaarsaariarnermi ataatsimiititaliani siulittaasut, siulittaasut tullii aamma siulittaasut tulliiisa aappaat kommunit aqunneqarnerat pillugu Inatsisartut inatsisaanni borgmesterit, borgmesterit tulliiisa aamma borgmesterit tulliiisa appaasa akissarsiaat pillugit aalajangersakkat atuuttut malillugit akissarsiaqartinneqassapput.

#### **Kapitali 4**

*Ikaarsaariarnermi ataatsimiititaliat aningaasaqarnerat, missingersuutaat, naatsorsuutaat kukkundersuisarnerlu*

**§ 10.** Ikaarsaariarnermi ataatsimiititaliat ingerlatsineranni aningaasartuutit Qaasuitsup Kommunianit akilerneqassapput.

*Imm. 2.* Tapiissutinik naatsorsuisarneq aningaasartuuteqarnerlu pillugit Naalakkersuisut erseqqinnerusumik malittarisassiorsinnaapput.

*Imm. 3.* Qaasuitsup Kommuniani kommunalbestyrelsi ikaarsaariarnermi ataatsimiititalianut taakkununga marlunnut akiliisitsinani allaffissornikkut ikiorsiissaaq.

**§ 11.** Kukkundersuiisoq suliamik ilisimasaqartoq kina ikaarsaariarnermi ataatsimiititaliat 2017-imut naatsorsuutaannik kukkundersuiissanersoq ikaarsaariarnermi ataatsimiititaliat kingusinnerpaamik 1. august 2017 aalajangiissapput.

*Imm. 2.* Ikaarsaariarnermut ataatsimiititaliat 2017-imut naatsorsuutaat kommunimi nutaami kommunalbestyrelsimi aningaasaqarnermut ataatsimiititaliamut saqqummiutissavaat, taamaalilluni

ukiumoortumik naatsorsuutit kingusinnerpaamik 1. juni 2018 kukknersiuisumut tunniunneqarsinnaaniassammata.

**§ 12.** Ikaarsaariarnermi ataatsimiititaliat kommuninut nutaanut 2018-imut missingersuutit akuerissavaat.

*Imm. 2.* Ikaarsaariarnermi ataatsimiititaliat kommunit nutaat siunissami ingerlatsinissaasa annertussusissaat pillugu pingaarnertut politikkiussapput. Ikaarsaariarnermi ataatsimiititaliat kommunini nutaani akileraarutit annertussusissaat, akit sullissinerillu annertussusissaat aalajangersassavaat.

**§ 13.** Kommunitoqqami aningaasaqarnerup ineriartornera pillugu Qaasuitsup Kommuniiani kommunlabestyrelsip ikaarsaariarnermi ataatsimiititaliat ingerlaavartumik ilisimatittassavaat, tassunga ilanngullugit 2017-imi tapiliussatut aningaasaliissutit pillugit.

*Imm. 2.* Qaasuitsup Kommuniata 31. december 2017 tungaanut aningaasatigut aalajangiisarneri pillugit Naalakkersuisut erseqqinnerusumik malittarisassaliorsinnaapput.

*Imm. 3.* Maannamut Qaasuitsup Kommuniiani pisassarisat akiligassallu agguaannerat pillugit Naalakkersuisut malittarisassaliussapput.

**§ 14.** Kommunip isumaqatigiissusiai, atsiornikkut isumaqatigiissusiai, isumaqatigiissutai akiligassarilersinnaasaalu tamaasa Qaasuitsup Kommuniata ulloq 1. juli 2017 nallertinnagu misissussavai, taakkulu ikaarsaariarnermi ataatsimiititalianut marlunnut taakkununga saqqummiutissalugit. Agguaannissaat ikaarsaariarnermi ataatsimiititaliat tamassuma kingorna isummerfigissavaat.

*Imm. 2.* Pisussaaffiit pisinnaatitaaffillu aamma pisassarisat akiligassallu kommunit nutaat marluk Qaasuitsup Kommuniarit 1. januar 2018 tigussavaat.

*Ikaarsaariarnermi ataatsimiititaliat kommunalbestyrelsillu pisussaaffii pisinnaatitaaffiilu*

**§15.** Ikaarsaariarnermi ataatsimiititaliat pingaarnertut suliaasaat tassaavoq Qaasuitsup Kommuniata kommuninut marlunnut nutaanut aggorneqarnera piareersassallugu.

**§ 16.** Kommunit aqunneqarnerat pillugu Inatsisartut inatsisanni aalajangersakkat atuuttut malillugit kommunit nutaat aqutsinermut malittarisassat suleriaatsillu ikaarsaariarnermi ataatsimiititaliat suliarissavaat.

*Imm. 2.* Ikaarsaariarnermi ataatsimiititaliat kommunit aqunneqarnerat pillugu Inatsisartut inatsisaanni aalajangersakkat atuuttut malillugit aningaasaqarnermut ataatsimiititaliamik pilersitsissapput ataatsimiititaliamillu ataaniittumik pilersitsisinnaallutik.

**§ 17.** Ikaarsaariarnermi ataatsimiititaliap siulittaasuata ikaarsaariarnermi ataatsimiititaliap missingersuutinut siunnersuut suliarissavaa kingusinnerpaamillu 1. juli 2017 saqqummiutissallugu.

*Imm. 2.* Missingersuutitut siunnersuut ikaarsaariarnermi ataatsimiititaliap suliarissavaa akueralugulu kingusinnerpaamik 1. august 2017.

*Imm. 3.* Missingersuutitut akuerineqareernerisa kinguninngua missingersuutitut pillugit nassuiaat naatsoq ikaarsaariarnermi ataatsimiititaliap avammut saqqummiutissavaa.

**§ 18.** Ikaarsaariarnermi ataatsimiititaliat aalajangersakkat 1. januar 2018 -imiit atuutilersumi inatsimmi pisortat suliaassarfiinik kommunit nutaat nakkutiginnissinnaanerannik aalajangersakkat pisariaqartitat aalajangiiffigissavaat.

*Imm. 2.* Ikaarsaariarnermi ataatsimiititaliat kommunimik nutaap qanoq ateqarnissaanik sunillu ilisarnaateqarnissaanik kissaatigineqartut kingusinnerpaamik ulloq 1. august 2017 aalajangiiffigissavaat.

**§ 19.** Ingerlatsiviit siunissami sumi inissinneqassanersut ikaarsaariarnermi ataatsimiititaliat aalajangiiffigissavaat.

*Imm. 2.* Kommunimi nutaami allaffeqarfik ikaarsaariarnermi ataatsimiititaliat piareersassavaat allaffeqarfiullu pilersinneqarnissaanut allaffissornermi aqutsisut pisariaqartumik amerlassuseqartut atorfinitsissallugit.

*Imm. 3.* Sumi inissiinissaq allaffissornermilu aqutsisunik atorfinitsinissat kingusinnerpaamik 31. december 2017 aalajangiiffigineqareersimassapput.

## **Kapitali 5**

### *Sulisut*

**§ 20.** Tjenestemandit Qaasuitsup Kommuniatorfeqartut maannamut atugassaritineqartut assingi atorlugit kommunit nutaat marluusut arlaasa ataanni ataatsimi ulloq 1. januar 2018 atorfeqalissapput. Atorfinitsinissamik piginnaatinneqartoq tamassuma kingorna tassaassaaq kommunalbestyrelsi nutaaq atorfeqarfiusorlu tassaassalluni kommuni nutaaq.

*Imm. 2.* Sulisut isumaqatigiissutit naapertorlugit imalunniit inuit ataasiakkaarlugit immikkut atugassaritineqartuni atorfeqartut maannamut kommunerisimasami atugassaritineqartut assingi atorlugit suliaassatik suliarinnarlugit nuunnissamik neqeroorfigineqassapput.

## **Kapitali 6**

### *Qaasuitsup Kommuniatorfeqartut naatsorsuutitut saqqummiussineq*

**§ 21.** Qaasuitsup Kommuniatorfeqartut 2017-imut naatsorsuutitut, naatsorsuutitut saqqummiussisarneq pillugu kommunit aqunneqarnerat pillugu Inatsisartut inatsisaanni malittarisassat malillugit saqqummiunneqassapput.

*Imm. 2.* Naatsorsuutitut saqqummiussisarneq pillugu Naalakkersuisut erseqqinnerusumik malittarisassaliorsinnaapput.

## **Kapitali 7**

### *Aalajangersakkat allat*

§ 22. Ikaarsaariarnermi ataatsimiititaliat pisortat ingerlatsineranni inatsisit tamaasa iluanni suliagarput, tassunga ilanngullugit pisortat ingerlatsinerat pillugu Inatsisartut inatsisaat aamma pisortat ingerlatsineranni suliassat suliareneqartarnerat pillugu Inatsisartut inatsisaat.

§ 23. Ikaarsaariarnermi ataatsimiititaliat allagaatinik uppernarsaatinik Qaasuitsup Kommunianit atorfissaqartitsippata, allagaatillu uppernarsaatit pisortat ingerlatsinerat pillugu Inatsisartut inatsisaat aamma pisortat ingerlatsineranni suliassat suliareneqartarnerat pillugu Inatsisartut inatsisaat naapertorlugit suliffiup iluani atugassaappata, allagaatit uppernarsaatit ingerlateqqinneranni suliffiup iluani atugasaanerat atorunnaassanngilaq.

§ 24. Qaasuitsup Kommuniani borgmesteri kommunit aqunneqarnerat pillugu Inatsisartut inatsisaanni borgmesterit akissarsiaat pillugit aalajangersakkat atuuttut malillugit 1. maj 2017-imiit 31. december 2017-imut akissarsiaqassaaq.

*Inum. 2.* Qaasuitsup Kommuniani borgmesteri ikaarsaariarnermi ataatsimiititaliat arlaanni aamma qinigaaguni marloriaammik akissarsiaqassanngilaq.

*Imm. 3.* Borgmesteriujunnaartoq borgmesterit soraarnerussutisiaat pillugit nalunaarummi piffissaq pillugu piunasaqaammit tassunga peqatigitillugu immikkut akuerineqassaaq. Taamaallat borgmesteri kommunimi nutaami borgmesteritut ingerlaqqinngippat immikkut akuersisoqassaaq.

*Imm. 4.* Qaasuitsup Kommuniani kommunalbestyrelsimi ilaasortat kommunit aqunneqarnerat pillugu Inatsisartut inatsisaanni kommunalbestyrelsimi ilaasortat akissarsiaat pillugit aalajangersakkat atuuttut malillugit 1. maj 2017-imiit 31. december 2017-imut akissarsiaqassapput.

## **Kapitali 8** *Atuutilersitsineq*

§ 25. Inatsisartut inatsisaat ulloq 1. december 2016 atuutilersinneqarpoq.

*Namminersorlutik Oqartussat , ulloq xxx*

Kim Kielsen

## Inatsisissatut siunnersuummut nassuiaatit

### Nassuiaatit nalinginnaasut

#### 1. Aallaqqaasiineq

Maannakkut Qaasuitsup Kommunerisaani ulloq 25. marts 2014 innuttaasunik taasisitsinermi Qaasuitsup Kommuniata kommuninut nutaanut arlalinnit avinneqarnissaa qinersisartut amerlanerussuteqarlunnartut kissaatigaat. Kommunip avinneqarnerata kingunissai innuttaasunik taasisitsinnginnermi naammattumik nassuiarneqarnikuunngitsut Naalakkersuisut isumaqarmata, kommunip avinneqarnerani allaffissornikkut aningaasatigullu kingunissai nassuiarniarlugit siunnersortit nalunaarussiaat marluk tamatuma kingorna suliarineqarput.

Maannakkut kommuniusoq kommuninut marlunnut nutaanut namminersortunut avinneqassasoq Qaasuitsup Kommuniata kommunalbestyrelsi isumaqatigiittoq tamatuma kingorna Naalakkersuisunut innersuussuteqarpoq. Kommunalbestyrelsip aalajangiinera pillugu kommunip saaffiginnissutaa Naalakkersuisut ulloq 1. juli 2016 tiguaat.

Taamaammat kommunini nutaani taakkunani kommunalbestyrelsit sulinerminni pitsaanerpaanik atugaqarnissaat qulakkeerniarlugu, kommunini nutaani ikaarsaariarnermi ataatsimiititalianut qinersinissamat inissiternissamullu pisariaqartunik sinaakkusiiniarluni Inatsisartut inatsisissaattut siunnersuut Naalakkersuisut saqqummiuppaat.

Siunnersuut ikaarsaariarnermi ataatsimiititaliat sulineranni killiliinerit immikkuualuttut saniatigut aamma kommunip avinneqarnera pillugu aalajangersakkanik imaqassaaq.

Siunnersuutigineqarpoq kommunalbestyrelsinut, nunaqarfinni aqutsisunut ilagiillu sinniisaannut ulloq 4. april 2017 ileqquusumik qinersisoqassasoq. Tamatumanili Qaasuitsup Kommuniata kommunalbestyrelsimut qinersisoqassanngilaq, taassuma piffissaq atuuffiata ataaniittoq najoqqutaralugu sivitsorneqarnissaa siunnersuutigineqarpoq. Siunnersuutigineqarpoq Qaasuitsup Kommuniata tassunga taarsiullugu ikaarsaariarnermi ataatsimiititalianik marlunnik Qaasuitsup Kommuniata kommuninut marlunnut nutaanut namminersortunut avinneqarnissaanik periareersaasussanik qinersisoqassasoq. Tassunga taarsiullugu siunnersuutigineqarpoq Qaasuitsup Kommuniata kommuninut marlunnut nutaanut namminersortunut Qaasuitsup Kommuniata avinneqarnissaanik piareersaasussanik ikaarsaariarnermi ataatsimiititalianut marlunnut qinersisoqassasoq.

Qinersisarneq pillugu inatsit atuuttoq naapertorlugu qinersisoqassaaq.

Piffisami 1. maj 2017-imiit 31. december 2017-imut ikaarsaariarnermi Qaasuitsup Kommuniata marlunnik ikaarsaariarnermi ataatsimiititaliaqassaaq ataatsimillu kommunalbestyrelseqassalluni,

Naalackersuisullu taamaattumik siunnersuuteqarput, ikaarsaariarnermi ataatsimiititaliat marluk taakku kommunalbestyrelsilu atuuttoq kommuni sinnerlugu sunik iliuuseqartarnissaannut tunngatillugu inatsit pisariaqartoq ersarissumik aalajangersaaviusoq akuerineqassasoq.

## **2. Siunnersuummi immikkoortut pingaarnerit**

Kommunalbestyrelsinit avinneqanngitsunut pingasunut qinersineq aamma ilaagiit sinniisaannut nunaqarfinnilu aqutsisut sinniisaannut qinersineq peqatigalugu ikaarsaariarnermi ataatsimiititalianut ulloq 4. april 2017 qinersisoqassasoq siunnersuutigineqarpoq. Qinersinissat taakku pillugit aalajangersakkat annertunerusut siunnersuummi kapitalit aappaanni aalajangersarneqarput. Ikaarsaariarnermi ataatsimiititalianut Qaasuitsup Kommuniiani qinersisoqassaaq, tassani qinigassanngortitsineq, qinersinermit allattuivinnik qinersinermilu siulersuisunut akuersineq qinersinermit kisitsineq qinersisarneq pillugu inatsimmi aalajangersakkat atuuttut atorlugit killilersuisoqassaaq. Taamaalilluni siunertaavoq kommunalbestyrelsinit, nunaqarfinni aqutsisunut ilagiillu sinniisaannut qinersisarneq pillugu Inatsit ikaarsaariarnermi ataatsimiititalianut marlunmut taakkununga qinersinermit aamma atorineqassasoq. Qinigassanngortitsinermit, qinigassanngortitanik akuersinermit, qinersinerup ingerlanneqarnerani qinersinernillu kisitsinermit aamma qinigaasinnaanermik misissuinermit suleriaatsit aamma ikaarsaariarnermi ataatsimiititalianut qinersinermit atorineqassapput.

Maannakkut kommunalbestyrelsiusup piffissaq atuuffia 31. december 2017 tungaanut qaammatinik arfineq pingasunik sivitsorneqassaaq. Ikaarsaariarnermi ataatsimiititaliap piffissaq atuuffiat tassaassaaq 1. maj 2017-imiit 31. december 2017-imut. Ikaarsaariarnermi ataatsimiititaliat tamassuma kingorna kommunini nutaani taakkunani kommunalbestyrelsingussapput. Kommunini nutaani taakkunani kommunalbestyrelsinit ileqqusumik qinersineq siulleq aprilimi 2021-imi pissaaq.

### Ikaarsaariarnermi ataatsimiititaliat

Ikaarsaariarnermi ataatsimiititaliat kommunit nutaassat piareersarneqarneranni pingaaruteqartumik suliassaqassapput. Siunnersuummi kapitalit pingajuat ikaarsaariarnermi ataatsimiititaliat inissititernerit pillugit aalajangersakkanik kiisalu maannakkut kommunalbestyrelsiusunut tunngatillugu pisinnataaffinnik imaqqarpoq.

Ikaarsaariarnermi ataatsimiititaliat, soorlu taaguutaasa takutikkaa, Qaasuitsup Kommuniata inaarutaasumik avinneqarnissaata tungaanut piffissami ikaarsaariarfimmi atuutissapput.

Siunnersuutigineqarpoq ikaarsaariarnermi ataatsimiititaliat kommunit aqunneqarnerat pillugu Inatsisartut inatsisaanni aalajangersakkat naapertorlugit ataaniittut naapertorlugit pisariaqartunik naleqqussaalluni atuutissasut.



Taamatutaaq siunnersuutigineqarpoq pisortat ingerlatsinerat pillugu inatsit aamma pisortat ingerlatsineranni suliasat suliarineqartarnerat pillugu inatsit ikaarsaariarnermi ataatsimiititalianut atuutissasut, tak. ataaniittut.

Ikaarsaariarnermi ataatsimiititaliat kommunit aqunneqarnerat pillugu Inatsisartut inatsisaanni tamanna pillugu aalajangersakkat atuuttut malillugit inissititissapput. Siunnersuutigineqarpoq ikaarsaariarnermi ataatsimiititaliami ilaasortaq utoqqaaneq inissititerluni ataatsimiinnermut aggersaassasooq. Tamanna kommunit aqunneqarnerat pillugu Inatsisaanni inissititerarneq pillugu aalajangersakkanik saneqqutsineruvoq. Siunnersuutigineqarpoq inissititerinermi periaatsimi aqutsineq pillugu aalajangersakkat malinneqassasut, kisiannili inissititerluni ataatsimiinnernut kingusinnerpaamik ulloq 30. april 2017 aggersaasoqassasooq.

Ikaarsaariarnermi ataatsimiititaliat borgmesterinik, borgmesterit tulliinik borgmesterillu tulliisa appaannik qinersarneq pillugu aqutsineq pillugu inatsimmi aalajangersakkat malillugit siulittaasunik, siulittaasup tullianik siulittaasullu tulliata appaannik qinersissapput. Siunnersuutigineqarpoq ikaarsaariarnermi ataatsimiititaliat 1. januar 2018 avitserernerup kingorna kommunini nutaani kommunalbestyrelsinngussasut. Kommunini nutaani ikaarsaariarnermi siulittaasut borgmesteritut, siulittaasut tullii borgmesterip tulliatut siulittaasullu tulliisa appaat borgmesterip tulliaata appaatut ingerlaqqissapput. Siunnersuutigineqarpoq ikaarsaariarnermi ataatsimiititaliani ilaasortat kommunalbestyrelsit akissarsiaat pillugit aqutsineq pillugu aalajangersakkat malillugit akissarsiaqassasut. Taamatutaaq siunnersuutigineqarpoq siulittaasooq, siulittaasup tullia siulittaasullu tulliata appaa borgmesterit, borgmesterit tulliisa borgmesterillu tulliisa appaata akissarsiaat pillugit aalajangersakkat malillugit akissarsiaqassasut.

Ikaarsaariarnermi ataatsimiititaliani ilaasortat amerlassusaat kommuninut allanut sanilliullugu aalajangerneqarput, kommunimilu 1-imi ilaasortat 17-iussapput kommunimilu 2-mi ilaasortat 15-iussallutik. Amerlassusaat kommunini nutaani innuttaasut amerlassusaat tunngavigalugit missingiilluni aalajangerneqarput. Siunnersuutigineqarpoq ikaarsaariarnermi ataatsimiititaliat pingaarnertut suliasarissagaat Qaasuitsup Kommuniata avinneqarnissaata piareersarnissaa kommunillu marluk nutaat taakku pilersinnissaasa ingerlanneqarnissaasalu aqquissuunnerat. Kommunit marluk nutaat taakku taamaalillutik kommunit oqartussaannermi akissussaaneq 1. januar 2008-miit aarlerinangitsunik ingerlassinnaassavaat.

Taamaattumik siunnersuutigineqarpoq ikaarsaariarnermi ataatsimiititaliat siulliit ilaatut aningaasaqarnermut ataatsimiititalianik ataatsimiititalianillu pisariaqartunik allanik pilersitsissasut. Kommunit aqunneqarnerat pillugu Inatsisartut inatsisaanni aalajangersakkat tassani taamatutaaq atuutissapput. Aammattaaq ikaarsaariarnermi ataatsimiititaliat kommunini nutaani taakkunani aqutsinerneq malitassanik suleriaasinillu aalajangersaassapput.

Siunnersuutigineqarpoq ikaarsaariarnermi ataatsimiititaliap siulittaasuata missingersuutitut siunnersuut suliarissagaa ikaarsaariarnermullu Ataatsimiititaliamut kingusinnerpaamik 1. juli 2017 saqqummiutissagaa, taannalu kingusinnerpaamik ulloq 1. august 2017 akuerineqareersimassaaq. Kukkunersiuisup suliamik ilisimasaqartup kiap ikaarsaariarnermut ataatsimiititaliap 2017-imut naatsorsuutai kukkunersiussanerai ikaarsaariarnermi ataatsimiititaliap kingusinnerpaamik 1. august 2017 aalajangissavaa.

Siunnersuutigineqarpoq ikaarsaariarnermi ataatsimiititaliat 2017-imut naatsorsuutaat naatsorsuutit kingusinnerpaammik 1. juni 2018 kukkunersiuisumut tunniunneqartussanngorlugit kommunini nutaani ataasiakkaani pineqartuni aningaasaqarnermut ataatsimiititaliap kommunalbestyrelsimut saqqummiutissagai.

Naggasiullugu siunnersuutigineqarpoq Qaasuitsup Kommuniata ikaarsaariarnermi ataatsimiititaliat akiliisitsinani allaffissormikkut ikiussagai.

#### Pisussaaffiit/piginnaatitaaffiit

Ikaarsaariarnermi ataatsimiititaliat pisussaaffii pininnaatitaaffiilu siunnersuummi kapitalit sisamaanni killersorneqarput.

Ikaarsaariarnermi ataatsimiititaliat kommunit nutaat aqqi illoqarfiillu ilisarnaataat kingusinnerpaamik 1. august 2017 isummerfigissavaat. Kommunit aggornerat pillugu Inatsisartut inatsissaata nutaap Inatsisartut 2017-i mi ukiakkut ataatsimiinneranni suliarineqarnissaa eqqarsaatigalugu taamatut sukkasuumik aalajangertoqarnissaa pingaaruteqarpoq. Aammattaq ingerlatsiviit siunissami sumut inissinneqarnissaannik aalajangiissapput. Ingerlatsiviit sumiiffimmi ataatsimi pinngitsooratik inissinneqartariaqanngillat, kommuninili nutaani illoqarfinnut agguanneqarsinnaallutik, ikaarsaariarnermilu ataatsimiititaliat kommunimi nutaami allaffeqarfik piareersassavaat, allaffissornermilu aqutsisunik allaffeqarfimmik pilersitsisussanik pisariaqartumik amerlassusilinnik atorfinitsitsissallutik. Ilimagineqarpoq suliaq tamanna kommunit avinneqarnerat 1. januar 2018 piviusunngortinneqartinnagu naammasseriissasoq.

Ikaarsaariarneermi ataatsimiititaliat kommuni marlunni nutaani pineqartuni 2018-imut missingersuutit akuersissutigissavaat. Kommunit aqunneqarnerat pillugu inatsimmi missingersuusiortarneq pillugu aalajangersakkat taamatuttaaq atuutissapput.

Kommunini nutaani siunissami ingerlatassat annertussusissaat pillugu politikkit pingaernerit ikaarsaariarnermi ataatsimiititaliat piffissami piareersarfiusumi 1. januar 2018-ilu nallertinnagu akuerissavaat.

Taamaalilluni siunertaavoq Qaasuitsup Kommuniani kommunalbestyrelsip taamaallaat 1. maj 2017 kingorna ingerlatsinermit iliuuserineqartartut ingerlatissagai, ikaarsaariarnermilu ataatsimiititaliat 1. januar 2018 kingorna kinguneqartussanik iliuuseqarnissamut pisinnaatitaaffeqassasut. Siunissami ingerlatassat tamaasa ikaarsaariarnermut ataatsimiititaliat aalajangersassavaat akuerlugilluunniit. Aammattaaq Qaasuitsup Kommuniani piffissami 1. majimiit 31. decemberip 2017 tungaanut atorfinnut inuttaleeqqinniarnert atorfinnillu nutaanik inuttaliiniarnert ikaarsaariarnermi ataatsimiititaliat siumut akuerereersimassavaat. Aammattaaq ikaarsaariarnermi ataatsimiititaliat Qaasuitsup Kommuniata akuersissuteqareerneratigut 2017-imut missingersuutini aningaasaliissutit akuerineqareersut ikilisinneqarnissaannut pisinnaatitaaffeqassapput. Qaasuitsup Kommuniani kommunalbestyrelsip aningaasatigut iliuutsit tamaasa pillugit ikaarsaariarnermi ataatsimiititaliat ingerlaavartumik ilisimatittassavaat, tassunga ilanngullugit 2017-imut tapiliussatut aningaasaliissutit kiisalu isumaqatigiissusiat, isumaqatigiissutit akiligassaalersinnaasullu, taamaalilluni ikaarsaariarnermi ataatsimiititaliat kommunit nutaat aningaasaqarnerannik sukkasuumik tamakkiisumik paasisaqarsinnaaniassamata.

Taamaammat siunnersuutigineqarpoq Qaasuitsup Kommuniata siusinnerusukkut pisussaaffigisimasai pisinnaatitaaffigisimasaalu kiisalu pigisimasai akiligassarisimasaalu tamaasa kommunit nutaanut 1. januar 2018-imi nuunneqassasut.

Qaasuitsup Kommuniani pigisanik akiligassanillu naatsorsuinermit kommunillu marluk nutaat taakku akornanni taakkuninnaq agguassinermit ersarissunik sinaakkuteqarnissaq qulakkeerniarlugu Naalakkersuisut tamanna pillugu nalunaarusiornikkut annertunerusunik malittarisassiussasut siunnersuutigineqarpoq.

### Sulisut

Sulisut aqqissuussaanerup allannagortinneqarneranik ingerlaannaq kalluarneqartussat atorfeqarnermi atugaat siunnersuutip kapitalit tallimaanni killilersorneqarput. Sulisut suliassat aallaaviusumik nooqatigissavaat.

Aalajangersarneqarpoq tjenestemandit atorfeqarnermi maannamut atugassaritinneqartut assigisaat atorlugit kommunini nutaani atorfinitsinneqassasut.

Sulisut isumaqatigiissutit naapertorlugit immikkulluunniit atugassaritinneqarluni atorfeqartut maannamut kommunerisimasami atugassaritinneqartut assingi atorlugit suliassatik suliariinnarlugit nuunnissamik neqeroorfigineqassapput.

Nuunnissaq imatut siusitsigisukkut nalunaarutigineqassaaq, sulisut soraarniuteqarnissamik nalunaaruteqarnissamut piffissaritinneqartut nalinginnaasut atorlugit nuunnginnermi soraarniuteqarnissamut periarfissaqartillugit.

### Naatsorsuutiniq tunniussisarneq

Kommunit nutaat aanma ikaarsaariarnermi ataatsimiititaliat kiisalu Qaasuitsup Kommuniata naatsorsuutininik tunniussisarnerat kukkunersiuisarnerlu pillugit aalajangersakkat kapitalit arfernganni aalajangersarneqarput. Missingersuusiortarneq naatsorsuutinillu tunniussisarneq pillugit kommunit aqunneqarnerat pillugu Inatsisartut inatsisaanni aalajangersakkat taamatutaaq ikaarsaariarnermi ataatsimiititalianut atuupput.

Qaasuitsup Kommuniata 2017-imut naatsorsuutaani kommunini marlunni nutaani taakkunani aningaasaqarnermut ataatsimiititalianut saqqummiunneqassaput. Suliffeqarfik kukkunersiuisartoq Qaasuitsup Kommunianit toqqarsimasaa kukkunersiuisuussaaq.

### Aalajangersakkat allat

Naatsorsuutigineqarpoq pisortat ingerlatsineranni suliassat suliarineqartarnerat pillugu inatsit aamma pisortat ingerlatsinerat pillugu inatsit ikaarsaariarnermi ataatsimiititaliat sulineranni atuutissasut. Ikaarsaariarnermi ataatsimiititaliat allagaatinik uppersaatinik Qaasuitsup Kommunianit atorfissaqartitsippata, allagaatillu uppersaatiit pisortat ingerlatsinerat pillugu Inatsisartut inatsisaat aamma pisortat ingerlatsineranni suliassat suliarineqartarnerat pillugu Inatsisartut inatsisaat naapertorlugit suliffiup iluani atugassaappata, allagaatit uppersaatiit ingerlateqqinneranni suliffiup iluani atugassaanerat atorunnaassanngilaq.

Siunnersuutigineqarpoq Qaasuitsup Kommuniani borgmesteriujunnaartussat kommunit aqunneqarnerat pillugu Inatsisartut inatsisaanni tamanna pillugu aalajangersakkat atuuttut malillugit piffissami 1. maj 2017 – 31. december 2017 akissarsiaqartinneqassasut. Tassunga peqatigitillugu borgmesteriujunnaartussat soraarnerussutisianik katersinnginnermut immikkut akuerineqassapput, taamaalillutik tamanna pillugu aalajangersakkat atuuttut naapertorlugit borgmesterit soraarnerussutisiaannik pissarsisoqarsinnaassalluni.

Taamatutaaq siunnersuutigineqarpoq Qaasuitsup Kommuniani kommunalbestyrelsimut ilaasortat piffissami tassani akissarsiaqassasut.

### **3. Pisortanut aningaasatigut allaffissornikkullu kingunissai**

Siunnersuutigineqarpoq Qaasuitsup Kommuniata avinneqarnerani aningaasartuutit tamarmik Qaasuitsup Kommunianit namminermit akilerneqassasut. Taamaalilluni siunertaq aningaasartuutit kommunip avinneqarneranut atasut nunap karsianut kommuninulluunniit allanut pingasunut sunniuteqassanngillat. Qaasuitsup Kommuniata avinneqarnissaa kommunip nammineq kissaatigimmagu tamatumunnga pissutaavoq.

Nalilerneqarpoq kommunit marluk nutaat taakku pilersinneqarneranni minnerpaamik 15,8 mio. kr.-nik ataasiarluni aningaasartuuteqarnikkut aningaasartuuteqarnerusoqassasoq kiisalu kommunit nutaat ingerlanneqarnerat ukiumut minnerpaamik 9,4 mio kr.-nik aningaasatuutaanerusassasoq.

Aningaasat taakku ilaatigut tassaapput politikikkut allaffissornikkullu aqutsinermut allaffeqarfimmullu aningaasartuutit.

#### **4. Inuussutissarsiutinut aningaasatigut allaffissornikkullu kingunissai**

Innuttaasunut kingunissai assigalugit ilimagineqarpoq suliffeqarfiit pisuni arlalinni kommuninut qaninnerulisassasut. Suliffeqarfiit tassunga peqatigitillugu pisuni arlalinni kommunini arlalini pissutsit isummerfigisassavaat.

#### **5. Pinngortitamut, avatngiisinut innuttaasullu peqqissusiannut kingunissai**

Siunnersuut avatangiisinut pinngortitamullu kinguneqassanngilaq innuttaasulluunniit peqqissusiannut kinguneqassanani.

#### **6. Innuttaasunut kingunissai**

Ilimagineqartariaqarpoq siunnersuut inuit ataasiakkaat sunniuteqarsinnaanerannut pitsaasumik sunniuteqassasoq. Pisuni arlalinni ilimagineqartariaqarpoq sumiiffinni allaffeqarfiit innuttaasunut ataasikkaanut aamma qaninnerulissasut. Ilimagineqartariaqarporli sunniutaa killeqassasoq, tassa ilimagineqartariaqarmat allaffeqarfiup annertunersaa isumalluutit pissutigalugit illoqarfimmi ataatsimi inissinneqassasoq.

#### **7. Kingunissai allanut pingaaruteqartoq**

Siunnersuut pingaaruteqartunik allanik kinguneqassanngilaq.

#### **8. Pisortanut kattuffinnullu il.il. tusarniaaneq**

Kommunit sisamat taakku, KANUKOKA, KANUNUPE, Kommunernes revision BDO, Deloitte, GE, SIK, AK, PIP, DJØF, IMAK, ASG, Aningaasaqarnermut Naalackersuisoqarfik, Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfik, Aningaasaqarnermut Sulisoqarnermullu Aqutsisoqarfik aamma Kalaallit Nunaanni Biskoppi

### **Siunnersuummi aalajangersakkanut ataasiakkaanut nassuiaatit**

#### *§ 1-imut*

Siunnersuutigineqarpoq Kalaallit Nunaat 1. januar 2018-imi atuutilersumik kommuninut tallimanut aggorneqassasoq. Siunnersuutigineqarpoq maannakkut Qaasuitsup Kommuniusoq kommuninut marlunnut namminesortunut avinneqassasoq. Kommunit pingasut sinneri allangussanngillat.

Inm. 2-mut

Kommunimi 1-imi ilaasapput siusinnerusukkut Qaanaap Kommuniunikoq, Kommeqarfik Upernaviunikoq, Ummannap Kommuniunikoq aamma Ilulissat Kommuniunikoq.

### Imm. 3-mut

Kommunimi 2-mi ilaassapput siusinnerusukkut Qeqertarsuup Kommuniunikoq, Qasigiannugit Kommuniunikoq, Aasiaat Kommuniunikoq aamma Kangaatsiap Kommuniunikoq.

### Imm. 4 – 6-imut

Kommunit sinneri allat allanngussanngillat.

### *§ 2-mut*

Kommunalbestyrelsimut qinersineq kiisalu Qaasuitsup Kommuniani ikaarsaariarnermi ataatsimiititalianut marlunnut qinersineq malittarisassiorneqarput.

### Imm. 1-imut

Siunnersuutigineqarpoq ulloq 4. april 2017 ullormi ileqquusunik qinersivimmi kommunalbestyrelsinut qinersisoqassasoq. Kisiannili Qaasuitsup Kommuniani kommunalbestyrelsimut qinersisoqassanngilaq. Tassunga taarsiullugu ikaarsaariarnermi ataatsimiititalianut marlunnut qinersisoqassaaq.

### Imm. 2-mut

Siunnersuutigineqarpoq ulloq 4. april 2017 Qaasuitsup Kommuniani ikaarsaariarnermi ataatsimiititalianut qinersisoqassasoq. Qinersinerit kommunalbestyrelsinut, nunaqarfinni aqutsisunut ilagiillu sinniisaannut qinersisarneq pillugu Inatsisartut inatsisaanni tamanna pillugu aalajangersakkat atuuttut naapertorlugit piareersarneqassapput, ingerlanneqassapput kisitsisoqassallunilu. Ikaarsaariarnermi ataatsimiititalianut qinersineq pillugu inatsisip allap atorneqarnera eqqarsaatigalugu nassuiaatit nalinginnaasut innersuussutigineqarput.

### *§ 3-mut*

### Imm. 1-imut

Kommunini ataasiakkaani kommunalbestyrelsinut kiisalu ikaarsaariarnermi ataatsimiititalianut marlunnut taakkununga ilaasortat amerlassusaat aalajangersakkami aalajangersarneqarput. Aalajangersakkami taamaalilluni aalajangersarneqarpoq kommuni 1-imi aamma kommuni 2-mi ikaarsaariarnermi ataatsimiliani ilaasortat 17-iussasut 15-iullutillu. Ikaarsaariarnermi ataatsimiititaliat kommunini nutaani taakkunani 1. januar 2018 kingorna kommunalbestyrelsiussapput nutaat.

Ikaarsaariarnermi ataatsimiititalianut ilaasortat amerlassusaat kommunini nutaani taakkunani innuttaasut amerlassusaat tunngavigalugit missingiilluni aalajangerneqarput  
Kommunini 3-5 ilaasortat amerlassusaat tamanna pillugu malittarisassat atuuttut naapertorlugit kommunalbestyrelsit ataasiakkaat kommunalbestyrelsini ilaasortat amerlassusissaattut aalajangigaat tunngavigalugit aalajangerneqarput.

#### Imm. 2-mut

Siunnersuutigineqarpoq kommunalbestyrelsit nutaat tamanna pillugu malittarisassat atuuttut naapertorlugit kommunalbestyrelsimi ilaasortat amerlassusaasa allangortinnissaat tulliani qinersinissaq sioqqullugu aalajangiisinnaasut.

#### § 4-mut

Aalajangersakkami aalajangersarneqarpoq tamanna pillugu aalajangersakkat atuuttut naapertorlugit nunaqarfinni aqutsisunut qinersisoqassasoq. Ulloq 4. april 2017 kommunalbestyrelsinut ileqquusumik qinersineq peqatigalugu qinersisoqassaaq. Aammattaaq kommunalbestyrelsinut, nunaqarfinni aqutsisunut ilagiillu sinniisaannut qinersisarneq pillugu Inatsisartut inatsisaanni aalajangersakkat atuuttut atuupput.

#### § 5-imut

Aalajangersakkami aalajangersarneqarpoq tamanna pillugu aalajangersakkat atuuttut naapertorlugit ilagiit sinnissaannut qinersisoqassasoq.

Siunnersuutigineqarpoq pissutsit pissutigalugit kommunalbestyrelsinut qinersineq peqatigalugu qinersisoqassasoq.

#### § 6-imut

Ikaarsaariarnermi ataatsimiititaliat piffissaq atuuffissaat aamma inissititernerat aalajangersakkami malittarisassiorneqarput. Kommunit aqunneqarnerat pillugu Inatsisartut inatsisaanni aalajangersakkat ikaarsaariarnermi ataatsimiititaliat sulineranni atorneqarnissaat eqqarsaatigalugu oqaaseqaatit nalinginnaasut innersuussutigineqarput.

#### Imm. 1-imut

Siunnersuutigineqarpoq kommunissani marlunni nutaani kommunalbestyrelsit piffissami 1. maj 2017-imiit 31. december 2017-imut tassaassasut ikaarsaariarnermi ataatsimiititaliat marluk.

#### Imm. 2-mut

Siunnersuutigineqarpoq ikaarsaariarnermi ataatsimiititaliat kommuni nutaani taakkunani ulloq 1. januar 2018 kommunalbestyrelsinngussasut aammalu aprilimi 2021-mi kommunalbestyrelsinut qinersinissap tulliup tungaanut atuutissasut.

#### Imm. 3-mut

Siunnersuutigineqarpoq Qaasuitsup Kommuniani maannakkut kommunalbestyrelsiusup piffissaq atuuffia 31. december 2017 tungaanut sivitsorneqassasoq.

#### Imm. 4-mut

Siunnersuutigineqarpoq kommunit aqunneqarnerat pillugu Inatsisartut inatsisaat atuuttoq ikaarsaariarnermi ataatsimiititaliat atuunneranni atuutissasoq. Tamanna pillugu itisiliineq pillugu nassuiaatinut nalinginnaasunut innersuussisoqarpoq.

#### *§ 7-imut*

##### Imm. 1-imut

Siunnersuutigineqarpoq ikaarsaariarnermi ataatsimiititaliami ilaasortaq utoqqaanersaq inissititerilluni ataatsimiinnissamut aggersaassasoq taamaalillunilu ataatsimiinneq sumi ingerlanneqassanersoq aamma aalajangiissasoq.

Kommunit aqunneqarnerat pillugu Inatsisartut inatsisaanni tassunga atatillugu kommunalbestyrelsimi sivisunerpaamik ilaasortaasimasoq pisinnaatinneqarpoq. Kisiannii ikaarsaariarnermi ataatsimiititaliat inissititernerannut atatillugu aalajangersagaq taanna atorneqarsinnaanngilaq. Ikaarsaariarnermi ataatsimiititaliaqarnermik aaqquussineq nutaajuvoq, ilaasortallu tamarmik taamaammat siullermeerlutik qinigaassallutik.

##### Imm. 2-mut

Ikaarsaariarnermi ataatsimiititaliat kommunalbestyrelsit nutaat assigalugit inissititissapput, takujulli imm. 1, aamma kommunit aqunneqarnerat pillugu Inatsisartut inatsisaanni aalajangersakkat taamatulli atuupput. Ikaarsaariarnermi ataatsimiititaliat kingusinnerpaamik 1. juni 2017 inissititereersimassapput.

##### Imm. 3-mut

Siunnersuutigineqarpoq ikaarsaariarnermut ataatsimut inissititernissaasa tungaanut isumaqatigiinniarnert ilaasortamit inissititerluni ataatsimiinnermut aggersaasumit aqunneqassasut. Tassa ilaasortamit utoqqaanersamit, tak. imm. 1.

#### *§ 8-mut*

Aalajangersakkami aalajangersarneqarpoq ikaarsaariarnermi ataatsimiititaliani siulittaasut 1. januar 2018 kingorna borgmesteritut, siulittaasut tullii borgmesterip tulliatut siulittaasullu aappaat borgmesterip tulliaa aappaattut ingerlaqqissasut. Taamaammat taakku kommunit aqunneqarnerat pillugu Inatsisartut inatsisaanni tamanna pillugu aalajangersakkat naapertorlugit qinerneqassapput. Ikaarsaariarnermi ataatsimiititaliat ingerlatsineranni inatsisit allat atorneqarneqarnerannik itisiliineq pillugu nassuiaatit nalinginnaasut innersuussutigineqarput.

#### *§ 9-mut*

##### Imm. 1-imut

Siunnersuutigineqarpoq ikaarsaariarnermi ataatsimiititaliani ilaasortat kommunit aqunneqarnerat pillugu Inatsisaanni kommunalbestyrelsinu ilaasortat akissarsiaat pillugit aalajangersakkat assingi malillugit akissarsiaqassasut. Ikaarsaariarnermi ataatsimiititaliani ilaasortat 1. januar 2018-imiit



kommunalbestyrelsimi ilaasortannortussaannerat tamassumunnga pissutaavoq. Inatut pisoqartillugu ikaarsaariarnermi ataatsimiititaliamut ilaasortaq aammalu kommunalbestyrelsimut ilaasortaalluni ilaasortaq taakkuninnga marluusunit nalinginnaasumik aningaasarsisassaaq. Tassani innersuussutigineqassaaq UKA 2007/30-mut isumaliutissiissummut tunngavigitinneqartut.

Imm. 2-mut

Siunnersuutigineqarpoq siulittaasut, siulittaasut tullii aamma siulittaasut tulliiisa aappaat kommunit aqunneqarnerat pillugu Inatsisartut inatsisaanni borgmesterit, borgmesterit tulliiisa aamma borgmesterit tulliiisa appaasa akissarsiaat pillugit aalajangersakkat atuuttut malillugit akissarsiaqassasut. Taakku 1. januar 2018-imiit borgmesterinngortussaannerat, borgmesterip tullinngortussaannerat borgmesterillu tulliiata aappanngortussaannerat tamassumunnga aamma pissutaavoq.

#### *§ 10-mut*

Aalajangersakkami ikaarsaariarnermi ataatsimiititaliap ingerlatsinermi aningaasartuutaat malittarisassiorneqarput.

Siunnersuutigineqarpoq ikaarsaariarnermi ataatsimiititaliat ataasiakkaat ingerlatsinermi aningaasartuutaat Qaasuitsup Kommunianit akilerneqassasut. Ingerlatsinermit aningaasartuutit tassaasinnaapput ataatsimiinnernut aningaasartuutit, angalanermut aningaasartuutit, kommunit nutaat pilersinnerannut atatillugu siunnersortit avataaneersut ikiuunnerannut aningaasartuutit il.il. Tassunga atatillugu aamma siunnersuutigineqarpoq ikaarsaariarnermi ataatsimiititaliat aningaasartuutaasa akilerneqartarnerat pillugu Naalackersuisut nalunaarusiornikkut annertunerusunik malittarisassaliorsinnaasut.

Ikaarsaariarnermi ataatsimiititaliat ataasiakkaat piffissami ikaarsaariarfiusumi allaffissornikkut pisariaqartumik ikiorneqarnissaat qulakkeerniarlugu siunnersuutigineqarpoq Qaasuitsup Kommunia ikaarsaariarnermi ataatsimiititalianut ataasiakkaanut akiliisitsinani allaffissornikkut ikiuissasoq. Kommunip avinneqarnissaata piareersarneranut atatillugu allaffissornikkut ikiorneqarnissamik qanoq annertutigisumik pisariaqartitsisoqarnerasoq ikaarsaariarnermi ataatsimiititaliat namminneq Qaasuitsup Kommuniani maannakkut kommunalbestyrelsiusoq isumasioqatigalugu nalilersussavaat.

#### *§ 11-mut*

Imm. 1-imut

Suliffeqarfiup kukkunerisuisartup suliamik ilisimasaqartup sorliup ikaarsaariarnermi ataatsimiititaliap 2017-imut naatsorsuutit kukkunerisussanerai ikaarsaariarnermi ataatsimiititaliap kingusinnerpaamik 1. august 2017 aalajangissavaa.

Kommunit aqunneqarnerat pillugu Inatsisartut inatsisaanni aalajangersakkat naapertorlugit naatsorsuutit kukkunerisiorneqassapput.

Imm. 2-mut

Kommunini nutaani aningaasaqarnermut ataatsimiititaliaq naatsorsuutiniq kommunalbestyrelsimut saqqummiissaaq. Naatsorsuutit suliffeqarfimmut kukkunersuisartumut toqqarneqartumut kingusinnerpaamik 1. juni 2018 tunniunneqartussanngorlugit saqqummiunneqassapput.

#### *§ 12-imut*

Siunnersuutigineqarpoq ikaarsaariarnermi ataatsimiititaliat kommuniminni nutaami 2018-imiit atuuttussamik missingersuutiniq siullernik suliaqassasut. Kommunit missingersuutaasa suliarineqartarnerat pillugu kommunit aqunneqarnerat pillugu Inatsisartut inatsisaanni aalajangersakkat ikaarsaariarnermi ataatsimiititalianut taamatuttaaq atuutissapput.

Kommunit aqunneqarnerat pillugu inatsit, missingersuusiortarneq pillugu nalunaarutit ilanngullugit, ikaarsaariarnermi ataatsimiititalianut taamatuttaaq atuutissapput.

Imm. 2-mut

Ingerlatsiviit tamaasa ikaarsaariarnermi ataatsimiititaliat nalilersussavaat, nalilersuinerlu taanna aallaavigalugu kommunit nutaat ingerlatsinissaasa qaffasissusissaa pillugu siunissami pingaarnertut politikissannik suliaqassallutik.

Ikaarsaariarnermi ataatsimiititaliat nalilersuineq aallaavigalugu missingersuusiortarnermut atatillugu kommunimi nutaami akileraarutit annertussusissaannik sullissillutillu akiinik aalajangiissapput.

#### *§ 13-imut*

Qaasuitsup Kommuniata piffissami ikaarsaariarfimmi aningaasatigut iliusaanut sinaakkutit aalajangersakkami aalajangersarneqarput.

Siunnersuutigineqarpoq kommunimi aningaasaqarnerup ineriartornera pillugu, tassunga ilanngullugu 2017-imi tapiliussatut aningaasaliissutit pillugit, ikaarsaariarnermi ataatsimiititaliat ingerlaavartumik ilisimatinneqartarnissaannik Qaasuitsup Kommuniani kommunalbestyrelsi peqquneqassasoq.

Imm. 2-mut

Kommunit nutaat taakku pitsaanerpaanik aallaaveqarnissaat qulakkeerniarlugu, piffissami kattuffiusumi Qaasuitsup Kommuniata piffissami ikaarsaariarfimmi pisariaqanngitsumik immikkut aningaasaateqalersinnginnissaa pingaaruteqarpoq. Taamaammat ikaarsaariarnermi ataatsimiititaliat kommunip 2017-imut missingersuutigeqqaarsimasaasa aningaasaliissutissat akuersissutigineqareersut nalilersuereernikkut Qaasuitsup Kommuniata akuersereerneratigut ikilisinnissaannut periarfissaqarput.

Imm. 3-mut

Piffissami ikaarsaariarfimmi aningaasatigut iliuutsit pillugit annertunerusunik aalajangersaanissamut Naalakkersuisut aalajangersakkami pisinnaatinneqarput. Ilimagineqarpoq pisinnaatitsineq taanna piffissami ikaarsaariarfimmi kommunit kattunneqartut aningaasaqarnerisa immikkuualuttunngorlugu killilersorneratigut piviusunngortinneqassasut aammalu kommunimut nutaamut tunngatillugu kommunini kattuttuni kommunalbestyrelsit naleqqutinngitsumik aningaasatigut iliuuseqariataarsinnaanerit pinngitsoortinneqassalluni. Aammattaaq maannamut Qaasuitsup Kommuniiani pigisat akiitsullu agguaannerat pillugu annertunerusunik malittarisassiornissamut aalajangersakkami pisinnaatitsisoqarpoq.

Taamaammatt siunnersuutigineqarpoq Qaasuitsup Kommuniata piffissami aningaasatigut iliuusai pillugit annertunerusunik malittarisassiornissamut Naalakkersuisut pisinnaatinneqassasut. Tassunga ilanngullugit aningaasartuuteqartarneq kiisalu aningaasatigut pisussaaffeqalertarneq pillugit malittarisassat.

Aammalu siunnersuutigineqarpoq pigisanik akiitsunillu naatsorsuineq kiisalu Qaasuitsup Kommuniiani pigisat akiitsullu kommuninut marlunnut nutaanut taakkununnga agguaanneqarnerat pillugu Naalakkersuisut annertunerusunik malittarisassiornissamut. Pigisat akiitsullu assigiimmik agguaanniarnaqarput, taamaalilluni kommunit nutaat aappaa pilliutigalugu aappaa iluaquserneqassanani. Kiisalu Naalakkersuisut aaqqiagiinnginnernut aaqqiissutissat pillugit aalajangersakkanik aalajangersaasinnaassaapput.

#### *§ 14-imut*

Imm. 1-imut

Siunnersuutigineqarpoq Qaasuitsup Kommunia kommunip isumaqatigiissutai pisussaaffigilersinnaasaalu tamaasa 1. juni 2017 nallertinnagu misissornissaannik taakkulu ikaarsaariarnermi ataatsimiititalianut saqqummiunnissaannut pisussaaffilerneqassasoq.

Qaasuitsup Kommuniata isumaqatigiissutai isumaqatigiissusiaalu pisinnatitaaffiit pisussaaffiillu ilanngullugit kommuninut nutaanit tiguneqassapput, tak. imm. 2.

Qaasuitsup Kommuniata avinneqarmissaata piareersarneranut atatillugu isumaqatigiissutinik isumaqatigiissusianillu atorunnaarsitsinerup allannguinerulluunniit kommuninut nutaanut 1. januar 2018-imiit kingusinnerusumilluunniit atuutilersinnaanera siunertaralugu, isumaqatigiissutit isumaqatigiissusiallu atorunnaarsinnissaannik allanngortinnissaannilluunniit pisariaqartitsineq paasinarsisinnaavoq.

Allannguneq atorunnaarsitsinerluunniit pillugit taamatut aalajangiisinnaanermut ikaarsaariarnermi ataatsimiititaliat aalajangersakkami periarfissinneqarput. Atorunnaarsitsinissanut allannguinissalluunniit 1. januar 2018 tikitsinnagu ikaarsaariarnermi ataatsimiititaliat isummernissaat pingaaruteqarpoq, taamaanngippat isumaqatigiissutini isumaqatigiissusianiluunniit piumasqaatit isumaqatigiissutigineqaaqqaarsimasut kommunimut nutaamut atuutissammata.

Imm. 2-mut

Kommunini nutaani kommunalbestyrelsit kattunnemi peqataasut pisinnatitaaffiiniq pisussaaffiinillu ulloq 1. januar 2018 pisinnataaffeqalissasut pisussaaffeqalissasullu kommunillu nutaat ullormit tassangaannit pigisaat akisussaaffiilu komminiusimasut tigussagaat aalajangersakkami aalajangersarneqarpoq. Aalajangersakkami ilaapput piffissami kommunit nutaat pilersinneqarneranni kommunini kattuttuni kommunalbestyrelsit pisinnaatitaaffii pisussaaffiilu tamarmik, aalajangersakkamilu aamma ilaapput kommunit pigisaat akiligassaallu tamarmik. Kommunit illunik pigisanillu allanik komminiusimasut maannamut pigisaannik piginnittuulernerannik aalajangersagaq ilaatigut kinguneqarpoq, kommunillu nutaat taarsigassarsianut akiligassanillu tunngatillugu akiitsortuulerput, tassunga ilanngullugit kommunioqqaajusimasuni kommunalbestyrelsit qularnaveeqqusiinermi pisussaaffii. Aalajangersagaq taamaalilluni kinguneqarpoq kommunit akiligassaqarfiisa akiitsortuusut nikinneri pissutigiiinnarlugu akiligassat pineqartut ingerlaannaq akilersinniarsinnaanngikkaat.

Aalajangersakkami aamma ilaatigut ilaapput kommunit taaneqartut aningaasat innuttaasunit, suliffeqarfinnit pisortallu oqartussaasunit allanit pisassaat kiisalu innuttaasut, suliffeqarfiit pisortallu oqartussaasuisa allat kommuninit taaneqartunit aningaasat pisassaat.

Aalajangersagaq aammattaaq kinguneqarpoq, kommunalbestyrelsit nutaat kommunit kattuttut iluanni avataannilu oqartussanik namminersortunillu kommunalbestyrelsiusimasut suleqateqarnerannik ataatsimut isigalugu ingerlatsilissasut.

#### *§ 15-imut*

Ikaarsaariarnermi ataatsimititaliat suliassaat pingaarneq tassaavoq kommunit marluk nutaat taakku piareersarnissaat. Aammattaaq Qaasuitsup Kommuniata illersorneqarsinnaasumik atorunnaarsinnissaata qulakkeernissaa. Kommunit nutaat pilersinneqarnerat qanorpiaq ingerlanneqassanersoq ikaarsaariarnermi ataatsimiititaliat aamma isummerfigissavaat. Qaammatinut arfineq pingasunut ikaarsaariarnermi ataatsimiititaliat kattunnissamik piareersarfissaannut ingerlatsinissamik pilersaarusiortoqassaaq, taamaalilluni kommunit nutaat 1. januar 2018-imiit ingerlalluarsinnaaniassammata.

#### *16-imut*

Imm. 1-imut

Kommuninut nutaanut aqutsinermi malitassat kiisalu ikaarsaariarnermi ataatsimiititaliat sulineranni suleriaaseq ikaarsaariarnermi ataatsimiititaliat sularissavaat. Ikaarsaariarnermi ataatsimiititaliap suleriaasia kommunit avinneqarnerisa kingorna kommunalbestyrelsissat sulinerannut naleqqussarneqassaaq. Kommunit aqunneqarnerat pillugu Inatsisartut inatsisaanni aalajangersakkat taamatutaaq atuutissapput.

#### Imm. 2-mut

Siunnersuutigineqarpoq ikaarsaariarnermi ataatsimiititaliat kommunalbestyrelsit atuuttut tunngavigisaasa assingi malillugit kiisalu kommunit aquneqarnerat pillugu Inatsisartut inatsisaanni tamanna pillugu aalajangersakkat naapertorlugit aningaasaqarnermut ataatsimiititaliamik pilersitsissasut aamma ataatsimiititaliamik allanik pilersitsisinnaasut. Siunertaavoq ataatsimiititaliat taakku 1. januar 2018 kingorna ingerlaqqissasut.

#### *§ 17-imut*

Ikaarsaariarnermi ataatsimiititaliap missingersuusiortussaataitaneranut najoqqutassiat aalajangersakkami aalajangersarneqarput.

#### Imm. 1-imut

Ikaarsaariarnermi ataatsimiititaliat siulittaasui ikaarsaariarnermi sulinissaannut missingersuutinut siunnersuut kingusinnerpaamik 1. juli 2017 suliareersimassavaa. Missingersuutinut siunnersuummi taamaallaat ikaarsaariarnermi ataatsimiititaliat kattunnissap tungaanut sulinissaat missingersuusiortuqineqassaaq.

#### Imm. 2-mut

Ikaarsaariarnermi ataatsimiititaliat piffissamut missingersuutaat kingusinnerpaamik ulloq 1. august 2017 oqallisigineqassasut akuerineqassasullu aalajangersakkami aalajangersarneqarpoq.

#### Imm. 3-mut

Missingersuutit akuerineqareernerisa kingorna missingersuutit pillugit nassuiaat naatsoq ikaarsaariarnermi ataatsimiititaliat avammut saqqummiutissavaat. Avammut saqqummiussineq akuersinerup kinguninngua pissaaq, ilimagineqarporlu avammut saqqummiussineq missingersuutit akuerineqareernerisa kingorna kingusinnerpaamik ullut 14-it qaangiunneranni pissasoq. Missingersuutit assersuutigalugu kommunit nutaat nittartagaanni avammut saqqummiuneqarsinnaapput imaluunniit sumiiffinni kommunit allaffiini misissorneqarsinnaangortissallugit. Missingersuutit aamma Naalakkersuisunut nassiunneqassapput.

#### *§ 18-mut*

Pisortat suliassaannik kommuninut suliassangortinneqartunik kommuunit nutaat suliqaarsinnaangortillugit ikaarsaariarnermi ataatsimiititaliat pisariaqartunik aalajangiinissaannik aalajangersakkami pisussaaffilerneqarput.

Kalaallit Nunaata nunat immikkoortuinut kommuninullu aggornera pillugu Inatsisartut inatsisaata atuuttup allannguutissaanik saqqummiinissaaq eqqarsaatigalugu, kommunip nutaap aqqa ilisarnaataalu ikaarsaariarnermut ataatsimiititaliat sukkasuumik isummerfigissavaat. Ikaarsaariarnermi ataatsimiititaliat atissaanik ilisarnaatissaanillu Naalakkersuisunut innersuussuteqassapput, taakkulu Kalaallit Nunaata aggornera pillugu inatsisissasut siunnersuut

saqqummiutissavaat, tassani kommunit aqqi ilisarnaataallu aalajangersarneqassapput. Taamaammat ulloq 1. august 2017-imut piffissaliisoqarpoq, taamaalilluni inatsisissatut siunnersuut 2017-imi ukiakkut ataatsimiinnermi suliarineqarsinnaaniassammat.

Illoqarfiup ilisarnaataanik aalajangiinnermi ilisarnaatit pillugit malittarisassat isiginiarneqassapput.

### *§ 19-imut*

#### *Imm. 1-imut*

Kommunini nutaani kommunit allaffii sumut inissinneqassanersut ikaarsaariarnermi ataatsimiititaliat isummerfigissavaat aamma ingerlatsiviit tamarmik kommunit allaffianni inissinneqassanersut imaluunniit ingerlatsiviit ataasiakkaat kommunini nutaani sumiiffinni allani inissinneqarnissaat naleqqunnerunersoq ikaarsaariarnermi ataatsimiititaliat isummerfigissavaat.

#### *Imm. 2-mut*

Kommunini nutaani allaffeqarfiit 1. januar 2018-imiit ingerlatsilersinnaaniassammata, kommunini nutaani allaffeqarfiit qanoq aaqquissaassaansut ikaarsaariarnermut ataatsimiititaliat isummerfigissavaat kiisalu allaffeqarfiup pilersinnissaanut allaffissornermi aqutsisut pisariaqartumik amerlassusillit atorfinitsissallugit.

#### *Imm. 3-mut*

Kommunip avinneqarnerata piviusunngunnginnerani ikaarsaariarnermi ataatsimiititaliap sulineq naammassereersimassavaat, taamaammallu allaffeqarfiup sumi inissinneqarnissaa allaffissornermilu aqutsisunik atorfinitsitsineq kingusinnerpaamik 31. december 2017 aalajangiiffiqineqareersimassapput.

### *§ 20-mut*

#### *Imm. 1-imut*

Tjenestemandit ullumikkut Qaasuitsup Kommuniani atorfeqartut kommuninilu nutaani atorfinitsinneqarsinnaasut atugassarisaat aalajangersakkami killilersorneqarput.

Aalajangersakkap kinguneraa atorfinitsitsisartut tassaasut kommunimi nutaami kommunalbestyrelsi, sumiiffillu atorfinitsinneqarfik tassaasoq kommuni nutaaq. Kommunimi nutaami atorfeqalerneq nammineq nuutsitsinerunngilaq. Tjenestemandit pineqartut taamaalillutik kommunimi nutaami atorfeqalernerup kinguneranik atorfeqarunnaarnissap tungaanut akissarsiaqarlutik/utaqqinnermi akissarsiaqarlutik soraarsinneqarnissaminnik piunasaqarsinnaanngillat.

Aammattaaq aalajangersagaq kinguneqarpoq tjenestemandit pineqartut atorfinitsinneqarfimmi nutaami tjenstemandiunerup allanngorfiginngisaani allamik naleqquttumik atorfeqalersinnaanermut pisussaaffilerneqarsinnaanerat. Atorfiup allap taamaattup naleqquttut isigineqarsinnaaneranik

nalilersuinerup saniatigut, atorfiup suuneranik maannamullu atorfigisamut atatinneqarsinnaaneramik nalilersuinerup saniatigut, tjenestemandip ilinniagaqarnera, ukioqassusia, peqqissusia, nunami sumi najugaqarnera, inissisimaffeqarnermik nalinginnaasumik isummertarneq il.il. tunngavigalugit nalileereernikkut atorfimmuut naleqquttumut innersuunneqartutut oqaatigineqarsinnaanersoq nalilersorneqassaaq. Nalilersuinermi aamma ilaatigut ilaassaaq, atorfeqarfigisamik allannguipeq kommunip avinneqarneranut atatillugu pinersoq. Tamanna isumaqarpoq tjenestemandit pineqartut maannamut atorfeqarfigisap sinaakkutaasa iluanni atorfigilernissaanik pisussaaffiliissutaasinnaangitsumi atorfiup nutaap naleqquttup atorfigilernissaanut pisussaaffilerneqarsinnaasoq.

#### Imm. 2-mut

Isumaqatigiissutit tunngavigalugit atorfillit immikkullu isumaqatigiissuteqarluni atorfillit tamarmik inatsisitigut assigiimmik tunngaveqarnissaat aalajangersakkami qulakkeerneqassaaq, taamaalilluni atorfeqarneq atugassaritinneqartut allanngortinnagit ingerlaannarsinnaalluni. Piffissami tunniussiffiusumi pisinnaatitaaffiit pisussaaffiilu kommunit nutaat taamaalillutik malissavaat.

Aalajangersakkap kinguneraa atorfeqartoq kommunip avinneqarnerata kingorna atorfeqartitsisumi nutaami atorfeqarnermi sulineq pillugu isumaqatigiissutit malinnissaannut aallaaviusumik pisussaaffeqartoq.

Aalajangersakkap taamaalilluni kinguneraa, atorfeqartup kommunip avinneqarnerata ilaatut atorfeqartitsisumut nutaamut nuunermut atatillugu sulisitsisup allanngornera atorfeqartup tungaanit sulineq pillugu isumaqatigiissutit atorunnaarsinneqarnissaannik tunngaviliisnaasumik atorfeqarneq nammineq annertuumik allannguuteqanngitsoq, allannguinerullunili atorfeqartup naammagiinnartariaqagaa, kisiannili atorfeqarnermi annertuunik allanik allannguisoqanngippat nunami sumi najugaqarneq isiginiarneqassaaq. Atorfeqartorli atorfeqartitsisumut nutaamut nuunneqarnissamik kissaateqanngippat siumut nalunaaruteqartarnerit nalinginnaasut malillugit atofimminit soraarniuteqarsinnaavoq.

Kommunimi nutaami siunissami ingerlatsivissat sumi inissinneqarnissaat pillugit ikaarsaariarnermi ataatsimiititaliaq aalajangeereerpat, sulisut sorliit sumi inissinneqarnissaannut piaarnerpaamik pilersaarusiortoqartariaqarpoq. Sulisut pilersaarutit pillugit ingerlaavartumik ilisimatineqartassapput, suliffeqarfigisamilu sulisup nuunnissaa imatut siusitsigisukkut nalunaarutigineqassalluni sulisoq suliassani suliariinnarnissaannut nuunnissamik kissaateqanngikkuni soraarniuteqarnermi siumut nalunaarfissatut piffissaritinneqartut nalinginnaasut malillugit sulisoq suliffimminit soraarniuteqarnissamut periarfissaqassalluni.

#### § 21-mut

Imm. 1-imut

2017-imut naatsorsuutit Qaasuitsup Kommuniata suliarisassai aalajangersakkami pineqarput. Aalajangersarneqarpoq 2017-imut naatsorsuutit kommunit aqunneqarnerat pillugu Inatsisartut inatsisaanni tamanna pillugu aalajangersakkat naapertorlugit saqqummiunneqassasut.

Imm. 2-mut

2017-imut naatsorsuutit kommunip avinneqanerata kingorna saqqummiunneqartussaammata siunnersuutigineqarpoq naatsorsuutit saqqummiunneqarnissaannut annertunerusunik malittarisassaliornissamut Naalackersuisut pisinnaatinneqassasut.

#### *§ 22-mut*

Aalajangersakkami aalajangersarneqarpoq ikaarsaariarnermi ataatsimiititaliat kommunalbestyrelsitulli pisortat inatsisaat tamaasa malissagaat.

Aammattaaq siunnersuutigineqarpoq ikaarsaariarnermi ataatsimiititaliat kommunalbestyrelsinut inatsisini malittarisassat assingi malillugit aqunneqassasut. Tamanna pillugu itisiliineq pillugu nassuiaatit nalinginnaasut innersuussutigineqarput. Ikaarsaariarnermi ataatsimiititaliat taamaalillutik sulianik suliarinnittarnermi aalajangersakkat nalinginnaasut malissavaat, soorlu suliamut attuumassuteqarpallaarneq pillugu aalajangersakkat, tusarniaaffigineqartartunut tusarniaasarneq, aalajangiinerit tunngavilersukkat, allagaatinik takunnissinnaatitaaneq pillugu aalajangersakkat, kiisalu allattuisussaataaneq aamma pisortat ingerlatsineranni suliassat suliarineqartarnerat pillugu Inatsisartut inatsisaat malillugu allagaatinik takunnissinnaatitaaneq. Aamma ingerlatsineq pillugu inatsisini malittarisassat ikaarsaariarnermi ataatsimiititalianut atuupput, assersuutigalugu oqartussat aalajangiineranni inuit nammineersinnaassusiannik pisinnaatitaaffinillu kalluaasuni tamatigit inatsisini pisinnaatitsisoqarsimanissaanik tunngaveqarneq paasissutissanik aalajangiinissamut pisariaqartunik pissarsinissaq oqartussat namminneq akisussaaffeqarnerat ikaarsaariarnermi ataatsimiititalianut atuuttoq. Ikaarsaariarnermi ataatsimiititalianut tamanna eqqarsaatigalugu kommunalbestyrelsit tamakiissumik naligaat. Naatsorsuutigineqarpoq malittarisassat taakku atorneqarsinnaatillugit ingerlatsinermi pitsaasumik iliuuseqartarnerup malinneqarnissaa naleqquttusoq.

#### *§ 23-mut*

Paasissutissanik maannakkut kommunalbestyrelsiusunit pissarsisarneq kommunit nutaat pilersinneqarnissaannik sulinermi ikaarsaariarnermut ataatsimiititaliamut pingaaruteqarajuttassapput. Ilimagineqannigilaq kommundiusimasoq aalajangersagaq naapertorlugi paasissutisseqquneqarsinnaasoq eqqarsaatigalugu killiliisoqassannigitsoq. Kisiannili ikaarsaariarnermut ataatsimiititaliat qinnuiviginninnerat tunngavilersugaassaaq.



Qaasuitsup Kommuniani kommunalbestyrelsi allagaatit uppersaartit tunniunissaannut, pissarsiarinissaannut, katersornissaannut paasissutissallu suliarinissaannut pisussaaffeqassaaq, tassunga paasissutissat allanut ingerlateqqusaanngitsut inuillu pillugit paasissutissat mianerineqartussat, nalilersuinerillu ikaarsaariarnermi ataatsimiititaliat sulineranni atugassatut ikaarsaariarnermi ataatsimiititaliat piunasaqaatigisinnaasaat. Paasissutissat aalajangersimasut ingerlaavartumik pissarsiarineqartarnissaat ikaarsaariarnermilu ataatsimiititalianut nassiunneqartarnissaat ikaarsaariarnermi ataatsimiititaliat piunasarinnavaat.

Ilaasortat ataasiakkaat pinnatik ikaarsaariarnermut ataatsimiititaliat paasissutissanik aalajangersimasunik piunasaqarsinnaapput. Ikaarsaariarnermullu ataatsimiititaliat paasissutissanik piunasaqarsinnaaneq allaffissornermi sulisunut suliassanngortinnissaanut periarfissaqarput. Ataatsimiititaliap suliassaatus pisussaaffiliissutaasut suliarineqarneranni ikaarsaariarnermi ataatsimiititaliat aalajangiinissamut pisariaqartunik tunngavissaqarnissaasa qulakkeerneqarnissaa aalajangersakkami siunertaavoq.

Aammattaq siunnersuutigineqarpoq, suliffiup iluani sulinermi allagaatit, taamaallaat annertunersaalluunniit suliffiup iluani ingerlatsinermi oqartussat suliffiup iluani isumaliutigisaannik imaqtut takutitsisulluunniit, pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq aamma pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq malillugit, allagaatinik takunnissinnaatitaanermut aallaaviusumik ilaanngitsut. kisiannili suliffiup iluani sulinermi allagaatit uppersaartit oqartussanut allanut nassiunneqarpata allatulluunniit avataaneersunut tunniunneqarpata suliffiup iluani atugassaanerat atorunnaassaaq.

Kattunnerup eqaatsumik piareersartinniarlugu siunnersuutigineqarpoq, allagaatit uppersaartit kattunnissamik ikaarsaariarnermi ataatsimiititaliat piareersaanerannut atatillugu ikaarsaariarnermut ataatsimiititaliamit kommuninit kattuttunit tiguneqartut, suliffiup iluani atugassaanerat atorunnaassanngitsaq.

Aalajangersakkap taamaalilluni kinguneraa pisortat ingerlatsinerat pillugu inatsimmi aamma pisortat ingerlatsineranni suliassat suliarineqartarnerat pillugu inatsisimmi allagaatinik takunnittussaataitaanermut aalajangersakkat saneqqunneqassat.

#### *§ 24-mut*

##### **Imm. 1-imut**

Siunnersuutigineqarpoq maannakkut Qaasuitsup Kommuniani borgmesteri, borgmesterip tullia aamma borgmesterip tulliaata aappa tamanna pillugu malittarisassat naapertorlugit piffissami 1. maj 2017 – 31. maj 2017 akissarsiaqassat.

#### Imm. 2-mut

Siunnersuutigineqarpoq, Qaasuitsup Kommunianut borgmesteri, taanna aamma ikaarsaariarnermi ataatsimiititaliamut siulittaasutut toqqarneqarsimappat, marloriaammik aningaasarsianik pissarsissanngitsoq. Tamanna tunngaveqartinneqarpoq, borgmesteritut atuuffik tamanna naapertorlugu tamakkiisumik suliffittut aningaasarsiaqartitaammat.

Tassunga peqatigitillugu siunnersuutigineqarpoq borgmesterit soraarnerussutisiaat pillugu nalunaarummi piffissamut piunasaqaammit immikkut akuersisoqassasoq, taamaalilluni soraarnerussutisianut akiliinermi piffissaq atuuffik malinneqassalluni.

#### Imm. 3-mut

Taamatuttaaq siunnersuutigineqarpoq Qaasuitsup Kommuniani kommunalbestyrelsimi ilaasortat kommunalbestyrelsimut ilaasortat akissarsiaat pillugit malittarisassat atuuttut malillugit piffissami 1. maj 2017-imiit ulloq 31. december 2017-imut akissarsiaqassasut.

#### *§ 25-mut*

Siunnersuutigineqarpoq Inatsisartut inatsisaat ulloq 1. december 2016 atuutilissasoq.